



武夷山志下



浙



武
庚
九
由
志
一
家



浙 江 圖 書 館

武夷九曲志十卷

浙江錢塘王復禮艸堂編輯

江南嘉定陸廷燦扶照叅訂



山北

東徑自一曲溪北蘭湯渡登陸西北行諸山有稍折

而東南者皆附入

天心峯碌金巖北里許以全山百二十里度之是峰居

其中央猶天之樞極也故名

香爐峯丈人峯俱近杜葛巖

火焰峯紫嶺北峭拔騰空勢如火焰

247387

師陀峯 火焰峯東

北斗峯 在三姑石後七峯相連狀如北斗

排峯巖 又名屏風巖又名靈龕一曲三姑石北壁立千

尺方正如屏四無逕路編梯以登其上平曠可以畢覽

勝槩

辯國朝王梓換骨巖三姑石皆依附幔亭後三姑石

以北則溪壑深峻不相屬矣故山北志斷自排峯巖

梅巖 俗名外馬頭北斗峯西北五里許

馬頭巖 又名磊石巖五石駢列勢若騰驤俗稱五馬奔

槽

武夷山志十卷

詩明徐表然怪石崢嶸似馬頭巍然不動幾千秋
苔深鎖疑毛長霧雨常蒸若汗流金勒午拋芳草逕
玉鞭春落綠楊溝曾清西北風塵警歸臥華陽得自
由

馬鞍巖又名毛廬峯馬頭巖西南巨石壁立形肖馬鞍
相傳昔有毛女結廬其上

碌金巖鐵郎寨西北巖壑幽深明末羽士周千秋築室
其上

詩明周千秋森森灌木欲摩霄薜荔成陰壓斷橋有
客徘徊尋石齒逢人指點轉山腰到來戀我溪巖靜

別去愁他道路遙
試向萬峯高處看
穿雲雙屐下迢迢
迢國朝張蚩蚩訪周一丘
碌碌人間世冥鴻却羨君
竹光浮午夢松韻入南薰
大巧還天地幽棲自水雲
偶來因問字清福可容分

杜葛巖又名杜葛寨又名杜轄巖梧桐窠北磊石爲門
入逕絕幽昔傳杜葛二姓隱此或云姓杜名葛者嘗糾
鄉兵於此以禦山寇故又以寨稱明萬曆間尚寶吳司
丞中立隱此更名杜轄謂路逕幽曲杜絕車轄也時歛
西程艮初亦結小屋居於巖背織草鞋度日遺蛻尚存

詩明謝肇淛路出諸峯外門開流水邊數椽棲洞屋

一帶隔溪煙雨漲巖頭瀑泉滋石罅田蕭然車馬絕
鷄犬亦成仙

飛霞巖杜葛巖下洞躡石級而上截然曼峙

魚巖杜葛巖觀化臺左

象鼻巖杜葛巖西北其巔有石下垂若象鼻然

丹霞嶂火焰峯北雄峙如城綿亘層疊長數萬丈而高

稱之石色頰紫宛然天半朱霞

湧翠臺在凝雲菴

觀化臺在杜葛巖明本邑劉廣文吳建

望仙臺又名昇仙巖在水簾洞明嘉靖間本邑王廣坐

武東山志 卷一 三
化於此遺蛻尚存洞中

會仙洞杜葛巖下洞平行而深藏

小有洞杜葛巖上洞峻絕而軒朗

水簾洞又名唐曜洞天丹霞嶂北石壁廣數十丈高稱
之斜覆爲丁中構祠觀數處不施陶瓦雨雪不侵水自
巖頂落于池山中景勝之境也

記明楊應詔予自乙卯來武彞思欲作天游精舍于
天游觀上天游去水簾不十餘里余竟不能至歲已
未夏四月安城東廓鄒師同劉獅泉及子美諸子自
懷玉天真至自武彞次天游有詩懷予又折簡約郡

公吾南劉子偕會泊予至廓翁自天游游衍已出憇
冲佑宮矣次晨與諸子相徬徨九曲溪上宴酌又次
晨約同遊水簾水簾在武彛西乃沿武彛逆溪而上
數十折始達其麓過小石澗予行後諸子獨肩輿入
自水簾山口迤邐委蛇與石嶠嶠上下兩崖間跼促
不可步有石板嶂百餘仞側立天畔予錯履其下則
見天光隱隱一線頃又西折循石棧石級而上忽巖
嵐斗裂旋如兩墻堵然予乃婆娑青松頂東望遙睇
巖外隔雲煙火數家恍若武陵桃源咫尺至則見廓
師與獅泉吾南諸子談欵以之坐佛寮迤夢臺過飲

唐耀洞天所予跋蹠亦就飲泉光野色還予百億狀
忽凜如化國神臯自夢中而下坐久仰睇俯眺不能
悉但見懸崖萬仞瀑水自天飛墮日光倒射錯閃如
散珠然簾揭于前旁有題曰龍湫飛來處予興劇頻
徬徬烟靄窟中巖背霧濛濛然起籠罩人飛流噴沫
數十里朝昏莫辯予且駭且盼廓翁顧謂予曰有本
者如是人之學也亦然無源之水不能久存長逝無
根之學不能大受遠到人之性真靈源是豈可不疏
濬培壅也予唯唯復與廓翁自斗崖下水簾側左右
有兩石穴深不可窺睨水簾水瀉下鍾爲深淵綠沉

沉如有神物蟠護然灣沚自小石橋出復散爲平沼
方池下有六堤曠儻旁綠陰掩映毛竹數十株面挺
如人立予與廓翁諸子徘徊徙倚不能去復取解立
飲豪歌數闋尋清風颯颯自兩崖下不知天壤間風
雩浴沂之樂何以加此水簾忘予予亦忘水簾或曰
是水生于山谷荒壤無所用徒爲好事供玩之具或
曰是雖無用然其光瑩洞徹可鑑物爲賢者容與爲
山川萬古偉觀與夫雁蕩龍湫齊名無窮則其于世
亦不可謂無所用也豈徒取呂梁濠上丈人荒唐者
之嘯弄已乎是似類造物神巧所施設誠有不偶然

者夫水知者所樂予非知者也獨來遊有感于夫子
川上之觀則有不能已於言者作水簾洞記

詩明丘雲霄窈窕回幽壑神仙別有家雲深石洞煖
風轉水簾斜山羽窺遊節林絲縮落花君行壽社稷
吾合老烟霞安國任飛瀑瀉遙峯飄飄西復東入雲
晴作雨映日晚成虹繞壁花光濕緣崖樹影空結茅
如可就常此洗塵棕沈明臣珠箔千尋下瑤池一鏡
平聲隨風不定影射月空明疎密飄晴雨玲瓏散水
晶龍湫何所似長嘯倚前楹曹學佺天際看泉落何
如削玉屏亂飛孤澗雪平散一池星鮫淚沾衣濕龍

湫掛幕腥飄然澄徹界遠映數峯青夏朝甫天公幻
化真奇絕派下銀河作晴雪一道光分出洞天粲粲
珠簾掛瓊闕青娥乘鸞去不歸綵雲香霧遺繡衣懸
空倒瀉千餘尺風雷五夜鬼神悲宋璩石泉飛雨亂
淋漓翠箔銀絲萬縷齊雲屋潤含珠網密月鈎涼沁
玉繩低鮫人夜織啼痕濕湘女晨粧望眼迷恍似水
晶宮殿裏四簷花雨亂鶯啼江騰鰓瑤天機縷掛層
城一片湘波別樣清應愛水雲歸隱逸不妨猿鶴結
詩盟垂垂檻外寒星落洒洒窻前夜雨鳴最是紅塵
飛不入疎簾掩映月鈎橫楊成名石壁谿舂過鳥稀

探奇還叩白雲扉半簷晴雨雙虹裊千派寒流碧練
飛日射遺珠光入座風搖亂雪冷侵衣分明到瀉銀
河水不斷潺湲響翠微黃庭峯頭今古洒淋漓萬類
千絲散又齊羸女去垂紗幕冷天孫下織玉梭低輕
雲濕擾蝦鬚亂薄霧寒籠翡翠迷惆悵卷舒人不至
黃昏山鳥隔煙啼顧夢圭天外巉巉兩石扉林間隱
隱細泉飛五城遙峙仙人關匹練斜分織女機雲逼
丹梯留過鳥風搖珠箔巧沾衣尋真採藥無如此下
界氛埃何處歸國朝王梓肩輿尋勝境逼仄道途長
澗水流香淡炎風出岫涼傳經識原委遺蠟本荒唐

到此開心目珠簾掛石梁僧興林霞冷烟深一洞幽
噴流千尺玉簾浮不知誰有拏雲手爲我輕輕捲上

鈎

路徑自縣至此則出城南行二十里卽達

道者石俗名和合巖白雲莊左有二石比肩相倚而立
如寒山拾得狀

橘隱石在凝雲菴巨石如几可奕因勒橘隱二字

藏真島杜葛巖翠然聯亘噴峯怪石不可數計

石鱗窩又名石鱗巖在排峯巖後

息機窩在凝雲菴

梧桐窠今更名桐峯負馬頭巖向杜葛寨四維峯環俯
臨巨壑赤石橋在望雁齒歷歷可數

紫嶺又名紫嶺峯天心峯北石色青紫因名

詩宋李綱林花不逐歲寒凋半嶺煙光媚遠霄須信

仙家風景好四時峯岫紫岩堯

雲門師陀峰有石門如箭括曰雲門

葛香林天心峰下平衍數里禾黍環匝竹樹森列望之
蔚然猶濠濮間云

蓑衣林馬頭巖北一帶地名

鐵郎寨馬頭巖南羣峰環遶中有田十餘畝相傳昔有

山寇屯三姑市忽見旗幟自山中出遂駭遁避亂於此者亦聞金戈鐵馬之聲謂有神兵來護因建屋以祀山神故名

路徑自北向南至天遊約五里許踰一小嶺卽天遊

巖也

碧桃園馬頭巖下明萬曆時楚人周道一築今廢

白雲莊排峰巖北四面皆高巖峻壁有石門通小徑半里許中復平曠舊有道院今惟遺址石臺丹井猶存

詩明劉孔敦再入煙霞第幾重白雲隱隱罩山峰低徊念却歸來路惟聽樵歌伴晚鐘

流雲澗師陀峰有飛瀑瀉下曰流雲澗赴流香澗滙流而東

詩國朝江清懸巖石壁兩西東碧水渟渟有澗通曲

折板橋留一線人間何必羨崆峒

襲芳澗流雲澗漸遠又有此澗亦赴流香滙流

浴龍池有清微洞真觀

詩明僧道盛枕流漱石總無心苻帶蘋花何處尋夜

靜月明風在樹坐聞泓下有龍吟

曲水池在凝雲菴從巖巔濬飛泉注蓮池曲水流觴以

娛客

潛龍井在清微洞真觀

珠泉水簾洞巖頂自上瀉下隨風飄洒狀如真珠

三賢祠水簾洞內右祀宋劉屏山子翬朱晦菴熹劉嶽

卿甫

詩宋朱熹哭嶽卿曾說幽棲地君家近接連欲携邀

月酒同棹釣魚船遽爾悲聞笛真成嘆絕絃林猿催

老淚爲汝一潛然

辯國朝王梓劉嶽卿隱居水簾嘗招朱子來遊後世

遂並祀于此宜也若劉屏山卒于紹興丁卯朱子題

名勒石爲淳熙辛丑距屏山之卒已三十年矣屏山

既不讀書于此又不來訪嶽卿誠屬無謂况屏山贈嶽卿之父兼道詩有我亦與子同翱翔則是嶽卿之父執而朱子又屏山之門人三位安得並列無理極矣明季江右劉狀元同升自他處摹晦翁所書百世如見額懸之亦非水簾洞故物也况五夫里屏山先生有專祠理應將牌位移去洞中只供朱劉二位始為得當而相宜也

三教堂水簾洞正中瀑布落其前祀至聖孔子以及老君釋迦

辯國朝王復禮五帝三王以來惟有儒教至漢而仙

佛興焉然老子爲柱史非道士也有妻子非出家也
史遷謂其一百六十歲或云二百歲非不死也其墓
在扶風郡槐里非白日昇天也而道流書符煉汞妄
認爲祖釋迦遠生西域安知其詳據云雪山修道並
無誦經拜懺之事且捨身割肉四大皆空何得求人
布施是世之釋道皆失其本來矣自漢桓帝于濯龍
宮設華蓋以祀老子釋迦至晉而其教始盛元帝東
遷三教鼎立則以外域之僧配吾聖人孔子此無忌
憚之甚者也周王建德時定制以儒爲先道爲次釋
爲後唐僧法明上表武后勸其革命因升釋於道之

上是二氏序次互爲興衰也齊主高洋勅道士皆剃髮爲沙門有不從者殺四人于是齊境無道士宋徽宗詔改佛爲大覺金仙寺院爲宮觀僧爲德士並許入道觀依道士法是二氏門庭互爲興衰也豈若儒教今古常明聖愚不易與天德同其悠久巍巍蕩蕩至平無奇至尊無對哉今水簾洞三教堂不知起於何代但聞向來羽士住持則以老子居中衲子住持則以釋迦居中惟吾夫子時時屈尊處末褻瀆至聖寧有是理擬當移老子像于道觀釋迦像于僧菴獨供孔子以存舊蹟是在秉權居位闡地當事行之永

遠禁革可耳

清微洞真觀又名白龍觀又名水簾道院水簾洞內右
宋羽士江成真建明嘉靖時羽士楊本空復創修亭宇
樊直指獻科易名觀內有昇真亭諸景

詩明玉蝶仙扶筇扳石磴來謁廣仙子滿洞空白雲
一榻瀟瀟水邂逅養愚翁烹茶問行止一笑暫歸去
透指清風裏

雙龍宇在清微洞真觀今廢

昇真亭在清微洞真觀今廢

鳴球亭在凝雲菴今廢

呂仙亭在養恬菴今廢

會仙樓雲水樓皆在養恬菴今廢

靜園室在養恬菴今廢

凝雲閣在凝雲菴今廢

養恬菴杜葛巖明萬曆時道人程常靜建內有靜園室

諸景今皆廢

〔記明〕吳中立武彛山之九曲溪流入崇安大溪遡流

而上五里許有杜轄巖焉巖壁週遭若城郭扁固邃

密僅啟一竇不容車馬往來故稱杜轄上下凡二洞

初由石門進不數武懸崖千仞風雨不侵是爲下洞

曰會仙由茲躡石磴而上竹樹交陰流泉汪汪巖然
復峙爲飛霞巖峯然聯亘爲藏真島巔峰怪石若蹲
若踞若翔若舞曾不可以數計皆環繞于襟抱間是
爲上洞曰小有下洞平衍而深藏上洞峻絕而軒朗
一山之中舒歛潛見固異狀也余夙耽山水棲遲九
曲之濱思支片茅以終隱顧武彛名勝甲天下宦轍
經遊絡繹不絕非息機遐遁之區嘗試度之其必有
大隱無名爲洞天之別業者歲己卯邂逅道人程始
陽常靜相携入杜轄巖夷猶周睇不覺油然解頤曰
有是哉太朴猶完鴻濛未鑿含輝匿景以待象罔之

求其茲山之謂乎余與子有歸老之地矣遂度材而鳩工覆巖爲宇甃水爲渠本自化工參以人力建會仙樓于下洞樓之下爲屋三間中奉神明旁棲雲水建呂仙亭于上洞因石爲龕以安仙像幔亭峰列屏于後香爐峰桌案于前煙靄繽紛聖燈閃爍殆天然香火也復夾以蝸室名爲靜園而亭之左腋爲草樓爲飛閣可以坐隱可以臥遊亭之左逕有石几甃棋砑沿迴巖穴間輒有青苾綠蒲堪以憇息東旭西暉以賓以祖俯挹丈人峯桃花萬樹醺然如對赤城徜徉其際飄飄然羽化登仙矣飛霞巖側滌炊具別爲

朝餐所不欲近烟火氣也白雲深處設重關別二洞也始事於萬曆己卯夏落成於庚辰之冬凡所營構胥自始陽道力伯夷之徒所築固宜爲清修者之淨居也古德云境靜心閒乃可入道余爰處以來塵累日消恬淡日就願神以境養之時義大矣哉遂冠之曰養恬菴書而記之

詩明張元忭杜轄巖中人曲江舊同席未折彭澤腰
早着東山屐棲心老氏書結廬武彘側晴峰萬點青
雲淡幾條白立關夾長松丹房架危壁巖頭露可餐
巖下芝可摘猿鶴時爲群車馬杳難卽我本丘壑人

聊作金門客煙霞夙同好出處偶殊迹諦觀聲利場
可似神仙宅四十已無聞百年亦瞬息徒然赤松子
巢居鍊形魄明發出閩嶺題詩訂泉石

山心永樂菴又名天心菴天心峰下明嘉靖時羽士韓

洞虛重建今廢

詩明傅汝舟朝登三仰峰夕宿山心菴久入名山遊
蹊逕頗盡諳始知九曲外又有南山南森遠更險豁
深篁倚烟嵐汝田稻翼翼巖桂花粼粼疎籬隔鷄犬
朽樹藏蜂蠶嘗傳武陵源旁有捕魚潭伐木不到遠
却留松與楠雲光卸秋屨回首望石龕經旬四扳眺

偃息此日堪澗芹食轉美草榻臥正酣枕中有鴻寶
何必問周鼎釋淨叅天心寂寂總無私秋老寒深草
未衰採藥客來新雨後抱琴僧到落花時煙消碧漢
山容淡石倒青松日影移塵世浮生終是寄杞人憂
甚竟何爲

凝雲菴又名小蓬萊馬頭巖下從換骨巖紆曲以入中
復夷曠茂林修竹掩映左右桃杏梅桂次第迭開明隆
慶初羽士張德恩建內有凝雲閣諸景今皆廢

詩明吳中立一逕桃花遶竹林石樓高結萬山陰人
間自有桃源路不用漁郎別處尋

磊石菴國朝釋遜樵重建

詩國朝龔錫昌從來勝地結衡茅鳥語花香可訂交

樓築清高憑石磊堂開宏敞鎮山均白雲近午飛巖

頂明月深更掛樹梢燕子不知新煥彩猶尋棟上舊

時巢

鳳林菴梧桐窠國朝釋衍操建

詩國朝王梓穿林躡磴到禪關萬疊危峯四面環靄

靄慈雲生法界霏霏花雨落人間忘機漸覺輕鷗近

避世真同野鶴閒有約乘時來訪勝依稀曲水響潺

湲

還元菴 火焰峰下明萬曆時建今廢

慧明菴 火焰峰頂明天啟初釋慧明從南海來結茅於此不下山者四十餘年卒後釋悟空任持

梅巖菴 其地俗稱外馬頭國朝釋超學建

北徑 自赤石街鷄林一帶西南行凡諸山有稍折東北者附入

霞濱巖 水簾洞東北五里許

曼陀巖 霞濱巖南

白花巖 又名雪花巖霞濱巖西北一巖橫亘數十丈石

壁潔白故名

鷹嘴巖 葫蘆石西北聳峭高竄頂復尖曲宛如鷹嘴

白崖龍頭洞北石壁皚白長數十丈

路徑自此南行五里至水簾洞

珠子洞 霞濱巖北

曼陀洞 在曼陀巖

玉華洞 俗名蝙蝠洞 白花巖下

龍頭洞 劉官寨北

葫蘆石 白花巖北以形得名

劉官寨 鷹嘴巖西北三里許四面峭壁中央平坦宋劉

兼道衡劉嶽卿甫父子集義兵于此禦寇以衛鄉井土

人德之表以是名石關

人德之表以是名石關石垣猶存

梅花莊白崖之麓宋高士趙必漣弟進士若櫬全隱處

詩元趙若櫬雲散青山出人閒白晝長禽聲答空谷

樹影畫斜陽種果期秋實澆花趁晚涼行藏天已定

隨分且徜徉○可意黃鸝喚得醒日移樹影正當庭

飛花忽趁東風過點破蒼苔一片青趙必漣一間茅

屋傍溪斜三徑荒于靖節家但得鶴糧隨分足更須

鋤月種梅花劉濟莊後莊前千萬枝元方題扁季方

詩何當把酒依花樹坐到參橫月落時

猶龍道院白花巖東明萬曆時羽士江清慧建今廢

武東山志 卷一 二
霞濱菴霞濱巖下不藉瓦甃國朝釋悅可建

僧寮曼陀洞中

繞雲亭白花巖相近國朝釋圓中結茅于此

西徑自星村渡北行十里至棠嶺又東行復交水簾

又西北行至官莊大路武彞之界盡矣

玉柱峰又名天柱峰清涼峽口之右高數百丈圓若削
成

飛來峯玉柱峯旁一峯差小頂有石如戴笠狀

蓮花峯節巖西北峯巒寵崒竹栢蒼鬱編梯而上頂復

平坦上有石洞可居

筇巖俗名上章堂棠嶺東北五里許章堂巖之右肩也
石壁橫亘數十丈多生筇竹因易今名

章堂巖石壁聳拔有瀑布自巖頂而下大旱不竭

國朝戚麟祥贈鐵華上人天下名山數武夷偶飛一

錫到京師來從舍衛施金處歸在清和浴佛時六六
峰高雲滿衲三三溪曲水盈卮掉頭轉望長安市千
里緇塵馬面吹潘錦念年不踏武夷山惆悵流光彈
指間今日塵埃逢老鐵故應相對話衰顏○箬帽櫻
鞋返舊棲禪心無復絮沾泥他年若肯開蓮社終爲
陶潛過虎溪○拍板家風益自珍壽公半偈尚如新

洞天法席因緣在重掃章堂作主人。○囊空不辦買
山貲肯爲鷓鴣假一枝衰病祇今歸未得傷心寫寄
惠連詩陸廷燦次前韻詩傳九曲好溪山夢想依稀
廿載間却喜銅符新管領政閒相對一開顏。○章堂
講席稱幽棲澗草巖花護紫泥他日携琴訪老鐵茶
烹香水勝曹溪

先皇曾賜祖庭珍 帝子重頒翰墨新愧我官清如鶴
瘦祇將斷句贈高人。○鉢粟瓶花價不貲當門龍象
繞虬枝勝情遙羨靈山衲枯坐時吟贈錦詩

青獅巖又名形獅巖白花巖西突兀類蹲獅巖上有水

溜下爲池冬夏不涸

路徑巖南卽水簾洞

九井巖青獅巖麓巖上石竇九口渾然天成因名

黎道巖古井窟南隔澗相對江志云宋末詹進士避寇

於此石壘猶存

笠盤巖黎道巖南峭壁峻險

喬巖俗名喬坑集賢菴北

清凉峽兩巖夾立曲折蜿蜒如行委巷中約十餘里非
停午不見日色故名幽奇之境無踰此者

蘆岫喬巖西北由水簾洞西進三里許度澗北上又二

里卽其處也

沙坪蘆岫西北一逕盤迴頂上平坦

桃源洞棠嶺南亦倚三仰峰背四巖環抱其中平衍田蘆幽邃人跡罕至可以避世如武陵也有石洞相傳唐僧扣冰嘗棲止焉

詩明江騰鱗蕭然一洞藏幽壑野水寒雲長寂寞世上漁郎不問津桃花門外空零落莊一俊轉逕入山洞自斜碧桃時結千年花東風散與漁人醉鐵笛飄來四五家

雲水洞章堂巖半有僧寮悉結其中望之若掛木末甚

有趣致

詩國朝彭雄飛木末天空景倍賒偶從石室臥烟霞
千峰月出驚啼鳥一澗雲深泛落花無事仙童常淪
笋多情老衲自烹茶幾回夢覺鐘聲裏欲向名山老
歲華

翠竹窠又名白鶴窠青獅巖北由鳥道深入內復平曠
四山環抱一水滌洄茂林修竹蒼翠可觀

辯國朝王梓翠竹窠卽白鶴窠藍志分載爲二誤也
其地實近三仰李志以爲在三仰北麓良是

棠嶺俗名長嶺白巖南與七曲三仰峰連背由崇安達

邵武之孔道乃武彛入脉處也

虛靈洞形獅巖半可容十餘人

來禽塢在獅巖隱居

先春園在獅巖隱居

月臺在獅巖隱居

釣臺在獅巖隱居

桃花林在獅巖隱居

章堂澗自章堂而東至玉柱峰下合流香澗

流香澗宋名倒水坑自三仰峰北谷中發源其流背溪

而北明徐孝廉燭易今名以其水經玉柱峰下匯章堂

澗趨里許與水簾洞之水合流繞霞濱巖過石門至鷄
林又合黃龍溪出赤石下大溪澗邊多生山蕙石蒲香
氣襲人故名

詩宋朱熹窮幽鮮外慕殖志在丘園卽此竟無得空
恨歲時遷川陸綿半載煩燠當歸緣憇此蒼山曲洗
心聞澗泉國朝釋超全山雨初晴溪尚霧澗底流香
花滿樹稜稜石齒咽寒泉耳畔濤聲喧不住道人指
引挈瓶來欲試雨前花上露天柱峰高暝色深苾鞋
歸踏蒼苔路

古井窟翠竹窠西棠嶺東亦依三仰峰有水從三仰瀉

下注于天然石窟深碧澄泓四時不涸
九星泉九井巖石竇凡九天然之水其味甘冽

獅巖隱居形獅巖陽明范虛靈建內有先春園諸景今皆廢

〔記〕明襄宗周巖蓋武彝之別支也以其狀如獅子因遂名之范公虛靈小隱在焉經始於嘉靖己未去今四十餘載而余于萬曆戊戌始獲一至遵洲渚而西渡黃栢溪逶迤于田疇山澗之間乍寬乍隘忽無去路遲迴之際乃于山麓得一間道僅容負擔兩旁陡絕灌木陰森移數十步豁然平曠稻田高下環繞溪

流游魚歷歷可數不二里有巖突兀猊蹲于天際卽
所謂形獅者是也巖之陽壁立萬仞稍彎若屏而色
丹半壁掛飛閣數楹煙雲掩映微茫中若有人俟于
窻櫺者鷄犬聲出雲端阡陌盡得小阜阜半有地數
弓甚平坦可亭其上循阜折而東石磴數十百級曲
逕縈紆而柴關闕焉關右崖溜水淙淙作環珮聲漚
爲方池池上環植二色芙蓉俯瞰清波搖風弄影若
矜其艷者花陰犬獰甚主人披衣出迎始知向之俟
於窻櫺者主人也一笑登樓樓瞰柴關下臨深壑回
視所履則身在層霄卽有暴客一夫當之足矣中列

堂三間創制草草遠而望之不啻珠宮貝闕堂之西
餘基數十丈每月夜主人蹲怪石揮杯勸影足稱月
臺自是至絕頂則城邑若帶萬竈烟霏間以翠微武
彘諸峰低昂拱揖雲谷插天于是咏左思招隱詩而
下由堂東攀危石而上有巖隆然若釣臺臺下石洞
可容十許人旁通一竅天然甕牖外窺深不可測烟
霧空濛欲墮不墮自非達人則四體爲痿矣主人語
予茲山見辱于樵人牧豎者不知幾千百載偶以採
藥而至於斯披荆夷險始聞于人若知所憑依者遂
名其洞曰虛靈竊以自號今棲遲此中者四十餘年

矣竟不知我何以得之我何以隱何以出何以復歸
老于茲也于是歷覽諸勝若桃花林來禽塢先春園
與其率子孫耕耨網罟之處要其山之所從入大類
陶靖節所記桃花源而諸勝過之且桃源人以避無
道秦世世長子孫于此遂與外人絕公則身際明盛
嘗爲王臣意有所會輒兩袖郎當過城市訪諸舊好
若黃太僕孫左史奕客詩豪酒人以及不佞輩相見
或揖或不揖輒踞上坐時則瞋目大呼曰何不伏道
左迎乃公相與大笑且呼酒飲至斗又褫飯以故豐
顚皤腹酒酣狂歌不擇宮商興至賦詩竟不知其何

所師承大旨取詠性靈而已已則兀然而無堅白同
異之說是以諸薦紳人士咸謂無虛靈公一坐爲之
不歡嘗戲匿其襪及剋公輒一跣一襪露頂委蛇委
蛇履橐橐行市中人笑亦笑人止亦止六街哄然公
混混默默不以爲異不佞謂公內亦爾否公笑謂否
乃於去歲重九日忽絕粒止酒歲一週矣而丹顏胖
體不異健飯時步履輕便於昔圍棋竟日夜不疲問
其何以爾曰偶然問其何所事曰不知夫惟不有知
是以不知公生平恂恂如鄙人見人不能道詞而儒
而吏而隱而見而得茲山而又碎穀若將霞舉者至

其運用人不得而知之而已亦曰不知噫公果何爲者耶予自遊茲山今三年所矣一歲而公絕粒再一歲而公年七十予與公爲中表兄弟于是過公稱萬年觴衆賓強之飯強之飲曾無忤容噫公果何如者哉于是乎爲之記公范姓名某字某虛靈乃其晚號也

深密菴蘆岫之巔明萬曆時羽士毛守中建內有閒閒室諸景今皆廢

記明劉炁余少時閱明道自序云出入二氏十餘年此心方得融徹乃知二氏亦有養心之助未可拒不

與通也鄧定宇先生養晦山中與方外一呆毛子烟霞雅契余因得接談所言皆吾儒之旨志向清高豫章諸君子皆與之友以而逾篤萬曆壬辰冬予來署崇安教諭事毛子遊武夷已謂予云遍探九曲及三十六峰惟蘆岫一區武夷無出其右山環水繞絕境秘藏決意結茅以安瓢笠予笑曰道人情況如野鶴閒雲何拘拘畢意乃爾偶因公暇往訪之由水簾洞西進三里許度小澗北上又二里至其所四山若拱揖谿壑深邃竹樹茂密果堪爲幽人託足地結廬于斯豈復漫言人境哉象岡立珠毛子可謂得之矣遂

以薄俸相資佐其營創豫章諸君子聞之皆樂助焉
始事丙申之春落成丁酉之夏扁曰深密菴書而記
之

莫菴 筇巖之下國朝釋超位建

鼎山菴 九井對巖之北巖南卽水簾也

穆巖菴 翠竹窠國朝釋淨叅建

古井菴 古井窟國朝釋心坦建

集賢菴 蓮花峰東北國朝釋震青建

鵬峰菴 沙坪國朝釋元根建

招仙館 黎道巖上今廢

開開室在深密菴

白雲鄉在深密菴

巖石刻字

馬頭巖隆慶己巳夏賜進士吏部建安少松滕伯輪來
○隆慶壬申夏鄉進士建安天湖謝丰來○隆慶辛未
冬賜進士浦城景山吳中立遊記并七言絕句一首見
前

杜葛巖景陽洞天吳中立書○張元忭訪吳公五言古
一首見前

水簾洞噴龍涎○龍湫漱玉○黃德光劉岳卿彥集幾

叔章國望同來遊淳熙庚子孟冬三日○劉岳卿幾叔
招胡希聖朱仲晦梁文叔吳茂實蔡季通馮作肅陳君
謨饒廷老任伯起來遊淳熙辛丑七月二十三日仲晦
書○縉雲樊獻科按閩將歸去乘風日清暇約大叅曾
君子拱僉憲黃君肫都閩白君震遊水簾道院館於水
簾之下仰視飛泉如白龍懸注因易道院名爲白龍觀
觀之下爲浴龍池池上爲洽龍亭下亭數步許有井名
潛龍井巖之下有堂名雙龍宇以其在兩泉之間也時
酒醉樂甚夜而忘歸大明嘉靖三十九年庚申四月念
五日獻稗記

凝雲菴

斷翰樂甚齊而凝誠大即嘉祐三十

晉贈共錄文下官堂各雙讀字以其

贈文下無谷... 高... 書... 字... 學... 燈... 世... 信... 林... 我... 各...

... 圖... 因... 甚... 故... 刻... 各... 款... 白... 龍... 遊...

... 採... 千... 封... 會... 瀟... 黃... 桂... 柳... 帶... 圖... 白... 昔... 雲... 鼓... 水... 兼... 龍... 刻... 前... 後... 水...

... 著... 辭... 雲... 樊... 槐... 村... 外... 岡... 洲... 龍... 江... 來... 風... 日... 雷... 躍... 條... 大... 終... 會...

... 始... 於... 武... 王... 封... 節... 跋... 來... 張... 嘉... 興... 州... 浙... 北... 十... 月... 二... 十... 三... 日... 中... 外... 地...

... 所... 附... 各... 壑... 木... 竹... 韻... 梁... 文... 殊... 異... 吏... 實... 慈... 季... 熊... 鼎... 卦... 龍... 刺... 探...

... 殊... 華... 潤... 望... 同... 來... 張... 嘉... 興... 州... 武... 王... 封... 節... 跋... 來... 張... 嘉... 興... 州... 浙... 北... 十... 月... 二... 十... 三... 日... 中... 外... 地...

武夷九曲志十一卷

浙江錢塘王復禮帥堂編輯

江南嘉定陸廷燦扶照叅訂

履歷考一

理學

宋

楊時字中立將樂人成進士師二程子歷知三縣皆有

惠政除說書嘗糾童貫論蔡京請追奪王安石封爵

罷配享又抗言割地之非歷官徽猷閣直學士高宗

召為工部侍郎力辭老疾乃致仕年八十三卒謚文

五言詩
卷一
靖明弘治時從祀文廟著有書義中庸論孟義三經
義辨周禮毛詩辨疑并詩文集

胡安國字康侯崇安人成進士官給事中上命點正左
傳因進所著春秋傳歷官寶文閣直學士年六十五
卒謚文定明正統時從祀文廟

胡宏字仁仲號五峰文定季子嘗遊太學師楊龜山及
河東侯師聖初以廕補承務郎嶽麓山長奉祠家居
檜死被召已疾革矣卒謚曰明張栻其門人也著有
知言及皇王大紀詩文集

胡憲字原仲文定從子以鄉貢入太學尋返故山力田

養親延臣合章以行義聞召易進

胡憲字原仲文定從子以鄉貢入太學
養親廷臣合章以行義聞召賜進士出身授建寧府
教授後以母老丐祠檜死召爲正字時年七十五矣
至闕下抗疏言金必敗元臣宿將惟張浚劉琦可用
上留之不得命以左宣教郎使歸食祿卒謚靖肅朱
熹呂祖謙魏掞之皆其門人著有論語會議

劉勉之字致中崇安人以鄉貢入京時禁挾元祐書每
潛抄默誦聞涪陵焦定受易于程子乃與胡籍溪就
學棄錄牒南還道過劉公安世楊公時皆從請業朱
常齋臨卒託以後事且諭子熹師事之勉之爲經理
其家妻以女撫教如子姪著有草堂文集

劉子翬字彥冲崇安人以蔭補承務郎痛父韜死國難
哭墓三年服除通判興化軍尋丐祠主管冲佑觀妻
死不再娶事繼母及兄子羽極盡孝友朱熹奉父遺
命來從學年四十七卒謚文靖著屏山集

李侗字愿中延平人遊鄉校有聲聞羅豫章講學遂師
事焉朱熹受業其門以子試吏旁郡迎養歸道武夷
年七十一卒謚文靖明萬曆時從祀文廟

朱熹字元晦婺源人父松以進士爲尤溪縣尉寓居建
州疾革以書託孤於劉子羽子羽爲築室里第之傍
熹乃奉母遷崇安成進士年五十四築精舍于武夷

歷官寶文閣待制嘗主管雲臺觀又主管冲佑觀年七十一卒謚曰文宋淳祐時從祀文廟

蔡元定字季通建陽人聞朱子名往師之朱子叩其學驚曰此吾老友不當在弟子列韓侂胄禁僞學朱子首被黜季通謫道州次年卒于舂陵侂胄誅贈廸功郎謚文節

蔡沈字仲默元定之子少從朱子遊隨父至道州扶柩而歸年纔三十絕意仕進年六十四卒謚文正明正統時從祀文廟著有尚書集傳

黃幹字直卿閩縣人劉子澄奇之以書進于朱子朱子

妻以女刪定諸書皆與論議初朱子帥湖南時命捧
寧宗卽位表奏補將仕郎歷任中間予祠者三主管
冲佑觀者二後知安慶府致仕卒謚文肅朱子季子
在及諸孫皆其門人著有經解文集

方士繇字伯謨莆田人依崇安劉彥修遂家焉受學朱
子遊郡庠不踐場屋棲止仁智堂六經皆通尤深于
易精各種書法著有遠菴集

雷機字子樞建安人成進士歷官翰林待制父德潤與
弟拱杭皆以易學鳴于時稱雷門易

潘柄字謙之與兄植同來武夷著有易解尚書解

江默字德功崇安八中乾道己丑科歷宰光澤建寧常
從朱子于武夷著有周易四書訓解輯本朝典故綱
冊上于朝孝宗褒美賜緋魚袋

劉燾字晦伯建陽人學于朱子成進士敷歷外吏有政
聲學禁起築雲莊山房于武夷後累官工部尚書上
疏請罷僞學之禁奏刊朱子四書集註于學宮卒謚
文簡著有四書集成禮記解及奏議文集

劉炳字韜仲燾之弟成進士官兵部郎中朱子撰述多
與論訂卒謚文安著有四書問目綱目要畧

劉厘字伯醇燾之子亦從朱子學歷官州縣進秩朝請

大夫有毛詩解家禮集註

劉欽字子明燭之孫少從蔡沉學精于易以祖廕補官擢侍御史同知樞密事稱疾歸隱武夷卒謚文簡著有書經衍義文集

詹體仁字元善崇安人師事朱子爲學以存誠慎獨爲本成進士歷官太常少卿光宗久不過重華宮體仁極陳父子至恩引易睽孤之義以諫孝宗崩抗疏請臨密贊趙汝愚定大策真西山從之遊開禧初除司農卿總湖南餉事卒于官著有象數總義

陳孔碩字膚仲孔夙弟師事朱子于武夷成進士歷官

秘閣修撰數忤韓侂胄史彌遠歸而杜門著書有學
庸北山集

熊以寧崇安人從朱子遊成進士授光澤簿剛介自持
謂志伊學顏皆分內事有大學釋義中庸讀說

鄭可學字子上莆田人少孤好學再貢禮部不利道過
武夷從朱子學朱子守漳州延之以教子弟僞學禁
起獨能旦暮追隨後爲衡州司戶著有春秋博議及
師說書集

李閔祖字守約光澤人朱子及門嘗留于家塾編中庸
章句或問輯畧後成進士歷官廣西帥幹以勤慎明

正東山元 卷一 一
恕聞著有問答十卷

李方子字公晦閩祖之姪自少端謹朱子曰寬大中要
規矩和緩中要果決遂以果名其齋入太學廷對擢
第三授泉州推官秩滿不通書廟堂史彌遠使言官
劾罷著有傳道精語禹貢解真西山進其書于朝特
加朝奉郎致仕

葉味道字知道括蒼人移居建陽從朱子于武夷後登
第歷遷崇政殿說書秘書著作佐郎謚文修著有四
書說祭法

游九言字誠之號默齋建陽人十歲卽爲文詆秦檜長

從張南軒遊南軒教以求放心舉江西漕司進士第
一調古田尉時學禁方嚴九言作上元明道祠記罷
歸乃築水雲寮於六曲開禧初爲淮西安撫機宜尋
知光化軍卒謚文清

真德秀字景元浦城人成進士其學以母自欺爲本奏
疏皆切當世要務嘗築室武夷累官學士卒謚文忠
著有大學衍義及文集明正統時從祀文廟

元

胡一桂字庭芳婺源人年十八領鄉薦居鄉講學兩至
武夷與熊勿軒論証著有史纂通要

明

羅倫字彝正永豐人成化丙戌狀元授修撰李賢奪情起復上疏劾之謫泉州市舶司提舉流寓武夷授徒講學次年詔復官尋以疾辭

王守仁字伯安餘姚人冢宰龍山公子也成進士授兵部主事抗疏救言官忤劉瑾廷杖謫龍場驛丞瑾使人要殺之乃遁跡至武夷瑾誅起復累官巡撫南贛汀漳勦四省積寇有功于閩後擒逆藩遷大司馬封新建伯嘉靖時又征思田平兩廣以病乞休薨于南安年五十七贈新建侯謚文成萬曆時從祀文廟著

有傳習錄詩文全集福建平和縣汀州府上杭縣皆有祠武夷有祠二一在一曲一在五曲乃崇德報功也明武宗稱爲學道人世宗稱爲有用道學穆宗稱爲當代真儒神宗稱其學術與朱熹互相發明何嘗因此廢彼 國朝毛檢討奇齡折客辯學文紀

世祖章皇帝稱守仁之學有似孟子

今上皇帝稱守仁之學未嘗與諸儒異王司寇士禎池北偶談又紀

今上召對侍讀臣湯斌問王守仁如何斌對良知之學與朱熹不相刺謬且其直節豐功不獨理學

武東山志 卷十一
上首肯曰朕意亦然

聖鑒如此而世之詆毀者真不自量矣

湛若水字元明增城人成進士累官兵部尚書謚文簡
著有格物通要及甘泉集書

耿定向字楚侗麻城人成進士爲崇安令後巡撫閩中
與弟定力講學齊名歷官大司農謚恭簡

鄒守益字謙之安福人會元探花師事文成官祭酒謚
文莊嘗至武夷子善爲閩臬司祠祀父于一曲

唐順之字應德武進人會元歷宮坊以建言被黜後擢
淮揚巡撫盡瘁以終謚襄文

蔡烈字文繼龍溪人受學于蔡文莊壯年棄舉業隱居
誦讀薦舉遺逸以養母辭著有孝經定本大儒粹言
讀書錄

羅洪先字達夫吉水人狀元及第寃良知之旨官贊善
以建言被謫嘗寓武夷講學卒謚文恭

趙恒字志貞晉江人讀書武夷成進士任袁州教職學
使者延于白鹿洞後官姚安太守一變蠻俗著有春
秋錄疑

李材字孟誠豐城人成進士歷官巡撫鄖陽謫戍漳州
鎮海衛嘗講學武夷督學徐卽登建書院于九曲以

居之著有觀我堂集兵政紀畧

董應舉字崇相閩縣人成進士累官工部侍郎居武夷
涵翠洞與生徒講學著有文集

葛寅亮字水鑑錢塘人因父任崇安縣丞隨至閩讀書
武夷後成進士督學閩中廉明造士講學五曲門人
崇令築世埏建祠祀之

忠節

宋

程振字伯起樂平人爲御史忤王黼罷提舉冲佑觀居
三年起復進少宰靖康之變振爲開封尹死之謚剛

愍

謝枋得字君直弋陽人成進士爲江西招諭使知信州
守將呂師夔降元枋得兵敗不支以母在不死變姓
名入建寧唐石山麻衣躡屨東向而哭尋賣卜建陽
以養母嘗至武夷訪熊勿軒母死元使迫入燕臺不
食死謚文節著有易說詩傳註疏及文集

熊禾字去非崇安人成進士任寧武州司戶叅軍遁跡
不仕居武夷築淇源書堂後擴而克之易爲家塾中
祀先聖配以周張程朱五儒學徒彌衆著有周易大
學講義尚書口義

劉應李字希泌建陽人炳之孫朱子及門又從真西山
遊宋進士授本縣尉後隱不仕與熊勿軒講學于武
夷著有易經精義傳道精語

元

陳普字尚德福寧州人倡明理學隱居陷石堂元初聘
爲本省教授不就四方來學甚衆著有易說書傳補
遺四書集解石堂文集

趙必漣字仲連宋宗室也居崇安少刻苦讀書理宗時
以父廕當補官辭不受築室山北之白崖植梅數百
株曰梅花莊善于詩

趙若執字自木必漣之弟或享天進二

趙若櫬字自木必漣之弟咸淳末進士入元不仕與兄
同隱亦以詩名

杜本字伯原京兆人遷清江父謙在文丞相幕下毀家
從軍以死本博極群書尤精皇極之旨與虞集范梈
吳澄友善元丞相忽刺木薦其才召入不果用因隨
詹天麟至武夷卜居九曲平川天曆初再召不赴釋
無逸篇附進至正間脫脫奏授翰林待制以疾辭年
七十五卒著有四經表義六書通編清江碧嶂集又
嘗集宋末遺民二十九人詩百篇題曰谷音

趙若字順之崇安人元初屢辟不就著有澗邊集

彭炳字元亮崇安人嘗遊齊秦都下與昌平隱士何得之善駙馬烏谷孫以師禮事之至正間徵爲端本堂說書不赴隱居武夷爲詩效陶柳存集一卷

明

顧錫疇字九疇崑山人成進士授檢討歷禮部左侍郎追謚建文帝后及褒恤死節諸臣皆所定也升尚書致仕國變投甌江以死著有握日草

曹學佺字能始侯官人成進士歷廣西叅議副使惡三朝要典不直著書駁之事聞黜爲民後起用官至大宗伯殉國難有生前一管筆死後一條繩之句著有

石倉集名勝志

李時興字將甫閩縣人舉孝廉爲肇慶同知丁艱歸築
室五曲題曰枕肱居服闋守袁州遭獻賊亂城破寇
帶自經一僕隨死遺骨歸葬仙掌峰下

黃世忠字屏周崇安人舉孝廉歷慶遠太守常平蠻寇
粵人德之尋際滄桑遂居武夷不出黃石齋有題屏

周八曲山房詩

張肯堂字載寧華亭人成進士常按閩撫閩極著風節
于六曲天遊峯構森天閣仕至尚書全家赴水殉國

難

萬元吉字吉人南昌人成進士累官大司馬後與楊閣部廷麟等殉節虔州

揭重熙字君緝臨川人以五經成進士知福寧州歷官大司馬殉難臨刑有平生不數常山舌此日欣依柴市魂之句同死有及門舉人陳士道貢生朱國龍從者鄧貴戴鳳建寧府志謂其以黃冠寓崇安數年被獲于武夷山中

黃道周字幼元漳浦人成進士歷少詹忤魏忠賢褫職廷杖詔獄尋復原官謝病寓武夷講學經歲後仗節而死

黃端伯字元公新城人成進士爲儀部殉節死

支永昌字兆先北平人以孝廉官蜀中刺史鼎革後入

武夷隱居涵翠洞以老葬天壺峯下

吳道新字湯日桐城人以孝廉任維揚廣文時湯司馬
來賀理郡特薦拔之歷官水部郎鼎革後野服深居
著書以終

錢秉鐙字幼光桐城人嘗爲曾櫻黃道周所薦除司徒
進侍從後投簪返里更名澄之字飲光徧遊四方著
有易學詩學莊屈合詁詩文集

方以智字密之桐城人成進士授檢討父孔炤以督師

武東山志 卷十一
兵敗逮獄疏請代父上稱其孝釋之闖賊犯關被執
不屈得間南奔痛憤遯跡閩粵間薙髮爲僧著有通
雅等書

陳有祜字君吉侯官人性至孝妻以語言侵其母卽去
之鼎革後棄家祝髮以母老歸侍咳唾必俱母疾三
次刲肝以救常入武夷徜徉著有續騷十卷

國朝

范承謨號螺山瀋陽人相國文肅公仲子成進士由庶
常歷官兵部侍郎總督浙閩耿逆叛公被執不屈幽
繫三載卒遇害贈太子少保謚忠貞一時與公同殉

者親朋至隸卒凡五十三人有泰寧人許鼎者當公
在繫時陰左右之後潛負公烈骨歸京師或謂鼎乃
武夷仙靈所使公默有所喻呼之爲武夷子贈以長
歌有螺山落魄武夷開之句公博學工詩文遭難多
所散失僅存吾廬稿浙閩奏議及百苦吟畫壁詩文
十餘卷行世公子時崇字自牧亦總制浙閩多善政
今官兵部尚書

帶銜

宋

張栻字敬夫綿竹人魏公長子師胡宏宏一見稱之曰

正東山志 卷十一
聖門有人矣以廕仕直秘閣歷官右文殿修撰奉祠
武夷冲佑觀年四十八卒謚曰宣宋景定時從祀孔
廟著有論孟解經世紀年詩文集

呂祖謙字伯恭萊州人祖好問遷婺州有中原文獻之
稱成進士後中博學宏詞科爲編修主管冲佑觀復
除著作郎年四十五卒謚曰成宋景定時從祀文廟
著有左傳博議辨志錄詩文集

林大中字和叔永康人登紹興庚辰榜曆臺省嘗上韓
侂胄奸狀論陳賈儉邪及救呂祖儉駁汪義端遭學
禁予祠提舉冲佑觀侂胄誅召爲冢宰簽書樞密院

事卒謚正惠著有文集

黃永存字堅叟邵武人成進士累官正議大夫嘗主管

冲佑觀

王師愈字與正金華人成進士歷官兩浙提點刑獄上
章丐閒提舉冲佑觀卒朱子撰神道碑稱其孝宗初
獨以仇耻未報中原未復爲奏忌者巧語中之轉徙
於外以歿

黃度字文叔新昌人登隆興癸未科爲御史光宗不過
重華宮連疏切諫寧宗時不附韓侂胄以冲佑觀祿
歸養後累官大宗伯著有史通

李祥字元德無錫人成進士累遷國子祭酒趙汝愚去
 國上疏力爭李沐劾為黨斥之主管冲仲觀以原官
 致仕卒謚肅簡

王自中字道甫溫州人成進士授分水令以薦召對上
 壯其言除知光化軍光宗初主管冲佑觀

陸游字務觀山陰人初以蔭補登仕郎隆興初賜進士
 出身歟歷中外論奏甚多歷官寶章閣待制致仕嘗

提舉冲佑觀

浙

彭龜年字子壽清江人成進士官秘書郎光宗久不朝
 重華宮痛切上疏指左右離間之罪寧宗時使金朱

熹獨疏論韓侂胄見絀龜年附奏云始臣約熹同糾
今熹罷臣宜并斥不報于是條數其奸力攻之復上
疏求去後以寶謨閣待制致仕卒嘗提舉冲佑觀上
追念其忠鯁賜謚忠肅著有經解
葉適字正則永嘉人成進士官司業輪對極言大仇未
報疆土未復帝慘然動容孝宗崩光宗不能執喪人
心洵洵適與趙汝愚定議內禪立嘉王中外乃安嘗
主管冲佑觀仕至學士卒謚忠定著有水心集

鄭僑字惠叔莆田人乾道己丑進士第一仕至大學士
致仕常主管冲佑觀

薛叔似字象先永嘉人遊太學釋褐官國子錄除左補闕劾首相王淮去位主管冲佑觀後至兵部尚書卒謚恭翼

劉光祖字德修陽安人成進士爲起居舍人侂冑擅政禁僞學因撰涪州學記謫房州主管冲佑觀後官學士卒謚文節著有後溪集

魏了翁號鶴山浦江人成進士知漢州以化善俗部使者忌之奏罷主管冲佑觀數月復原官紹定中又以修撰主管冲佑觀彌遠死召爲禮部尚書簽樞密院事僉壬排擠以學士知潭州卒謚文靖著有五經要

畧周易集義鶴山集

趙善湘字清臣安懿王五世孫居明州成進士知常州
知主管冲佑觀後歷兵部尚書封公所著有周易洪範

春秋論說四書解及詩詞雜稿

張忠恕字行父綿竹人浚之孫杓之子也以祖任監樓
玉店務遷寧國府以言去主管冲佑觀尋起爲戶部郎
官出知贛州後提舉冲佑觀致仕

宦遊

宋

趙抃字閱道衢州人成進士知崇安縣開渠築隄至今

賴之結亭于武夷名曰吏隱爲公餘遊息之處晝之所爲夜必焚香告天不敢告者不敢爲也嫁兄弟之女以十數嫁孤女二十餘居鄉葬暴骨施棺木無筭歷官大學士致仕卒謚清獻著有集

汪應辰字聖錫玉山人紹興五年進士第一爲正字忤秦檜出判建寧後爲吏部郎又出知福州歷官冢宰中貴交謗予祠去卒於武夷呂祖謙師事之

張維字振綱南平人成進士調汀州推官有平盜功改知閩縣民服其廉號曰張太清歷官尚書左司郎中丞管冲佑觀卒著有槃澗集朱子誌其墓

諸葛廷瑞字麟之南安人成進士爲崇安令創趙清獻
胡文定祠于學朱子爲記嘗冒雪至武夷二曲後人
遂于登臨處名舞雪臺歷官少司馬卒

李彌遠字似之連江人成進士累官戶部侍郎秦檜主
和議力詆之乞外知漳州檜嫉黨論之落職家居卒
後朝廷思其忠贈待制謚忠肅著有奏議外制議古

文詩集

韓元吉字無咎潁川人由建安令歷守建寧後以軍功
仕至冢宰

辛棄疾字幼安歷城人起義兵縛叛將張安國歸于臨

正東山志 卷十一
安斬之授江淮判官歷遷湖南安撫皆有平盜功嘗
知福州予祠者三皆主管冲佑觀終龍圖閣待制贈
太師謚忠敏著有稼軒集

陳舜申字宋橫連江人成進士令漳浦以循良奏績進
著作郎丐祠主管冲佑觀著有易鑑四書解兵書訂
解高齋文集累世同居里推德門

劉克莊字潛夫莆田人以任子補宣教郎淳祐六年賜
同進士出身以佑文殿修撰知建寧府歷權工部尚
書常論權臣壞朝綱開邊釁又言濟王寃皆人所難
者卒謚文定著有後村居士集

李綱字伯紀邵武人政和元年及第徽宗欲避狄有太子建牧之議綱刺血上書以爲監國無位號何以號召天下疏入內禪之議始決高宗朝奏黜張邦昌諸人薦宗澤許翰等歷官尚書右僕射封開國公宋使至北必問李綱安否謫官劍浦嘗屢遊武夷卒謚忠定著述凡數百卷

趙汝愚字子直宋宗室居餘干成進士以修撰帥福州兩至崇安設有舉子倉三所一在冲佑觀紹熙內禪危而復安汝愚力也韓侂胄忌之竄永州行至衡州州守錢璠窘辱之遂暴卒侂胄誅復官謚忠定

傳自得字安道泉州人以父死節補承議郎兩爲福建
轉運副使以朝奉大夫主管冲佑觀及卒朱子爲行
狀云孝友廉潔足高一世吏事亦過人遠甚著有文
集仲子伯成爲朱子及門

洪邁字景廬樂平人中博學弘詞科以學士使金抗節
淳熙中知建寧府後以學士致仕卒謚文敏有容齋
五筆夷堅志

李壯祖字處謙閩祖弟成進士受業朱子
王埜字子文金華人受業真西山成進士出守建寧陞
辭上命之曰游胡朱真風流未泯表厥宅里以率其

民則予汝懌至郡興起書院文教大興歷官學士簽
書樞密院事封吳郡侯著有奏議集

王遂字去非金壇人成進士爲建寧太守以文學政事
著累官學士立朝多讜論史臣偉之

葉夢鼎字鎮之寧海人以上舍優等釋褐嘗知建寧府
築石鼓書堂于八曲歷官叅知政事進右丞相乞還
山林扁舟徑歸或以禍福爲言曰廉耻事大死生事
小萬無可回之理

林天瑞字子輯溫州人知崇安縣免人戶助綱錢給孤
貧粟帛修縣獄劄太平西橋又崇尚理學增祀胡憲

胡寅胡宏劉勉之蔡元定于學宮重輯五曲書院增
建古心堂

陳夢庚號竹溪端平間為泉州判

王克恭字彥禮南安人知興化府

元

范梈字伯機臨江人初以薦除左衛教授歷遷翰林應
奉改閩海知事移疾歸吳文正嘗以東漢諸君子擬
之有詩文集

薩都刺字天錫雁門人成進士歷官侍御史以劾權貴
左遷閩海知事有天錫雁門二集

母逢辰字希說劍南人任建寧府判修紫陽書院

林泉生字清源永福人成進士爲福清州同知山海之
寇克斥悉以計殲之擢州守累官翰林直學士卒謚

文敏著有春秋論斷及覺是集

明

唐仲實字桂芳歙縣人元季爲學正洪武中召對稱旨
賜尊酒束帛攝紫陽書院山長有武夷小稿

夏原吉字維喆湘陰人少孤力學以國子生授戶部主
事建文時以戶部侍郎克採訪使巡福建永樂初爲
戶部尚書進少保賜銀印曰繩愆糾繆宣德朝又賜

正身... 卷十一
三
範金銀印曰舍弘貞翊卒謚忠靖

戴珊字廷珍浮梁人爲閩左右方伯累官刑部尚書以
清操著卒謚恭簡

蕭乾元字必克萬安人成進士任建寧僉事道持已恪
恭剔奸嚴毅有德于民

周鵠字文議華亭人爲福建巡按

周震崑山人爲福建清軍御史二周同蕭僉事修武夷
書院置田供祀稱盛舉焉

顧夢圭字武祥崑山人成進士爲福建叅政再爲臬司
有贅疣集

虞愷字懋卿南昌人成進士以兵垣外轉福建監司任
至少司寇有楓潭詩鈔

劉侃字正言京山人成進士福建右藩轉左藩有新陽
館集

宋儀望字望之永豐人成進士爲福建督學叅政仕至
大理寺卿有陽山集華陽集

顧大典字道行吳江人成進士以副使督學福建有清
音集

李元陽字仁甫太和人成進士以御史按閩嘉靖時與
諸君梯登大王峯

江以達字子順貴溪人成進士以刑部郎典閩試復爲
督學作登大王峯記有午坡集

張時徹字惟靜鄞縣人成進士叅政閩中累官兵部尚
書有芝園集

汪佃字友之弋陽人成進士以侍讀出爲建南道歷官
正詹有東麓集

李東光字晉卿南昌人令建陽有廉操終太僕丞

郭瑞大庾人爲崇安令官滿貧不能治裝里胥醵金爲
贖却之曰醋味成酸其性難變

簡霄字騰芳新喻人成進士代巡福建官至少司馬有

芙蓉溪集

沈涵德清人成進士代巡福建至學士

龔一清字季白義烏人成進士代巡福建

楊四知字元述祥符人成進士代巡福建至廷尉

錢爍字君望南通州人成進士知建寧府殫心愛民合

郡德之又奏免武夷茶貢自此遂罷茶場崇民積困

自公而甦

宋衡字士南萬安人登嘉靖壬辰榜督學閩中刻字于

水光石累官總河奏開新渠運道大通御製詩以褒

寵之加太子太保所輯有道南原委錄

董燧字  臨川人爲建寧司馬嘗以移建王文成公

祠白之太守劉公佃字吾南安福進士詳請監司造

成適廬陵賀公涇調官過武夷因共倡和有詩勒水

光石

宗臣字子相興化人成進士任福州守道守城禦倭開

門納逃民數萬人又伏火器以潰賊及督學廉明著

有詩文集

徐中行字子與長興人成進士爲福州兵備轉督糧進

臬司厥有偉績

吳國倫字明卿興國州人成進士官建寧司馬所著有

甌甌洞集

王忬字思質太倉人福建巡撫後爲薊遼總制以不附嚴嵩被禍穆廟昭雪復官

王世懋字敬美忬之次子成進士督學閩中衡鑑精絕累官太常寺卿

樊獻科字文叔縉雲人成進士巡按閩省一秉清剛嘗藏子騫顛骨勒石以記

王時敏字煙客太倉人以祖廕爲尚寶寺丞精于詩畫奉使入閩存問福清相國嘗繪接笋圖以歸後又應林直指請畫幔亭圖有題詞著有西廬遺稿

董其昌字元宰華亭人成進士工書畫爲延建邵道累
官大宗伯卒謚文敏著有容臺集

殷從儉字汝中桂林人巡撫閩中革丁四糧六之派積
困以蘇不以家口自隨衣食儉約卒于官吏民縞素
送喪者載道

趙叅魯字宗傳鄞縣人成進士督學八閩聞母病封還
璽書就道憂終仍起原官風操愈勵尋爲閩撫法令
畫一官至大司寇

耿定力字子健麻城人成進士督學閩中識拔皆知名
士與鄭李二公同建武夷三友堂

鄭邦福字洪疇上饒人成進士閩省監司能鋤豪釐弊
禦海寇有功晉南岡卿有詩集

李瑄字邦和豐城人成進士爲閩僉事端介執法後以
彈閣臣削籍

汪道昆字伯玉歙縣人成進士福建巡撫累官以司馬
有南溟集

李得陽字景渠廣德人爲閩副使

梁鵬字冲宇順德人成進士爲崇安令常建一曲飛翠
亭歷官戶部郎清貧不能自給

徐問字用中武進人成進士任閩叅政累官大司農謚

莊裕有養齋集山堂萃稿

余乾貞字秉智遂安人成進士知崇安有倭警條上十
二事處置得宜邑無城特創築之拜侍御史

朱漣字文卿新淦人成進士爲崇安令清浮糧定疆畝
修學造橋復冲佑觀田官至副都御史

郭子章字相奎泰和人成進士爲建寧司李寬嚴有體
官至大司馬

沈傲炘字叔永歸安人成進士視學八閩復任建寧道
紀綱明肅屬吏則之

戚繼光字元敬山東人以副將鎮閩大破倭于平海衛

閩寇悉平軍中篝燈讀書每至夜分登山臨水援筆
賦詩官至左都督加少保卒謚武毅著有止止堂集
及練兵實紀紀効新書

館

舒芬字國裳進賢人狀元翰林武宗南巡疏諫下獄廷
杖謫閩市舶司提舉嘉靖時召還以議大禮再杖罷
歸後贈諭德謚文節

方孔炤字仁植桐城人成進士守福寧州擢部郎力爭
魏良卿封爵罷歸逆璫伏誅起擢湖廣巡撫

張以誠字君一華亭人狀元諭德典試閩中士服其公
著有酌春堂集

瞿與稷字元立常熟人以父任爲郎知邵武府狀貌耿
小居官甚著清望歷太僕寺少卿致仕

鍾惺字伯敬景陵人成進士提學福建有隱秀集

林一煥字中瑩浙江人舉孝廉知崇安能清積牘

顧士琦字惺涵太倉人成進士爲崇安令政嚴彰瘴風

俗丕變調繁晉江擢侍御

虞大復字來初金壇人成進士知崇安有才力多爲民

興利

熊明遇字良孺進賢人成進士官閩僉事大有政聲累
官兵刑二部尚書慷慨敢言不避權倖著有采薇中

樞綠雪樓三集

傅崇中字壹饒進賢人舉孝廉知崇安清廉果毅署池
開並蒂蓮五年陞刑部主事官至太守

劉同升字晉卿吉水人狀元及第疏叅時相降閩按察
司知事明末撫贛州盡瘁以卒謚文忠

蔣芳字南陔常熟人成進士爲崇安令造士恤民後陞
主政

孫朝讓字光甫常熟人成進士爲建南道常剪兇強以
遏亂萌授奇計以殲巨寇陞閩臬稱疾致仕

柴世埏字蓮生仁和人舉孝廉令崇安民有鬻妻完賦

者為贖歸之秩滿陞海道

張堯政字安臣仁和人舉孝廉知崇安以風雅著

國朝

沈涵號心齋歸安人成進士以侍讀督學入閩律已清

廉所拔皆孤寒知名士因捧

御書祠額至崇安後訪余一曲兩遊武夷焉

陳廷統字秋厓澤州人居心寬厚為政和平吏民皆畏

威感德嘗陪沈督學同遊

王汝霖號菜園孝廉价之子安邑人由永昌守擢延建

邵道慈惠廉明案無留牘善詩及書折節下賢乙夫

王春因公事入山訪余天柱草堂并有詩

龐塏號雪崖任丘人翰林檢討出守建寧事竣遊武夷

題詩紀勝勒字巖石

館

武夷

張翔鳳號南野四川安岳人辛未進士由翰林出守民
譽夙昭天資醇厚以庾鮑之才播龔黃之績因修復
文公精舍嘗屢過武夷焉

韓奕字克振三韓人長才大畧善吟咏爲江西饒州守
四載政聲廉播調繁福州路由崇安訪予山中并謁
文公文成二祠上天遊留題而去

李天爵號逸齋合肥人相國容齋之胞弟福州別駕署

事建寧嘗屏從遊武夷留連名勝風雅絕俗

殷應寅字一生滕縣人以拔貢爲崇安令故事邑令詣

府往返過裴村供應悉出武夷觀應寅裁去後在臺

中猶爲崇民請減鹽引官至通政

程澹字伊在江都人成進士爲崇安令

孔興璉字彞仲曲阜人至聖裔以乙卯孝廉爲崇安令

政尚廉明威惠並濟興利除害境內一清得司寇治

曾道不拾遺之家風民至今懷之尸祝於武夷道院

云

王梓字琴伯邵陽人爲崇安令有吏才善詩好客建賢

祠刊先集嘗纂刻武夷志八冊擢守州去

陸廷燦字扶照嘉定人以明經爲崇安令才名久著潔
已愛民旌別淑慝文章經濟兼而有之抑且表章往
哲刊播各集嘗以公事入山遇景留題媲美清獻之
遺風焉 王復禮敬識

龔駿聲字聲遠邵武人舉孝廉爲崇安教諭建學刻書
謙光好客嘗過武夷留題諸景

陳朝儼字陞來仁和人爲甌寧令嘗過武夷著有武夷
遊草

丁耀亢號野鶴青州人爲惠安令有詩文集

鄭瓚號慎菴侯官人舉孝廉崇安教諭有武夷志

藍陳畧字勳卿漳浦人舉孝廉爲建陽教諭輯武夷紀

畧

書

圖

江

浙

武夷九曲志十二卷

武夷九曲志十二卷

浙江錢塘王復禮艸堂編輯

江南嘉定陸廷燦扶照參訂

履歷考 二

尋勝

唐

李商隱字義山河內人成進士又中拔萃科歷官工部

員外郎與溫庭筠段成式齊名其詩號西崑體有玉

溪生集

南唐

史大夫嘗亦會吟賦

張紹御史大夫嘗作會仙觀銘

宋

楊億字大年浦城人年十一應童子科詩賦立就賜袍
笏授秘書正字淳化中獻二京賦賜進士歷官工部
侍郎真宗欲立德妃爲后使丁謂諷億草制竟不奉
詔年四十七卒贈禮部尚書謚曰文著書二百卷有

武夷集

晏殊字同叔臨川人十四歲真宗召見賜同進士出身
授秘書正字累官刑部尚書同平章事卒贈空司謚
元獻范仲淹歐陽修孔道輔皆出其門富弼楊察又

爲其壻著文集四十卷及類要二府臨川集

陳襄字述古侯官人成進士歷官侍御史時青苗法行襄請斥王安石呂惠卿以謝天下罷韓絳政府以杜大臣爭利而進者踰年知制誥直學士院安石摘其小失出知杭州卒贈少師謚忠文嘗言司馬光呂公著韓維可備心膂鄭俠狂直願乞生還又薦范純仁張載程顥蘇軾蘇轍曾鞏等所著有古靈集

曾肇字子開南豐人鞏弟官至學士謚文昭

翁彥約字行簡崇安人登第于政和二年用薦召爲編修詳定九域志著有詩文集

劉子羽字彥修崇安人以蔭除修撰作浙東帥屬佐父
鞞破方臘金人入興元築壘于毒潭以死自矢敵引
去後不附和議罷歸卒贈太傅謚忠定

劉褒字伯寵崇安人成進士歷官司門郎中尋歸隱有
泉石膏肓針不得半巖明月夜猿啼之句

黃銖字子厚崇安人受業于屏山不得志于場屋乃行
咏山水以自適朱子序其文集

彭夔字武山崇安人劉夔薦其行檢清修文章典贍授
將仕郎後成進士終大理丞有詩集

祝穆字和甫歙縣人父康國遷崇安穆與弟癸俱從文

公于武東精舍所著自事文類聚

公于武夷精舍所著有事文類聚方輿覽勝蔡文肅
陳元鳳薦其賢除廸功郎

劉炯字季明龠之季子成進士爲固始令尋掛冠歸隱
徜徉于九曲之間

吳楫字公濟崇安人少爲諸生閉戶讀書與朱文公蔡
文節講明理學文公扁其書室曰悅齋遣子師之紹
興辛未特奏名授臨桂主簿

謝源字資深臨川人成進士調邵武縣丞卒于官朱文
公銘其墓有日常以檄書便道過我旣去遊武夷得
余所結廬處復留詩見屬著有空齋詩稿

正東山志 卷十二 三
袁樞字機仲建安人與朱子友善試禮部第一爲嚴州
教授纂通鑑紀事本末叅政龔茂良上其書孝宗嘉
歎遷大宗正主簿官至寶謨閣待制致仕所著有易
傳解辨異童子問

劉元綱泉州人爲人有才畧抱匡世之志官至秘閣校
理直學士

何鎬字叔京邵武人官善化令文公爲撰墓銘稱其廉
直惠和著有臺溪集

項安世字平父括蒼人徙居江陵成進士爲秘書正字
光宗朝嘗切諫謂必以時定省禮無擇日與朱子友

善寧宗朝坐學禁廢後起知鄂州

徐榮叟字茂翁浦城人成進士令永康以賑饑得民心累官大學士致仕卒謚文靖

徐清叟字直翁榮叟之弟成進士任太平教授時有警報制府檄州守禁采石渡清叟以爲敵猶未至奈何先自推赤子魚腹中淮民得渡者三萬餘歷觀文殿學士致仕卒謚忠簡

劉清夫字靜甫建陽人詩學與劉子寰齊名尤長樂府所作多入中興選中

鄭昭先字景紹閩縣人成進士授浦城簿自以未嘗學

問來武夷受業于朱子歷官右丞相立朝數有奏章
言皆切直卒謚文靖著有日湖遺稿

楊至字至之晉江人蔡文節之壻也師事朱子嘗從遊
武夷輯語錄

詹淵字景憲崇安人師事朱子登慶元乙未科官臨江
戶曹掾數十年滯牘一閱得情後監車輅院

林成季字井伯莆田人從朱子遊趙忠定帥閩禮爲上
客每事諮之嘉泰時以特奏授興國軍判官

包君定永嘉人從朱子講學嘗稱其用意精密黃勉齋
序云淳熙甲辰始識君定于武夷

周明作字元興建陽人從朱子講學嘗稱其用意精密黃勉齋

周明作字元興建陽人從朱子學著有壬子問答語錄
是時正居武夷時也

陳範字朝弼崇安人朱子弟子成進士授婺源尉遷崇
仁丞偶有疾自嘆云倘來軒冕心無必見在詩書足
自娛遂歸隱里門不復出

劉子寰字圻甫建陽人成進士受學朱子有詩名劉克
莊序其集仕至觀文閣學士

翁易字粹翁崇安人通六經尤精春秋從學朱門與劉
文簡蔡文節皆得其奧義

張巽字子文晉江人從學張南軒惠安劉鏡稱朱門高

弟巽從之遊所聞未能釋然乃謁朱子于武夷退而喜曰吾固謂其不止是也

官

王阮字南卿江州人張南軒守袁州阮就焉又學于朱子成進士知濠州金人不敢南侵奏事入京侂冑遣客通意阮曰劉歆柳宗元失身匪人爲萬世笑吾肯造其門哉侂冑怒批旨予祠遂歸廬山有義豐集

廖德明字子晦順昌人成進士常毀莆田淫祠破桂陽劇盜仕至左選郎嘗曰吾居官惟用三代直道而行一句受業朱子著有春秋會要槎溪集

歐陽光祖字慶嗣崇安人從劉屏山朱晦菴學屏山常

曰志同道合未有若慶嗣者文公令三子師事焉成
進士趙忠定張宣公薦于朝爲江西運幹

呂勝已字季克建陽人父祉殉難奉敕葬于邵武遂居
焉常與其甥方士繇同受學朱子以廕爲湖南幹官
歷朝請大夫

范念德字伯崇建陽人從朱子學常深贊其所著雜說
又屬其修正禮書仕至宜黃令

林得遇字若時仙遊人初質鈍一日發憤變產裹糧而
來至武夷師事文公卒以儒名

翁泳字永叔建陽人受業蔡節齋有河洛講義

蔡公亮字子明杭子成進士官大理司直

詹復字仁仲崇安人景定間登第知金華縣因母憚遠涉遂致仕

詹然字三峰崇安人薦辟登仕郎

詹照然之弟已上四君同遊樓閣巖見于勒石

范師孔字學可崇安人咸淳間預恩薦讀書武夷精舍

三司聞其名辟克講書有畫餅集

林希逸字肅翁福清人成進士官中書舍人

詹琰夫字美中崇安人南宋時處士

李仲光字景溫崇安人成進士著有肯堂集

翁合字叔備崇安人成進士歷官侍講有丹山集
方嶽字巨川著有秋崖集

吳棫字顧道甌寧人官直學士徽宗稱清謹循良

元

黃清老字子肅邵武人成進士爲國史院編修著春秋
經旨四書一貫

錢惟善字思復錢塘人與楊維禎唱和初應鄉試出羅
利江賦皆不知錢塘江爲曲江獨惟善據枚乘七發
引用以此得名官至副提舉常送李德夫官福建詩
云武夷我有南遊約欲借扶搖駕羽翰晚號武夷山

樵者著有江月松風集

貢師泰字泰甫宣城人舉孝廉為太和州判以薦為翰

林累遷禮部尚書承制以閩鹽易糧由海道轉運京

師著有玩齋集

鄭德普字汝施崇安人常與范師孔趙若樵相酬倡其

遊武夷題靈巖云山蒸雲氣晴能雨泉挾風聲夏亦

寒題齊雲峰云石潤黏蒼蘚澗高流白雲皆佳句也

惜全稿散逸不存

詹光祖字良嗣崇安人為武夷山長尋改教授官至屯

田提舉

蔣易字師文建陽人從士本遊居武夷山長尋改教授官至屯田提舉

田提舉
蔣易字師文建陽人從杜本遊居武夷者數年博極羣
書與藍氏兄弟倡和著有鶴田集

虞集字伯生蜀人寓崇仁官侍講學士謚文靖

劉邊字近道建安人與熊勿軒善有讀史撫言

劉濟字應徐崇安人與趙必漣兄弟爲友

王士熙字繼學東平人有寄武夷思學齋詩

黃鎮成字元鎮樵川人有秋聲集

傅若金字與礪

張之翰號西巖邯鄲人

明

劉基字伯溫青田人元進士明太祖定處州以書幣徵
留置帷幄常曰此吾子房也封誠意伯年六十五卒
正德中謚文成著有覆瓿犁眉公二集

蘇伯厚建安人以明經授建寧訓導永樂初入翰林預
修實錄大典卒于官著有素履集

蘇鉦字良聲伯厚姪工詩善書畫有竹坡樓集

張矩字孟方廣陵人父爲崇安巡檢因卜居屏山洪武
時以薦授本學司訓闡發理學士歌之曰前有載後
有棖彼美孟方匹休無斃

丘錫字永錫崇安人舉孝廉授衡州府教授晚年與徐

仲禮結社武夷年八十披讀不倦著有文集

柯潛字孟時莆田人狀元官至少詹有竹巖遺稿

楊亘字恒叔建安人舉孝廉官太僕少卿乞休自比靖

節顏其居曰陶園著有陶園錄鳴鶴餘音

楊易字乾叔亘之弟成進士以員外抗論大禮廷杖尋

遷雲南副使有嘉會詩稿石雲困學集

林俊字待用莆田人成進士歷官刑部尚書時有權璫

受民詞國戚擅殺人者皆執法論罪改戶部清正德

朝所占民田爲皇庄者盡還之尋爲閩人所嫉乞休

以太保致仕卒謚貞肅有奏議及文集

鄭善夫字繼之閩縣人成進士為儀曹武宗將南巡下
諫臣黃鞏等于獄抗疏救之罰跪午門五日杖三十
幸不死猶草疏匿懷中謂郎中方豪曰死則上之嘉
靖時以薦起用歷官南吏部郎

方豪字思道開化人成進士諫南巡受杖官副使

黃鞏字伯固莆田人成進士時武宗將南巡江彬握勁
兵上疏請戒遊幸去小人詔獄廷杖除名罷歸嘉靖
時起大理丞卒謚忠裕有後峰集

周宣字彥通莆田人成進士官臺中諫南巡罰跪烈日
中三日後歷粵東左藩有秋厓集

林大輅字以乘莆田人成進士為員外疏故東...

林大輅字以乘莆田人成進士爲員外疏救諫南巡黃
鞏等下獄廷杖謫判彘陵嘉靖時起用巡撫江西歲
災引咎自劾去有愧瘖集

馬明衡字師山莆田人成進士官侍御世宗朝昭聖太
后生辰有旨免朝賀上疏極諫下詔獄人因其父思
聰以主事死宸濠之變稱雙忠云

戴時宗字宗道長泰人成進士授刑部主事有緹騎殺
人執法不貸歷考功文選郎諫武宗南巡廷杖幾斃
後累遷左僉都被誣罷歸

林汝翥字大歲福清人舉孝廉令沛有平寇功入爲御

史執法忤璫廷杖歸後復原官

林春澤字德敷侯官人成進士授戶部主事武宗南巡
諫者皆廷杖罰跪午門春澤抗疏奏免歷官太守壽
一百四歲有人瑞翁集

孫一元字太初歷遊華衡泰岱以鶴瓢鐵笛自隨劉瑾
亂政隱士吳琬與太守劉麟觀察龍霓御史陸崑結
社隱居以書招一元入焉時號茗溪五隱遂家長興
年三十七而卒有太白漫稿

陳經邦字公望莆田人榜眼及第克東宮講讀官神宗
時每進講敷陳洪亮上改容聽之常呼爲先生而不

名官至禮部尚書

龔用卿字鳴治福州人狀元及第官至國子祭酒著有

雲岡集

陳暹字德輝福州人成進士歷廣東方伯宦遊三十年

囊無餘金

馬森字孔養福州人成進士歷官大司農乞終養服除

不出卒謚恭敏有文集

馬熒森之子宫都督府都事

馬歙字季聲森之子以明經官興國州判

鄧元錫字潛谷新城人舉孝廉不上公車杜門撰述以

薦徵授翰林待詔所著涵史五經繹潛學稿

滕伯輪字汝載甌寧人成進士歷官浙江督撫疏請改

折漕綱停減織造修築江塘斬捕海寇無算事聞褒

賚卒贈少司馬

張元忬字子蓋山陰人狀元及第官至翰林侍讀常訪

同年吳中立于武夷著有不二齋集

蕭廩字可發萬安人成進士常留題武夷宮壁按浙時

論文成宜從祀文廟及撫浙請復勲賢祠捐俸盡返

祠田歷官少司馬卒

傅汝舟字木虛侯官人以詩名工行草書為王弇州所

重巡按李元陽詩以上客寓居

重巡按李元陽待以上客寓居止止菴與江一源爲
烟霞交登臨倡和十餘年著有詩文集
羅天長號紫曦永安人少嗜山水好老莊抱朴等書亦
棲武夷甚久

黃大年字君和崇安人舉孝廉授武岡學正歷官太僕
少卿歸置義田學田數百石人皆食其德

王應鍾字懋復侯官人成進士數劾權璫抑暴橫宗室
忤嚴嵩爲其所中罷歸著有乍音集

王應山字懋宣鍾之弟年十五舉于鄉主司知其年少
臨時易之遂終身不遇常以春秋教授著有閩大記

正東山志 卷十二 三
閩都記風雅叢談及詩文集

史繼偕字聯嶽晉江人榜眼及第官至宮保大學士爲
阮大鍼所排擠引疾致仕卒謚文簡

謝肇淛字在杭長樂人成進士累官至粵西方伯有小
草齋詩文及五雜俎

謝傑字漢甫長樂人成進士巡撫南贛清四弊陳三策
總督倉塲請運實京倉以備邊儲累官戶部尚書著
北窻吟稿

屠隆字長卿鄞縣人成進士歷官禮部郎中太守阮自
華常以中秋大會詞客于烏石山宴集者七十餘人

華常以中秋大會詠客于烏石山宴集者不一會
而推隆爲祭酒著有白榆采真南遊諸集

葉向高字道卿福清人成進士累官東閣大學士神宗
嬖鄭貴妃時福王受封久不之國光宗居東宮日在
危疑而宛轉敷陳折曲調護卒使福王就藩東宮奠
安者公之力也卒謚文忠著有蒼霞諸稿

徐燠字惟和閩縣人舉孝廉嗜書好客能詩文

徐渤字惟起燠弟博貫古今著有筆精及鰲峰集

康彥登字元龍閩縣諸生所著有朔方遺稿

鄭恭字謙六侯官諸生

江騰鱣字仲魚崇安諸生武夷諸峰各置筆硯書帙隨

意所適常賦秋風懷友詩二十餘首皆道侶漁樵之屬風塵客不與焉惜早卒編有武夷志

張于壘字凱甫龍溪人七歲能詩父燮携遊吳越三楚所至題咏其遊武夷時年才十五耳踰七歲歿士林惜之

林堯俞字咨伯莆田人成進士熹宗朝累官至禮部尚書時有旨選闈上疏力爭有云願垂履霜之戒母啟旁落之端未幾乞休歸著有溪堂詩文集
吳拭字去塵新安布衣性耽琴書慷慨重然諾每傾資以結賓朋雖困厄不悔有詩集

吳兆字非熊新安布衣肆力風雅以切實有詩集

吳兆字非熊新安布衣肆力風雅似初唐有詩集

衷宗周字尚文崇安人曾貸人三百緡其人死子幼無
有知者自詣喪次白之償以居宅携家入武夷蕭然
環堵恬如也

衷仲孺字穉生宗周子工詩善書修有武夷山志明末
以薦授平遠令

鄭東白字叔曉莆田人成進士官僉事

黃景昉字太穉晉江人成進士官至大學士

沈仕字子登杭州人刑部侍郎銳子號青門山人

陳鳴鶴字汝翔侯官諸生有詩集徐興公選刻

張智字元畧建陽人以薦累官禮部侍郎

費宏字子克鉛山人成化狀元官至少保謚文憲

許天錫字啟衷閩縣人成進士官都諫劾劉瑾矯旨逮

斃嘉靖時追賜祭葬

李默字時言甌寧人成進士歷官冢宰爲嚴嵩所擠卒

于獄後復原官謚肅愍著有羣玉樓稿輿地圖

王偁字孟陽永福人舉孝廉官檢討有虛舟集

李應徵字伯遠嘉興人舉孝廉官博士有文集

何喬遠字稚孝晉江人進士官少司農有鏡山集

胡廷晏字瞻明漳浦人成進士官至陝西巡撫

歐陽清號冲菴上饒人成進士官至四川參政

歐陽清號冲菴上饒人成進士官至四川叅政

方一蘭字西臯莆田人進士官員外有少微堂集

林聰寧德人成進士官大司寇

李有則字子彞建陽人孝廉爲順德令有東陽紀

安如坤字厚父崇安諸生

胡澣字源潔武進人建文時進士官大宗伯

王應槐字汝旦閩縣人舉孝廉仕太倉學正嘗庭叱州

守白士寃遂拂衣歸

白悅字貞夫武進人成進士官江西按察司僉事有維

原集

陳謹字德言閩縣人狀元官中允有詩文集

王畿晉江人萬曆甲午解元成進士累官布政

蘇濬字君禹晉江人成進士官臬司有三餘集

費元祿字無學鉛山人有甲秀園集

商梅字孟和福清人太學生與徐惟起友善

聞人銓字邦正餘姚人成進士歷官副使王文成門人

著有芷蘭集

高澱字宗呂侯官人與傅木虛諸子同遊鄭少谷之門

稱十才子澱居首有霞居子集

林弘衍字守一閩縣人以父蔭爲戶部主事

鄭郊字牧仲莆田人黃石齋門人

何元述晉江人成進士官至廣東副使

何其漁字樵仲邵武人

鄭鑰字如南閩縣人舉孝廉官御史

楊仕侗建安人成進士官無爲知州

鄧遷字世喬閩縣人舉孝廉爲嘉興別駕

游璉字世重連江人成進士官副使有少石稿

徐階字子升華亭人成進士累官大學士謚文貞有少

湖集

文徵明字徵仲長洲人以明經薦授待詔有甫田集

正
卷
二
詹仰庇字汝欽安溪人成進士累官少司寇
俞安期字羨長吳江人有參寥集

魏文焮字德章侯官人進士官臬司有石室私抄

黃孔昭字世顯太平人嘗曰積粟于豐年乃可濟饑儲
才于平時乃可濟事官至工部侍郎卒謚文毅

沈明臣字嘉則鄞縣人居胡山保幕嶽嶽不少阿宴將
士于爛柯山作饒歌十章援筆立就有豐對樓集

陳第字季立有五嶽遊草

浙

楊應詔建安人有天遊集

陳邦瞻字德遠高安人有荷花山房稿

郭造卿字建初福唐人有海嶽山房稿

鄭大同字皆吾成進士官至少司寇

林爓閩縣人有對山集

楊成名字少虛建安人有遂初集

林煙字貞耀閩縣人有覆瓿集

林鴻字子羽福清人官膳部員外著有鳴盛集

張謙字仲受慈溪人成進士歷官按察司副使

徐渭字文長山陰茂才工書畫浙制胡宗憲辟掌書記

作白鹿表爲上所稱卒後袁中郎刻其遺集

林世吉字天廸閩縣人以父廕爲戶部員外

畢懋康字孟侯歙縣人成進士歷官兵部侍郎有管澄

西清二集

李炳茂字嶽盤閩縣人明經為長汀教授

林弼字元凱龍溪人為登州守有梅雪齋稿

聶大年字壽卿臨川人由教諭入為翰林

林炫字貞孚福州人成進士官通政

田賦字用周甌寧人正德甲戌科官淮安守

蔡汝楠字子木德清人進士官少司馬有自知集

吳國安字文仲長洲人成進士官浙江副使有葆光軒

稿今是堂集

陳勳字景文閩縣人成進士官戶部有元凱集

陳勳字景文閩縣人成進士官戶郎有元凱集

王恭字安中閩縣人以薦與修永樂大典授翰林典籍
不就號皆山樵者著述甚富

林命字子順建安人成進士官臬司有春秋訂疑

蘇茂相字弘家晉江人成進士累官大司寇

鄧原嶽字汝高閩縣人進士官副使有西樓稿

王會字一川漳浦人舉孝廉官曲靖同知

宋璫字仲珩浦江人濂次子爲中書舍人

安國任崇安文學

莊一俊字君棐晉江人成進士官至叅政

何文俸福州人舉孝廉為雲南副使有平寇功

鄭紀字廷綱仙遊人進士官大司農有東園集

沈周字啟南長洲人以賢良應詔辭不赴

鄭綱福州懷安縣人成進士官嘉興太守

黃宗器福州人成進士官湖廣兵備副使

汪天寵字海嶽徽州人

李鐸字振道隴西人

葉俊福寧州人

林熙字仲雍鉅鹿人

馮回字景淵福寧州人

鄭王忠號三峰莆田人

鄭主忠號三峰莆田人

卓思茂字有見莆田諸生

國朝

李世熊字元仲寧化人黃石齋及門明末大臣薦徵授

待詔後隱處不出著有寒支集

施閏章字尚白宣城人成進士督學山左以講學建祠

禮賢恤後爲事又舉博學宏詞對秩調侍講卒于官

一曲檀香潭易名浴香著有學餘觀海等集

李光地號厚菴安溪人成進士閩變不屈奔入京師歷

遷大學士居官盡職燮理咸宜給假歸閩乙未臘月

至武夷不往天遊惟謁朱文公祠及先文成公祠訪
余于天柱草堂余因有林宗無意逢元禮文靖多情
陟泰山之句

李鼎徵字安卿中堂胞弟舉孝廉爲縣累官戶部郎官
潔已愛民敏而好學兩過武夷與余交深誼篤頻行
惠扎云名刻種種皆有關世道之書年老不能相從
空山朝夕披玩心照如面晤矣
李光燠字廣卿弟光燠字爽卿中堂之弟皆舉孝廉奉
父總戎公諱日烜號自軒者來山匝月徧遊賦詩與
余舊交晨夕唱和著有經說

蔡世遠號梁村漳浦人成進士官庶常登陟武夷有濟勝之具兩次過余道故善詩及文著有捫齋集

車道南號雙泉湖廣人研精理學博極群書因兄督學

福建乃過武夷歷九曲上天遊訪余于大王峯下稱

莫逆焉

彭定求號南昫長洲人丙辰會元歷官侍講勇退林泉

闡明聖學嘗有寄懷天柱草堂及武夷茶詩

王材任號西澗成進士官僉都御史以謇諤稱來遊武

夷買地五曲相約同隱恐未必然

汪份字武曹長洲人成進士官庶常以操選政學者宗

之探奇武夷拉余同泛九曲上天遊嘯咏竟日

高孝本字大立嘉興人成進士為績溪令德行純摯善

王詩及書遊歷武夷翛然獨往真名士也

鄭重字山公建安人成進士為靖江令仕至刑部左侍

郎前後三典文衡有集并重訂文選

臧睂錫字介子長興人成進士官至侍御史重刻朱子

全集

潘耒字次畊吳江人幼孤力學博物洽聞舉博學宏詞

科授檢討纂修明史分較禮闈歸田後以遊覽著述

為樂著有詩文集

朱彝尊字錫鬯秀水人汲古庵買舉博學宏詞受命

爲樂著有詩文集

朱彛尊字錫鬯秀水人汲古淹貫舉博學宏詞授檢討纂修明史典試江南著有經義考南北史識明詩綜詞綜日下舊聞曝書亭集

查慎行字悔餘錢塘人成進士爲編修嘗同中表朱竹垞至武夷有紀遊唱和詩名賓雲集

張蚩蚩山東人自匿姓氏履歷備幹修髯寓武夷山康熙乙卯年九十三卒能詩善書葬一曲會真觀左著有漫興篇適適吟

沈宗敬號恪庭婁縣人文恪公荃之子成進士爲編修

有詩文集

吳瞻淇號漪堂歙縣人大司成苑之子成進士官庶吉
士有詩集

顧嗣立字俠君長洲人成進士爲翰林有山陰金焦集
并元百名家詩選

李尚字寤生如臯明經賦梅花百首爲王思任所賞性
嗜山水再至武夷以未登蛾眉爲歉年近七旬子曰
鯤隨行樓天遊經歲病卒葬于仙遊巖

熊之璋字玉孺崇安人明末恩貢不復出仕隣火將延
及宅獨抱樞號呼風迴火滅里人傳其孝感著有頑
石集又重刻勿軒文集行世

李應橋瀏陽茂才過武夷寓雲窩經歲與李

石集又重刻勿軒文集行世
李應橋瀏陽茂才過武夷寓雲窩經歲與李卷交善著
有文集及武夷志畧

陳鵬年號滄洲湘潭人成進士爲蘇州太守文章經濟
朝野欽服徵入南書房纂修嘗至武夷

王彛字子懿崇安廩生性孤介詩文亦峭刻嘗讀書入
曲龍吟菴感時放廢鶉衣葛巾以終老著有享金篇
及古樂府梅花詩

王應春字泰初福州人幼孤力學博覽經傳善詩文嘗
從予遊因至武夷惜年二十有八而卒

陳統字騏伯弟純字騏仲福州諸生善詩及文屢訪余

山中留有題咏其弟紹字驊叔綸字騶季皆及余門亦善詩

卜築

陳

顧野王字希馮吳人天嘉中為光祿卿奉使至閩歷武夷嘆曰千巖競秀萬壑爭流美哉山河真人世所希覲也遂卜居焉嘗撰建安記玉篇輿地志崇安人知學自野王始

南唐

張嶠字景山崇安人太傅靄之子南唐末隱居武夷宋

初任歙州通判會山寇昌厥或勸之以避裔自

初任歙州通判會山寇猖獗或勸之少避嶠曰吾不敢負國有死戰而已卒却寇趨拜御史中丞累贈工部尚書

宋

詹先野字景舒崇安人經史歷覽無遺領鄉薦繼應賢良科後竟不仕隱武夷廩江之濱

江贇字叔圭崇安人初遊上庠以易學名隱居武夷閉門著書遭父喪廬墓三年事繼母以孝聞學士蘇德輿薦其賢召赴闕不就政和中太史奏少微星見詔徵遺逸三聘不起乃賜號少微先生命邑宰立坊旌

之越數年自知逝期預辭宗族無疾默坐而終著有

易訓通鑑詳節

熊蕃字叔茂建陽人能文工詩不應制舉築獨善堂於

八曲性嗜茶著茶錄及製茶十咏文稿三卷

劉夔字道元崇安人成進士以工部侍郎知福州請解

官入武夷山爲道士勿許知建州尋告老築觀山亭

于四曲自號山北居士年逾八旬先期作遺表計祿

賜分給親族曰吾某日逝矣富鄭公弼稱爲異人范

文正稱其高風孤躅賀監以後一人著有文選筆粹

晉書指掌春秋褒貶志及武夷山志

胡寅字明仲文定以姪爲子受業易龜山之門或進

晉書指掌春秋褒貶志及武夷山志
胡寅字明仲文定以姪爲子受業楊龜山之門成進士
嘗建亭于武夷曰奪秀歷官直學士屢陳復仇大義
爲秦檜所嫉安置新州卒檜死復原官謚文忠著有
論語詳說崇正辯讀史管見斐然集

蔡杭字仲節沈之子成進士累官叅知政事卒謚文肅
武夷之咏歸堂乃其讀書處也

劉衡字兼道崇安人魁岸有膂力建炎初以勤王補官
從韓世忠敗金人于濠累功遷秩晚年棄官歸潛心
學易築小隱堂于五曲時吹鐵笛或慷慨舞劍意氣
浩如也

劉甫字嶽卿衡之子事親至孝隱武夷水簾洞劉忠肅公琪欲奏以官辭焉朱晦菴蔡西山皆過其廬約構仙遊館爲佚老計未幾卒文公哭以詩

劉學箕字習之性豪邁結廬南山下顏其堂曰方是閒蓄小舟往來九曲酒酣吟嘯有方是閒集

吳達字子路崇安人成進士通判南劍開鑿九灘溪路盡平其自撰記有曰事無大小爲之必成害無久近除之必盡可見其立心行政矣嘗構堂于八曲之笋洲曰麗澤堂官至朝奉大夫知鼎州卒

劉琪字其父崇安人子羽之子幼從叔父子翬學成進

士爲禮部郎坐忤秦檜罷檜死召入權中書舍人

士爲禮部郎坐忤秦檜罷檜死召入權中書舍人從
幸建康歷官湖北江東安撫使進觀文殿大學士屬
疾請致仕卒謚忠肅史稱其忠義世家嘗築仰高堂
迎綠亭于五曲

詹師文字叔簡崇安人成進士調婺源尉有捕盜功郡
守將聞於朝辭曰殺人以求賞不爲也再調江西憲
司築室幔亭峯下著有通典編要幔亭遺稿

袁長吉字叔巽一字壽之崇安人耻言人過成進士官
邵武簿調靖江軍掌書記秩滿歸結廬武夷著有雞

肋集

詹琦字景韓崇安人與徐幾為山水友同築靜可書堂於九曲幾稱其孝弟忠信展矣金石君子也有滄浪

詩集

徐幾字子與崇安人博極羣書尤精於易景定間廷臣交薦以布衣召對授崇政殿說書上甚器重之詔補

迪功郎

元

呂桂字文桂自金華徙居武夷星村至元間由文學薦授劍浦教諭遷安溪令有廉惠聲

詹天麟字景仁崇安人元延祐中以文學辟用歷官撫

州總管歸里延故交杜本同入武夷築萬卷書樓於
九曲之平川

明

藍仁字靜之世居武夷藍原師事杜本肆力學古以詩
名洪武初應徵辟爲武夷山長有藍山集

藍智字明之仁之弟舉明經洪武時因薦授廣西按察
司僉事以清介著有藍澗集

陳省字孔震長樂人成進士擢御史世宗欲巡湯沐地
計費萬億上疏力諫遂止歷楚巡撫以平寇功晉少
司馬卜築五曲雲窩著有武夷志詠

五更山志 卷十二
陳洙字伯順長樂人登嘉靖壬戌科督學滇中滇撫因
亂欲行芟薙之令議死者五百人洙察其寃夜叩轅
門以官力爭得免忤時相罷歸於幔亭峰麓築一水
草廬以居後起用官至光祿卿

謝智字活水建安人十二而孤長齋至老嘗聞人言八
曲石崖有竅穴遂闢洞以居因呼活水洞其師李中
丞材題爲涵翠洞董少司空應舉有記

丘雲霄字凌漢崇安人以明經爲柳城令引年歸結廬
於武夷止止菴側著有止止集

吳正理字子明新安人善詩及行草書萬曆間築室於

吳正理字子明新安人善詩及行草書畫歷開鏡室
六曲小桃源優游以老葬于三仰峰麓

吳世濟字若容崇安人爲茂才築山房於鐵板嶂胡中
丞廷宴嘗爲之記稱其以麟經著聲於時所交皆一
時名士

彭惟藩字汝人舉孝廉歷官思明郡丞嘗于八曲涵翠

洞之左建亭曰友竹



嘗限

林

賦

句

賦

吳中立字公度浦城人成進士疏請歸養父歿服闋喟
然曰古人爲親而祿今祿不逮親矣遂入武夷結廬
於杜葛巖曰養恬菴侍御楊四知冢宰楊巍俱疏奏
清修乞加榮寵特授尚寶司丞報至已逝有易銓學

武夷山志 卷十二
庸大旨道德經註

徐表然字德望崇安人嘗築別業於仙榜崖頂有漱藝山房凝道館館雲亭編有武夷山志

游鑣字孟馭龍溪人明末携家入武夷築室于晚對峯之麓日半石居精於茶理一嘗則採摘時陰晴及其旁花木悉能辯之

國朝

潘錦字就亭仁和人入籍崇安築室玉華峰麓成進士爲曲沃令有聲博學多才長於詩得風人之旨晉銓曹擢吏科都諫晉銀臺嘗作懷別業詩寄歸

藍潤彩字素先崇安諸生嘗于更衣臺築崑石山房奉

藍潤彩字素先崇安諸生嘗于更衣臺築崑石山房奉
孀母楊氏居之色養備至母臨終謂之曰吾族貧不
能葬者凡十三喪汝爲經紀之潤彩一一營葬卒成
母命母茹素遂終身不忍食肉

吳應聘字賓于崇安人辛丑恩貢築室八曲烟際石善

詩及詞

李鍾鼎字磊英閩縣人隱居五曲茶洞築室曰煮霞居

著有尚友書姑留草武夷山志

丘四可字無可崇安人明末餽於庠尋自罷棄隱居山

北杜葛巖有河洛解五經辯難支言

徐弘禧字錫予建陽人少喪母事父以孝稱及明季亂

不圖仕進散家財於閩里隱處接笋峰頂為三隱臺

羽士置田塑像年七十有七預知死期無疾而逝

顧星字子燦杭州人善詩及畫書宗董文敏依友何方

伯入閩構問松堂於下城皋居焉嘗月夜携琴邀友

汎舟中流逸致可想年六十七卒

烈婦

國朝

謝氏崇安民謝琳女廩生藍繡妻也順治九年避亂鼓

子峰為賊所掠驅之下山氏抱睟男奮身投崖死時

年二十八繡爲文祭之辭甚悲慘遺一子繡終身不娶

丁氏赤姐星村民張辰顯妻也順治十三年寇掠星村氏赴曲水自盡

胡烏姐張辰皓妻亦縊於家卽辰顯之嫂也

吳氏將村里人童公貴妻避亂于樓閣巖上順治丙申建陽董守備作亂氏知不能保全卽欲投崖公貴堅携不舍後賊至其夫受傷遂投崖而卒柩尚停崖下歷數十年聞童再娶生子棄置不顧余白之縣令陸公始得安葬并載于志以表節烈與陸公仁政焉

女真

秦

皇太姥者相傳爲秦時人母子二人來居武夷採黃精以餌能呼風檄雨乘雲而行古記云始皇二年八月十五日武夷君與皇太姥魏王子騫等置酒會鄉人于幔亭峰頂秦人呼爲聖母衆羽流呼爲皇太姥今稱太元夫人

胡氏李氏魚道趙魚道遠十三仙中女真也宋紹興十八年敕封胡氏爲普應夫人李氏爲慈應夫人魚道趙爲助應夫人魚道遠爲順應夫人嘉靖二年加封

四女真爲元君

四女真爲元君

唐

孔莊葉三女仙上虞人天寶間來武夷學道棲天柱峰
下一日遇皇大姥授以丹訣指往東南覓修煉之所
乃於均峰得雲虛洞居焉後投身換骨巖時人稱太
素孔元君太微莊元君太妙葉元君

宋

劉妙清東陽人入武夷山修道師事陳丹樞附其廬結
數椽以居取何仙姑幽居山林間荆棘隱此身之句
題曰棘隱菴白玉蟾作記

趙爲助應夫人魚道遠爲順應夫人嘉靖二年加封

道流

陶唐

錢鏗古陸終氏第三子嘗進雉羹於堯堯封之彭城故稱彭祖又云卽商賢大夫老彭也相傳隱居是山壽七百七十七歲今一曲有彭祖菴基

武彛君相傳昔有神人降山中自稱武夷君受上帝命統錄群仙授館于此漢武帝遣使祀之宋紹聖禱雨獲應封顯道真人元符進封真君端平加封顯道普利嘉熙又加冲元是山所由名也

劉少公舊稱武夷山主雲笈七籤云武夷爲昇真玄化

洞天真人劉少公治之

洞天真人劉少公治之具一金訣秘訣首向地因
控鶴仙人名屬仁天台元虛華真第七子嘗至武夷時
魏王子騫等十三人禱雨龍潭屬仁適過遂雨湛等
獻詩屬仁甚喜因遣何鳳兒取籍檢視具載子騫等
謫居此山後復證果因授以九品丹書

十三真人者魏王子騫張湛孫綽趙元奇彭令昭劉景
顧思遠白石生馬鳴生胡氏李氏魚道超魚道遠也
子騫或曰魏國王子或曰魏時人姓王名子騫或曰
延津人皆不可考山南十里有魏王故城相傳爲子
騫所築白石生或稱白玉生十二人以修煉來山中

正東山志 卷十二 三
依子騫爲地主宋時皆有勅封

潘遇崇安人先世居中奢因給奉魏王子騫等移居武
夷山中卒後宋時禱雨獲應勅封爲神元至正間草
寇毛興入欲行劫掠晚至三姑市見兵甲自山出旗
幟皆潘字因退任梅溪詰朝爲官軍所獲

漢

張垓後漢時侯官人或曰晉人一日登大王峰石巖中
坐化其首右顧相傳將解時其母追至呼之是以顧
視巖下云背有白點如錢者六七手有傑字遺蛻至
今在焉坐旁方石樵者見一金蟾蜍昂首向蛻因號

張金蟾

〔晉唐〕

婁師鍾晉時人薛邴唐時人李鐵笛洛陽人李磨鏡燕山人又八曲鼓子洞有張草衣白玉蟾記謂俱於止菴化去

許碯唐時人自稱高陽酒徒舉進士不第學仙於王屋遍遊名山嘗至武夷絕頂題云許碯自峩山尋偃月子到此又書絕句於三曲巖上故名題詩巖

〔南唐〕

李良佐字元輔南唐元宗璟之弟也保大八年辭璟訪

道入武夷遂居焉舊觀在洲渚間璟勅有司移創今址賜額會仙冊封演道冲和先生

宋

鄒錄事失其名趙清獻公宰邑時應役爲錄事奉公最恭一介不取公秩滿貧不能歸鄒鬻田得錢百緡以助行公不受鄒曰業已鬻失祖田錢無所置乃受之鄒自是棄妻子入武夷修道化去

吳懷玉崇安人居武夷老無衰顏行坐常閉目人問之曰俗無可觀因稱眇翁年九十六無疾而逝

葛真人詹真人見於白玉瞻雲窩記所謂靈巖之葛鼓

刺樓巖之詹是也二曲靈巖石穴相傳昔有巨蟒吐氣
傷人葛除之至今有葛仙館馘妖洞之稱詹亦曾驅
踞洞之蟒亦于其地剝菴居之但蹟在九曲雲巖洞
菴曰雲巖菴與白記有異
李仙無考惟四曲高峰上有石洞陡險稱李仙巖相傳
其坐蛻處羅仙舊志以爲廬山人得寶印立文於一
曲之換骨巖蛻去

吳公在八曲鼓子峰右石室中修煉一日將炭畫階級
於石壁隨畫隨登遂冲舉今稱吳公洞

丘公在九曲靈峰左石室修煉一日坐化留詩曰本是

正瀛洲仙子徜徉立化洞天笑指蓬萊歸去冲飛直入
蒼烟今名爲丘公洞

知微子樵陽人或曰姓孫嘗採藥武夷結茅于毛竹洞
餌松飲水得冲舉術有知微子一卷行世蘇文忠爲
之敘

徐熙春邵武人宋熙寧時業市酒嘗夢鐵冠道人揖之
語旦至城南五峰院得之如所夢者自言姓蔡住武
夷遺熙春五花草食之由是絕粒後化於大王峰東
壁今遺蛻猶存

陳冲素號虛白修道武夷著規中指南盡發內冊三要

陳冲素號虛白修道武夷著規中指南盡發內丹三要
之旨嘗與樵者飲忽仆地夢入一洞食青靈芝卽絕
粒後蛻去

李陶真東京人熙寧末至武夷居止止菴出牒示人乃
唐開元時所給衆皆笑之好吹鐵笛後居通仙巖一
日留詩別衆云毛竹森森自剪裁試吹鐵笛下瑤臺
當途不遇知音聽拂袖白雲歸去來笛聲隱隱漸遠
不知所適

王文卿隨遇堂集中有傳謂江閩之間稱王侍辰者乃
南豐羽士宋時賜號之仙人王文卿也閩大記稱文
卿宣和間來建寧又名顛道人一日風雲晦冥登樓

武夷山志 卷十二 三十四
視下不見其處舊志訛卿爲欽非也

黃樸樵川人紹興初訪道武夷遇仙授能絕粒後坐化
於三仰峰

白玉蟾字如晦本姓葛名長庚閩清人父歿隨母適白
氏因冒其姓博學工書畫嘗至武夷講法於冲佑之
采隱堂嘉定間召對稱旨館太乙宮年三十六卒于
水敕封紫清明道真人著有瓊琯集

王通永平人學道武夷毛竹洞能飛神御氣呼召雷雨
宋治平三年卒於黃柏山詔封洞明普靜真人

江成真號心隱建陽人少入武夷從張巖隱遊以祈禱

江成真號心隱建陽人少入武夷從張巖隱遊以神
聞於朝授道判晚築室水簾洞修丹坐化

江師隆號三白建陽人修道武夷能致雷雨紹定中錢
塘有水孽詔赴闕以法平之賜號金門羽客乞歸眷
賚優渥御書常菴二字賜之仍奉旨督臨安諸觀嘗
大修冲佑觀請加十三真人及潘侯封號

劉夢鼎號竹所崇安人母夢羽衣客捧鼎來寄因有孕
遂以命名好清微道法曾建籙齋於邵武九龍觀枯
井湧泉天降甘露一日在南浦遇一道士稱爲武夷
侍者迓公回山倏不見歸家沐浴更衣而化

陳丹樞辟穀不粒終日凝神不語興寢談笑與常人異

年至老其顏如童附身僅一破衲結廬於鐵象巖題
曰雲窩白玉蟾爲之記

陳洪範字天錫喜種橘所居名橘隱白玉蟾爲記

郭道人號臥雲子能預知人禍福紹興間至湖州遇諸
葛行正言其生平如目覩行正遂師事之同至壽春
不辭而去越三年復至行正事之如初因有密授俱
入武夷乾道中同日坐化行正號洞陽子

徐頌崇安人嘗于三髻山遇道人對奕啖其餘果歸卽
辟穀乾道間歲旱邑令諸葛廷瑞召之祈雨登鐘樓
望三髻招呼之朶雲西來須臾大雨

黃咸中東陽人曾宿止止菴遇異人授以道術遂棄家
遍遊訪道後任洞空山二十年號洞空子歸武夷年
九十坐化

元

金志陽號野菴永嘉人素不櫛髮人呼爲金蓬頭病者
求藥卽餌以所供果餅無不立愈嘗因旱登井召龍
卽雨居復古洞及止止菴不爐不扇至元間坐化旬
餘體顏不壞

王與敬號秋厓三山人居武夷山嘗遊雲州求雨卽應
城中有妖治之頓滅當事薦于朝授號至道玄應通

五可山志 卷十二 三十一
妙法師至大間乞還山有句云依然拂袖歸山去止
止菴前伴白雲

彭日隆號隱空樂安人初爲萬年宮新戒遇異人傳授
雷法禱雨極驗和陽道院於九曲讀清淨經有悟
嘗自讚云五五二十五只管從頭數到底一也無松
梢月當午卒時正七十五歲

張與玉號霜崖三山人博雅善詩遇異人得秘術禱求
立應居武夷羽流多從學閩憲薦授法師

張克真號平心三山人居崇安光化寺有狐爲祟召雷
斃之福寧州旱投符龍湫遂雨嘗過飛鸞渡遇風舟

覆者克真乃誦咒書空作符溺者皆浮出無損張真人薦於朝及命下已卒時年七十

張志道號原中崇安人居武夷深究玄理博綜三式之書或薦於朝以病辭

林文能號存心三山人博覽羣書頓悟玄妙嘗獲銅符治病立驗善熊經鳥伸之術不畏寒暑居大王峰頂辭召不赴賜號講師泰定間無疾而化年九十五同時有永平人程斯道師事文能居止止菴元末召至京賜號通玄子

余復嬰居復古洞能詩與藍氏兄弟唱和

張三丰俗呼張邈邈嘗遊武夷飲通仙井水曰不徒茶
美亦此水之力也

蔡雙髻河南人棲武夷水簾洞五六年或數日不食人
與語多不答一日失其所在

王廣崇安人嘉靖中學道武夷水簾洞遇異人指授每
行人遠望之有兩身焉自刻時日沐浴別衆端坐而
逝遺蛻見存洞中

程良初歙西人萬曆時居武夷杜葛巖日織草鞋以市
後經年不見或詣其室屍已枯矣肢體柔和衆咸驚

異因卽巖鑿石爲龕晉焉首散免真目夫坐巖後

後經年不見或謂其室屨已朽矣煇體柔利髮眉皆
異因卽巖鑿石爲龕厝焉首微俛瞑目趺坐鬚髮宛
然今尚存

詹本初字雲清崇安人幼年給事冲佑觀嘉靖乙酉值
豆熟於閣上煮食失火延燒殆盡畏責躲避後山空
樹中月夜見白馬入地因而發藏若干重建是觀兩
載始成後卽任持爲本觀提點

汪三寶字麗陽鉛山人劉端陽號古松建昌人同學玄
風以詩文書畫相友善嘉靖間至武夷創立元道院
於接笋峰頂汪有集曰野懷散稿

張延安崇安人嘉靖間遊京師祈雨有驗詔封贊教真

人復歸武夷

江一源居止止菴能詩與傅汝舟嘗倡和

周千秋字喬卿莆田人文雅能詩與謝在杭方伯友善
晚歲月嘗入武夷築室磔金巖靜攝數載復明七十
餘燈下猶能作小楷後其子來迎歸養

黃合賢號知白大梁人少好道入三茅山師事閆希言
逾七旬顏如童子晚徬知白菴於七曲萬曆初有懿
旨擇高真檢道藏合賢應召曾受寵褒

國朝

鍾全容號大拙房縣人左目重瞳棲大王峰頂二十餘

鍾全容號大拙房縣人左目重瞳機大王降頂二十一會
年於康熙初年坐化

任圓智號若愚鉛山人事母盡孝母歿入武夷爲黃冠
居鶴巖精于數學往往奇中常語人曰易道精微所
卜者不過爻象吉凶而已吾壽止二載于易未能領
會豈不辜負一生因往建寧師事任上巽孝廉凡十
月恍然有得遂辭歸孝廉送之登舟撫掌大笑曰不
意吾儒之易今爲一道人得去亦不幸中之幸矣若
愚抵山三日拜辭道侶坐化焉時年五十有九葬于
溪南兜鑿峰下

金象字乾陽號鶴奴新安人初入三茅修道繼居羅浮

二十餘年後至武夷結廬大隱屏之巔題曰隱屏仙
居年逾七旬陟降險徑如坦途能詩善書畫

虞啟祚字湛錫崇安人與藍文秀重爲募建冲佑觀法
堂及東西兩廊各十八間能繼先志建寧太守張公
琦以函關紫氣旌之

圖

鄧竹達江西人居止止菴二十餘年日事種植以供大
衆自甘淡泊卽賣菜得錢亦歸常住卒前數日衣冠
辭別各菴至期跌坐而化

釋氏

唐

扣水本翁氏子號藻光長安人以父承贖卅村王孫印

扣冰本翁氏子號藻光長安人以父承贊冊封王審知
至閩遂卜居崇安嘗夢老比丘荷錫求宿乃生藻光
十歲欲出家父母念夙夢聽之刻苦持戒每日問主
人翁惺惺否隨自應之曰惺冬月扣冰而浴故號扣
冰曾棲止武夷之桃源洞閩王延鈞聘至福州郊迎
隆禮因戒曰願王以百姓爲念勿多殺送居鼓山翌
日說法留偈而化今縣北吳屯之瑞巖寺乃其道塲
生於會昌甲子二月初八日至今屆期迎奉萬衆炳
燭宋時累封靈感法威慈濟普照大師

貫休字德隱著巨嶽集有寄武夷僧詩

明

慧明天啟初從南海來結茅於火焰峰頂不下山者四十餘年

元鏡字晦臺建陽洪氏子嗣法壽昌曾任虎嘯巖晚又結茅于石瓶巖一手指巖下謂徒曰此處可埋我遂瞑有語錄詩集

道盛字覺浪浦城張氏子從元鏡出家又從壽昌博山盡得曹洞宗旨任武夷數年拜經於虎嘯洞元鏡歿出坐道場五十餘處有詩文集

廣潤字等慈吳興人善詩好客與程孟陽倡和卽錢行

廣潤字等慈吳興人善詩好客與程孟陽倡和卽錢行
道字叔達者晚年爲僧

〔國朝〕

海靖延平人善詩及畫有武夷圖志未見嘗同天使往
琉球國圖其山川以歸卽胡獻卿也後爲僧

克信號節菴蘇州人善山水及詩寓天遊象峰數年

大寧字石潮道盛弟子博洽能文嘗止錫武夷後主金
陵天界方丈著有詩文集

如疾字疵已龍溪人菴居內金井能詩善書嘗作武夷
導遊記文詞典贍

趙位號壽宗漳浦盧氏子黃石齋門人好學能詩文奉

武夷山志 卷一 二
母結茅於山北章堂名曰莫菴母卒廬墓三年遷歸
漳浦合窆

道桓號凡木龍溪楊氏子居小九曲之泊菴卽事長吟
且善畫遊者多稱之

衍操字松山漳浦劉氏子任武夷山北之梧桐窠卒於
粵中歸葬是山著有詩集

性坦號櫛篁漳州諸生原名蔡仲修黃石齋門人能詩
文居御茶園三載歸省祖塋卒年八十餘

淨青字千松泉州人能詩及尺牘居復古菴二十餘載
足跡不至城市迄今罕及年六十有三卒

武夷九曲志十三卷

浙江錢塘王復禮艸堂編輯

江南嘉定陸廷燦扶照叅訂

藝文考一

序宋朱熹武夷山圖序武夷君之名著自漢世祀以乾魚不知果何神也今崇安有山名武夷相傳卽神所宅峰巒巖壑秀拔奇偉清溪九曲流出其間兩崖絕壁人跡所不到處往往有枯查插石罅間以皮舟船棺柩之屬柩中遺骸外列陶器尚皆未壞頗疑前世道阻未通川壅未決時夷落所居而漢祀者卽其君



長蓋亦避世之士爲衆所臣服而傳以爲仙也今山之群峰最高且正者猶以大王爲號半頂有小丘焉豈卽君之居耶然舊記相傳詭妄不足考信故有版圖迨遠漶漫亦難辨識今冲佑羽人高君文舉始復更定此本於是向背隱顯之間爲能有以盡發其秘且屬隱屏精舍仁智堂主爲題其首以祛舊傳之惑云元薩都刺武夷詩集序肇自大化氣泄融結爲名山大川閩粵在翼軫之分武夷當閩之北戶自漢以來載諸祀事雄深盤礴綿亘百二十里溪曲者九縈折萬山之間峰巒巖谷不一其狀奇花異草不一其

色珍禽馴鳥不一其聲陰晴朝暮風烟雨雪不一其

折萬山之間峰巒巖谷不一其形奇在異草不一其
色珍禽馴鳥不一其聲陰晴朝暮風烟雨雪不一其
變使人應接不暇幽深僻遠若與世隔是故前賢大
儒藏修於此真人鍊士蛻骨於此今昔達公鉅卿文
人騷客名僧高道逸人遷客之流過茲山者莫不發
爲題詠模寫其勝以泄胸中之所素蓄山之詩見於
唐歷代至我朝不絕響或發其雄壯豪麗或發其清
新俊逸或發其幽閒高遠或發其冲淡感慨龍吟虎
嘯神號鬼哭鶴唳猿哀虫悲蚓鳴其所發不一其懷
抱不同其趣向顯晦各異亦若山之峰巒巖谷奇花
異草珍禽馴鳥陰晴朝暮風烟雨雪莫可得而名狀

武夷山志 卷十三
也後至元三年丁丑九月僕遷官出閩過武夷遇京
兆清碧杜先生臥遊山溪周覽竟日夜宿萬年宮提
舉張一村者携古今名人遊山題詠二帙欲壽諸梓
俾予爲序予辭之曰非胸中有武夷莫能狀武夷之
萬一非胸中具古今名人之才噐莫能別其吟嘯之
意趣一村請不已漫爲塞白如此請以質諸山中之
宏衍博大真人者天地不壞此山此集亦相與悠久
而無窮也詩乎其天地山川之清氣乎清碧先生笑
曰無大言可止矣於是乎書

記明張于壘遊武夷記武夷山周百二十里卽道書所

稱昇真元化洞天云自曾孫寔乎秦年間宮事於真

稱昇真元化洞天云自曾孫宴乎秦年祠官傳於漢世而山之勝遂冠瑤巒矣清溪一隊自星村來爲曲者九峰則亂簪於溪之中最著者三十有六山勢溪聲每並驅以爭道水光嵐影亦相視而莫逆山縮其趾以予溪而孤拔峭削故峰峰離立溪紆其脈以就山而廻環容與故曲曲關生舟行九曲中群峰兩岸翼舟而進或現全身或漏半體或畢獻其鬚眉或僅存其鬢髻或一巖而向背見或一石而兩三名游者強欲以某峰崑屬某曲不得也舟中涉目半日可了若欲各造其巔全挾其秘則丹梯可通遙青徐擘非

累月易旬未易都盡耳余以甲子秋半出閩關經山
麓是時役夫告勤僅泛舟領畧諸勝登天游而止復
以乙丑初夏入閩始得窮九曲探桃源問一線天蓋
十得其一矣比入潭陽有殺青之役讐校苦煩每夜
夢則左拍子騫右擁張湛徜徉乎洞天之巔醒乃復
謫於塵寰倦念益甚始以朱明二日稍經營杖履雨
師澎湃便欲中輟家君子有他約以四日往越六日
霽鳥語弄晴爲報武夷君待我遂乘籃輿而趨潭陽
去山九十里日欲沉計行可七十里企大王峰已正
立馬首矣峰端莊雄特具王者威儀因以名之復十

餘里乃見幔亭峰鐵板嶂夾大王以出如左右翼遂

立馬首矣峰端莊雄特具王者威儀因以名之復十
餘里乃見幔亭峰鐵板嶂夾大王以出如左右翼遂
弄筏急渡灘邊獅子踞坐欲吼肅客入萬年宮宮基
於漢建於唐盛於宋客初入徑則列樹甚麗旣入門
則宮殿又甚麗登玉皇閣至方丈則大王幔亭二峰
又甚麗于是乃轉幽爲曠出世而仙矣是夕天無纖
翳嵐光映樹爲月已而有雲縷縷自東南來馳逐峰
腰初望如錦上弄梭復如鏡中鸞舞稍瀾漫則又若
疋練之繞叢花也小酌亭中宵不假寐質明起四顧
皆淡烟所幕峰之骨或隱或現難以強名惟珊瑚在
鐵網中依稀似之耳旋而烟散於風風奔入樹循樹

隙爲徐仙樓仙蛻於大王峰半後以禱雨迎至築樓
奉焉復步蒼翠至會真廟廟傍有樹千尋古藤衣之
迎涼而返因念峰之最著者莫若大王當以大王爲
遊事之始峰之下曰漢祀壇祀乾魚者其地也壇之
下曰雲龍道院院彭祖故居鏗之二子曰武曰夷皆
棲於此則山之所由名也初八日早起從止止菴後
度嶺絕磴高低不知換幾兩屐嶺盡得一茅菴梯其
傍不甚高而險甚梯盡爲巖巖爲張仙遺蛻所都相
傳仙將蛻時其母追呼故首微右顧又嘗有蟾在其
側故亦稱張金蟾云自巖而上斷峽攢雲不可丈尺

其絕頂有投龍洞禮斗壇諸勝然梯已毀無階可升

其絕頂有投龍洞禮斗壇諸勝然梯已毀無階可升
洞天隔凡厭聞下界之塵氛虹橋架空難續中秋之
勝事望崖三嘆所恨身無輕翼耳忽清風從石門出
予曰此雖幽人之仙風亦大王之雄風也爲之一噤
既下問鐵板嶂循嶺凌梯竹逕委蛇上爲邑人吳文
學山房樓臺亭沼位置甚勻一憑欄則一曲至三曲
之溪山已相引詣睂睫矣主人執蒲葵揖客園丁采
笋以供旣而雨似爲山顏櫛沐飲半酣乃下梯而商
明日之遊故事必先泛九曲然予以嘗遊且需歸路
沿津而濟顧獨垂涎水簾遂以初九日出宮左緣大

王幔亭二峰鳥奕相照大王高於幔亭稍進見幔亭
與大王齊復稍進則大王歛其半幔亭正立如幃三
姑石比肩以待綽約差亞玉女峰彼稱獨妍此亦並
秀正未甘作媵耳是時四面皆蟬聲與龍潭瀑爭響
恍更奏賓雲之曲者復進則皆重巒疊巘萬峰嶮嶮
橫豎有法分合有神或揖而相避或怒而相蹲乍違
乍應時侵時讓各有妙理不可窮也望之森列無隙
地及與漸近則蝕一隙以通徑道行愈深入跡愈少
復踰數嶺始聞鷄聲馬頭巖在焉自此以往峰乃益
奇慧者欲其人語黠者欲攫人裾奇峰之下最多美

泉奔雷乍呼竄窾皆應崩雪亂下巉巖欲飛若夫學
峰之形奪泉之聲偃蹇空際者山之松栝也復有似
峰而融疑泉而幻散漫谷中者山之雲氣也至如踞
峰泉之勝槩收雲樹之清陰點綴道傍縱橫崖半者
山之院宇也峰若泉之名難以殫述院宇則有所謂
凝雲菴者而鐵郎寨天心菴亦絡繹而至都不必朱
闌畫閣別有寥寂之觀山中人以茶代耕獨耦烟霞
柴門半開遠聞樵唱冷然可念也最後爲杜轄巖巖
口叢篁如垣僅啓一竇以其可截來轄杜妄轄也故
名杜轄或曰昔有杜氏葛氏其隱於此故亦名杜葛

巖有上下洞皆依崖架丁鑿石環徑宛轉亞彼蝸廬
崎嶇朋其鳥宿曲房矮室便覺少許都佳耳下洞列
峰當面日隱半規上洞則眼底乍開透矚原野長橋
浮碧遠岫飄青下奧上曠可稱雙美對杜轄者爲火
焰峰玉柱附庸其左繼火焰者爲丹霞嶂是皆爭態
負高與雲霞亂綵者也復步數百武至石門由此而
出可達官道爲山之側戶焉兩片巨石上合中分下
可坐十餘人日欲漏而樹障之澗欲塞而泉通之石
欲缺而藤補之峰欲墜而雲支之岫寢禽言咸呈佳
韻須臾聞有聲自風中來衆曰水簾至矣懸崖數千

尋瀨其首而凹其腰亭臺挂之顧影在池水自崖上

尋頰其首而凹其腰亭臺挂之顧影在池水自崖上
來噴出數十丈許半垂簷牙橫洒檻外不依於壁而
依於風所以分合無常聲光俱細仰視其緒若神人
噴烟而出予初謂水之懸於空中倘雨脚繽紛則處
處皆簾不可復辨輒幸其霽已而雲陰四合雨亦暴
至淋漓池面而澄練孤騫脉理自別倏東倏西惟風
所使令人喜轉令人憐故又幸其雨徘徊久之入謁
廣仙蛻仙隆慶間入宮爲頭陀得異人術坐解於此
復踰磴而上至望仙臺日暮矣還宿閣中水聲淙淙
冷人夢寐東方未明時從窻隙窺烟與水滙水化爲

烟霏微特甚輕颺徐來水復爲簾爲鮫人所織予謂
觀瀑布者如飽膏梁觀水簾者如噉江瑶柱其韻最
勝非躁人所易領會也初十日出水簾從峰隙行人
家聚處爲小村落咸傍竹編籬面瀑闢扉見客至煮
茗出迎問天遊觀道言岐已二里許繼問三仰峰道
曰卽前蒼蔚處便是峰麓也客聞之咸跂欲飛三仰
爲山最高處予頗畏其險欲暫舍之以是日往天游
候別期來登然峰隙多岐遂誤而至以失得之自是
夙緣羊腸黏天入于無際值興正豪遂破翠微而上
是日暑甚然遇巨石臨茂林必憇稍平則輿故無甚

苦凡行六七里忽不覺炎蒸去體則已晴其巔祇堪

是日暑甚然遇巨石臨茂林必憩稍平則輿故無甚
苦凡行六七里忽不覺炎蒸去體則已陟其巔抵棋
盤石矣石方廣五丈餘樹周之密葉成幄客於日而
羸於風乃悟暑氣之避其鋒者樹爲之也再轉得碧
霄洞洞有兩層閣帖其外黃冠遠去丹井猶存雲跌
處漏大王峰大可如拳若游鯨破浪而矯首其外也
若翠屏綺帳而露一姬子內也倘溪中視此不知又
作何態矣山饒桃時結子初熟樹紅其半有一株倒
垂絕壁爲白瓊瑄手植不受憐于寸土亦殊物也客
或踞石而坐或枕石而眠久之不忍下下則取他道
以降迴視向途險埒而仄倍之巖層岫衍誤入山深

遂忘故道至此不但人聲絕卽蟬聲亦少惟澗水潺
潺呼人不住耳頃之有樵夫一人兩人凌峰采藥手
曳長鑿叩之不答因隨之出出峰下憇山當菴作午
供更走平地幾里則身已在天游觀頂矣觀在九曲
雅擅崔嵬自五曲登者非側行五六里不可而予從
三仰來則此反出其踵不知爲懸崖杪也觀以外架
空爲亭環亭以檻循檻以竹窮竹以澗澗曰胡麻瀑
布之上流也亭以外三十六峰拱揖以前行列有序
離合在溪峰皆崛起作人立而每互相呼應如人連
袂行清流貫其胸復如束帶也蓋山如青蓮此爲之

秀故所望獨洽遊人行跼萼間近一至此少俯眺則
見魁偉自豪者咸爲耳目近玩驅之入畫圖中呼之
登几案上遂有武夷盆景之說不知千葉芙蓉瓣瓣
殊狀則一瓣之中亦復包裹不測安得引首市傍便
詫盡壺中天地乎是夜日月之所亘悉化爲水水復
爲烟灘聲往往破烟以出峰峰撐月月爲久住旋厄
于雲其光甚微夜方靜聞溪中有漁舟來扣舷而歌
聲殊清越使人蹤跡之已乘流去矣月落始就寢初
家君子爲予談此中曉雲之勝予聞而奇之五鼓卽
起乃見岫色雲容一一成故與所聞者異詢之道人

日今朝空中有片雲飛度嵐氣上升若天無纖塵則
氣釀峰下不得舒便成綺望耳予心銜之時十一日
也曉供畢見前山童子躡接笋梯半甚樂予欣然欲
往遂急下山出石門緣仙掌峰行別徑林間每舍仙
韻嫩雲石隙時襲人衣峰甫窮則灘聲出雲窩在焉
窩翼天游而負接笋近爲陳司馬幼溪所營雲根半
垂錯以亭榭高者頰空低者嚙水輕嵐寫影積翠浮
香分奇剖勝片地不遺踞遲雲亭上見葉隙蘭鷓遡
流而上蓋來自宮中候予窮九曲之勝者予未遑鼓
柂則取道接笋峰兩崖闢處架木爲梯梯三接皆可

五十級倒挿入雲恒有落勢大抵如千尺鐘以手代

五十級倒挿入雲恒有落勢大抵如千尺幢以手代足摩空以登足爲目所祟魂搖搖飛去也梯盡徑遶巖腹鑿入三寸許吐出若唇長可三丈餘鐵縑綴於腹中若決吻而見其齒也名鷄胸巖大抵如老君犁溝屬垣而過受趾才半稍外視則不測之淵矣巖盡得門有樓可憇入門則一線高懸者爲磴廣尺餘長百之旁俱無際若怒龍垂空而蛻其骨也名曰龍脊大抵如蒼龍嶺自顧此身寄於露鍔從遠望之當如置米峰頭耳蓋此峰爲華山影子或謂奇險勝之奇與險各不相下而遊人之興復歷其上隔山猿嘯似

爲客疑者而客不屑也嶺盡則目境清曠別一天地
中有玄元道院空亭枕霧瘦竹冠風瀑噴雪以爭波
石逗雲而成綵茶烟初熟薄分沆瀣之餐松籟時聞
用奏琅璈之曲鶴翎未掃鹿夢都拚是宜居遊其中
不復戀有人間世矣作午供乃下下則登舟自六曲
始九曲之水深淺皆清漏石分沙鏡無隱鱗或噴白
爲瀨或蓄碧成潭都成奇絕循仙掌峰垂盡地爲七
曲而溪邊則小桃源林盡水源便得一山山有小口
從口入初極狹才通人復行數十步豁然開朗土地
平曠屋舍儼然有良田美池桑竹之屬一一如元亮

平曠屋舍儼然有良田美池桑竹之屬一一如元亮
記中語夫武夷人間也然至此則疑其仙矣疑其仙
矣而桑麻村落又宛然人間也按志舊爲石堂寺宋
天聖中爲風雨所陷今之洞門橋梁皆陷石爲之故
亦稱陷石堂余謂浮屠氏何能與劫灰哉蓋移其居
以讓秦人爲武陵之別館耳予前日之遊曾造其裏
此中人欲留竟辭去比再問津遂迷故道始信仙源
原以不可再至爲奇悵然久之舟已至八曲捨棹則
登鼓子峯道也峭壁旋複轉陟轉深徑屢斷斷處輒
有雜樹橫之忽從樹隙見有柴扉隱隱斜倚巖間者
則驚喜以爲且至矣至而睹巖額然後知爲活水洞

也洞崇宏類數間屋外作圓牖水色巖光俯視如鑑
自麓至此計越數峰一望峰巔猶然雲杪也巔有石
如鼓子故以名峰轉以峰名字其道院崖勢微頽而
嵌以平臺石縫稍窪則掬爲小洞臺盡磴轉復得一
樓踞樓可專數折之溪返照欲沉則清風來月隨之
上雲隨之去若有約者寒吹蕭蕭心魂爲冷客起披
衣頓忘其爲盛夏也指百花莊燈火與熠燿爭輝夜
坐臺上酌村醪飲之惟恐漏盡迨漏垂盡則雲起峰
下氤氳亂湧遍大地作琉璃海群峰滅沒而浮其鬢
纖者爲螺長者如魚巨者如舟與雲共爲飄蕩日在

峰上 映雲作金光色 因悟向不能得於天遊者今乃

峰上映雲作金光色因悟向不能得於天遊者今乃兼得之鼓子爲之大快倚檻至雲散方別走五里抵三教峯三峯鼎峙樓踞其脇秀嶂分霄古幹耀日復五里之白雲巖巖口石扇相距磴穿罅中出崖絕而得石門乃有半畝之宮千頃之雲樹列數行洞虛片席下瞰星村田園如掌翻成麗矚巖下丘公洞近廬一僧閉關三年矣叩之無所得更折數百武爲靈峰觀觀已就荒僅存香火蓋九曲盡處過此則星村矣山勢乍伏忽獲夷曠目恬心霽不知身自幽險中來也頃之船至遂從此放舟溪愈淺灘愈急駭綠奔藍

迅於飛鳥輕舠委浪宛若魚遊峰巒爭變於俄頃恍
蜃氣之乍有無也三仰峰出沒天半點點若浮竟莫
辨所坐之棋盤石碧霄洞黏於何所予向所謂僅存
鬢髻者此類是也桂棹屢停蠟展間設凡七曲之百
花莊六曲之上下城高巖靡不躡其層梯凌其絕巘
大率高樓榭以借妍於山環竹樹以吸清於水雖乏
奇特其致足懷耳復問舟童子指一峰如錦步障其
勢如削其色如染者仙掌峰也仙掌之上孤亭冠之
欲墜猶懸將飛却駐者天游觀也梯被於崖門被於
梯竹被於門若斷若續者接笋峯也俯溪色如白地

明光間繡以亭臺花鳥之形者雲窩倒影也予向所

明光間繡以亭臺花鳥之形者雲窩倒影也予向所謂畢獻鬚眉者此類是也接笋之與天游逋王逋客如兩人對坐而側其身引手可接天游爲仙掌之椒接笋實隱屏之首然不謂隱屏者以別紫陽精舍也精舍處屏趾而此復繞其背似鑿臂以登者接笋不過臂側小峰名耳今以名全峰是以子而蒙其母也然梯勢孤挺巖路屢折則直謂之接笋亦無不可予向所謂一石兩三名者此類是也必至五曲然後大隱屏始正精舍在焉平林烟雨尚疑有棹歌遺韻經四曲而大藏小藏二峰數面成態小藏其陽大藏其

陰實片石耳予向所謂一巖向背見者此類是也大
藏之下潭曰臥龍水忽盈盈淵然冲照壁覆其上日
與雨所不能周故長含霜雪之氣壁上有金鷄洞雞
已入雲中所遺之巢半垂洞外橫木亂草至今不毀
亦猶小藏壁中之架壑船也架壑船高倚半空風雨
自如當是爾時溪流浩蕩與峰等船閣石隙及蓬萊
清淺頓爾相失或云昔有仙人乘舟渡月而來將至
地爲女子所睹仙人化白鶴去船留于此或云藏仙
蛻者皆不可考到此已是三曲捨舟可達虎嘯諸巖
然不忍遂捨更衣臺乃返棹至四曲登焉依壁剗坎

十步九折遊人懸度以上坎盡懸行亭中復登而第

十步九折遊人懸度以上坎盡憇行亭中復磴而梯
梯而又磴上則豐衍如平陸構菴數椽最後一亭拱
接笋天遊諸峰俱屬雁行始知其爲山巔臺傍天柱
峰孤簪亭亭若單楹之插霄漢按子騫將登天柱上
昇時于此更衣故臺沿今名是晚宿之予以跋涉倦
甚藉草向樹根眠見衣裳間霏霏如繪乃月影也因
復起坐時爲十二日十三日下山緣溪輿行過御茶
園山處處饒茶而此反藝禾黍綠雲徧野不復問呼
來泉者久矣凡數里抵虎嘯巖巖高與天游等門徑
類白雲梯類接笋洞類活水眼界類更衣雖兼撮諸

勝然各互有短長巖背之麓僧舍承之亦殊整飭頽
壁爭霞赫似絳天俗稱其地爲虎窟此處離溪已遠
乃背立面山外然遊一線天復從此入一線天者三
洞齊列若比鄰首一洞曰靈巖深廣數丈中祀葛法
師像按洞舊爲巨蟒據師除之卽地建菴菴近已廢
覺露真致至中洞則寒風齊出徹人毛骨曰風洞入
其中雙崖劃然欲交而分者寸許修百餘丈長霄爲
虧僅漏一線者卽一線天也從洞之隙復穿一洞見
亦如之然所漏愈纖風之所由入也以爲先天一畫
故又有伏羲洞之稱矣對面翠屏若帳明霞亦自可

觀憶予前以冒雨來遊上溜下淤無着足地今逢登

觀憶予前以冒雨來遊上溜下淤無着足地今逢澄
霽日影墜地作長虹翻增其勝但乏高人剪拂棄爲
樵蘇有落葉污泥布滿洞內因呼僕夫掃除之使人
知郭有道宿處也旣出循故道至二曲登舟溪中獨
立若有所思者玉女峰也神寒色冶骨峭韻妍倩魚
鳥作相知對烟霞而自笑顧盼之間殊難爲情下灘
則鐵板大王幔亭獅子諸峰雁次來迎與客相勞苦
遂入宮是晚坐月下殿最諸勝予謂山中之山莫迥
於天遊溪山縈於眼底俯徧大千莫高於三仰雲霞
出於履端去天五尺莫險於接笋梯天有路猿鳥失

其攀躋莫深於小桃源避世無人鷄犬寫其寥廓山中之石莫麗於大王正笏自雄凌霄直上莫媚于玉女靚粧顧影得月尤佳莫巨於仙掌列嶂孤橫連雲無極山中之洞莫巧於一線天列長空於一寸兩片微分山中之蹟莫幻於架壑船閣短棹於萬尋千年如故山中之水莫奇於水簾流蘇倒挂羌縹緲以隨風莫幽於臥龍神物爰居乍寒淒而疑晚是皆仙人之窟宅勝遊之名區分之可作數十處名山縮之只如一幅圖畫離奇詭譎非思議之所能及也十四日登殿中頂禮諸真黃冠出嘉熙玉簡觀之簡長尺餘

雖已半焚而寶色燿然已復徧閱道藏藏賜於萬曆
間金籤玉函亦尚無恙搜其中有人間未見書因爲
借錄數種午飯已闕山志知窮觀殆徧所遺者獨換
骨巖耳遂策杖孤往重出宮左抵幔亭麓傍有碧雲
菴菴後梯盡處峰復出千丈餘臺其下如人家架木
門楣上以承燕巢者更折得數小洞層累盤曲甚有
思理復如蜂蟻房也菴左數轉則懸崖如削刮入數
寸爲磴接磴者梯梯已朽梯絕則崖如故然鑿磴已
湮僅石孔如蛭大可容胷合梯磴可三百級騎嶺抽
身劣得寸進毛豎股慄不復顧手足之爲誰有矣崖

窮石裂木橋跨之橋朽過於梯旣度橋則巖室內敞
可坐百許人石榻綿架旣具堂皇苔草續紛疑施藻
繪予每踞一處輒飄飄欲仙又烏問夫骨之換與否
也若區中想則蛻之素矣巖在山爲最佳而路爲最
險遊人所最罕至故予決策一登以終遊局次早登
舟順灘而下回視大王峰漸沒遂出山界蓋望日也
向予之未徧歷也則無夜不夢乃今所歷又彷彿然
夢也旣別去則夢又在也寄語桃花謹護洞口不出
數年當以青蓑綠笠來作溪畔漁郎寒衣嵐光饑噉
山色雖不得仙亦足以豪矣武夷君其許我否江瓘

嘉靖庚申孟夏余至崇安令尹王君命一掾裹糧隨
行乃出城半里許入建溪登舟時新漲方落溪水靚
深清瀨急湍柳堤篠岸村墟歷歷遠近映帶三十里
而止乃九曲溪西出與大溪合處也有道士三四來
迎曰自此至萬年宮可一里當呼小舟入曲也緩步
溪徑松翠侵衣將入宮古木蒼然徑道紆衍榜曰天
下名山第一稍北爲望仙橋橋北爲冲佑萬年宮有
漢祀賓雲二亭拜章臺諸殿閣碑碣森立詩刻盈壁
日停午飯罷出宮沿岸百餘步入溪由一曲顧水光
石望幔亭兜鍪蒼翠如畫下有九峰書院頽敝蒿藿

蒙茸弗及造乃沿二曲鐵板巉峭玉女羞肩虎嘯凌
霄諸峰粧鏡之臺小藏之巖翰墨之石皆列溪左右
四顧氤氳丹光浮動溪右巨石突立中豁若斧劈然
有宋題刻布滿石上蘚蝕不可讀下有小九曲榜人
急進艇還遶一回余興灑然一觴一詠而從者莫知
也復溯流而轉仰瞻懸崖萬仞枯查縱橫插石罅間
度一小舟歲久不朽朱子謂疑上世道阻未通川壅
未決時夷落所居而漢祀者卽其君長蓋亦辟世之
士豈爲衆所臣服歿而傳以爲仙也理或然歟四曲
峭壁訝開木板亂插如機杼曰仙機巖溪左一石飛

聳欲墮入溪中日釣魚臺右峻壁十絕上有攸竇

聳欲墮入溪中曰釣魚臺右峻壁斗絕上有數竇皆
橫插木板望之如棧中列陶器如筥如笥如爐如鼎
又有仙蛻數函高下重叠歷歷可數有傘蓋旗旒豎
其側蓋土人祈禱酬賽之具人迹莫能達何由致之
皆異觀也半壁外隘中宏木篠縱橫如鷄棲狀相傳
常有仙鷄鳴曰金鷄洞乘流而亂灘瀨縈迴夕陽湧
金蒼崖浮壁至五曲掾曰此峪有伏羲洞顧蛇徑鳥
道嶮甚人跡罕至榛棘翳薈莫能往也因陟沙岸穿
松篁可百步許入紫陽精舍謁晦翁遺像仰瞻大隱
屏接笋峰峭立雲表披榛覓徑乘小堦羊腸透迤碕

險處輒下步半里許達峰麓掾曰上有二道人居之
壁巖巖立有巨木修梯倚崖壁遂乘輿躡之梯凡三
接始及徑四布蹠蹠據頓地少休緣徑折數步入小
木門石壁峻峭徑忽斷有鐵鎖橫綴崖腹亘七丈所
鑿仄徑以託足從者二人先予躍然握鎖寸進之心
甚戒弗敢俯視鎖窮箕踞盤石猶膽掉神慄不自禁
復杖策躡磴屈曲盤折百餘級始及道人所棲曰玉
華巖巖深可丈餘高廣倍之白雲蒼霧生滅無時泉
飛風樹聲協絲竹道人揮麈而出睂宇疎秀神采煥
然號曰龐陽子坐有間日峯之巔有道友盍訪諸復

策杖攀躋里許達之夷處帶土種蔬葵瓜蔓菴宇三
楹四壁蕭然夔異人世道人出揖延入坐不出一語
從者出蔬食道人亦同茹冥坐移時天風寥寥禽鳥
絕聞昔人謂山深無鳥聲信哉復拄杖下至玉華巖
道人出黃精乾餈分啖之接竹引泉淪茗殊佳抵掌
荒落蜉蝣蟬蛻與予言導引事甚悉予頷之向夕假
榻窩中篝燈趺坐道人曰予棲此歷三閏矣然未嘗
宿客也予笑曰此瓘前生榻直借君耳道人曰浮生
逆旅光陰過客何物非借何寓非虛今吾喪我矣君
尚識故吾耶對坐兀兀達旦下山道人並攀鐵鎖及

梯而別余面梯而下至麓仰瞻道人如在霄漢臨風
嘆息而已循故道出掾曰從茲數里可至天遊乃肩
輿入峪蒼松夾徑雲陰藉襟微雨如絲幽禽逐蓋頃
復開霽乍步乍輿踰岡躋峴乃歷平夷清流一礫松
竹成列若聞鷄犬聲忽蒼髯老人撚香出迎遂登天
遊觀一覽亭前有嘯臺空曠高爽隱屏立其前仙掌
翼其右千巖萬壑俱入指顧高下起伏若翠濤澎湃
出沒烟嵐縈青繚白頃刻異狀令人氣舒神發條然
有馮虛馭風之興頃雨復作退觀殿宇幽邃山水人
物詩畫滿壁皆麗陽子所爲者假寐丹房覺夢俱忘

已復開朗松風颺然沿故術而降抵岸入舟回矚隱
屏仙掌仙遊迥在雲際矣六曲三山聳翠若舉首企
仰然曰三仰峰中有洞曰碧霄相傳玉蟾丹竈猶存
七曲丹井棋石皆遙指遐想無側足之徑不可得而
窮焉尋轉八曲巨崖陡絕兩峯屹立上有石如鼓曰
鼓子峰峰南絕壁有吳公洞外隘中敞藏仙蛻數函
亦無徑可達也榜人曰遊人多至此而返蓋此外鮮
勝耳予曰登山當陟其巔觀水必窮其源何惜此數
篙之力哉復振柁疾棹而進山勢開豁水面平廣不
類前曲之奇崛而三教齊雲諸峰高矗雲際毛竹洞

白花丘公諸巖樵人時聞仙樂之音亦非凡界也已
而顏陽在山落霞射水迴橈洗爵掇藻拏蘅和晦翁
棹歌十章溪光樹色窈窕微茫復入萬年宮大雨如
注託宿張羽士丹室拂曙起登大王峰過止止菴謁
白玉蟾輿行半里崎嶇榛塞草長過人跼蹐披拂而
往經仙鶴巖霜翎朱頂宛然如繪有飄泉若飛絮縹
緲游空而下予題其巖曰萬峰晴雪又里許豁然徑
斷有巨木梯倚懸崖斷峽間張顧予曰此第一洞天
也張先予躡之梯窮處其旁爲張仙巖巖深可二丈
張仙坐化遺體在焉跣趺而右顧予舉觴揖而酬之

班荆環坐小飲移時仰梯巖傲維封到懸斗奇婁因

張仙坐化遺體在焉跣跣而右顧予舉觴揖而酌之
班荆環坐小飲移時仰睇巖嶽雜樹倒懸斜倚棲烟
霏雲俛矚溪谷則平楚阡陌不可辨倚巖木梯復數
十仞張曰登此可至絕頂昇真觀矣飛泉灑灑下與
酣欲登掾曰積溜梯滑無冒險也予乃露頂短褐芒
屨與延安相趾攀援閉聽一視不避霑濕峭壁萬年
松蒼繡可愛呼從者越險而擷之步稍歇前趾已遠
望之如乘雲空中梯窮處兩木橫閣崖罅上布數板
延安立板上乃援之而升有石門頗隘側其身入忽
見兩崖開敞夷曠嘉樹美箭葱蒨芬芳予曰此小蓬
萊也緣磴復升迤邐漸高有石池長可七尺廣深半

之瑩徹可鑑毛髮稱天鑑焉復躋數十步平坦可半
畝新構數楹窻櫺未完所謂昇真觀也蓋廢而復興
張言羽流居者曾盛於昔今觀宇雖創而鮮人迹荒
涼無養故耳折北絕巘爲禮斗臺上哆下縮萬山羅
立如丘垤飛鳥皆視其背烟蕪雲樹濺濺隱見建水
東迤蜿蜒如帶浩歌楚詞聲應崖谷飄飄乎若與子
騫張湛等接於物外嗟亦奇哉延安曰南峰之巔更
有洞厥口窄小而深不可測垂綆百餘丈方及水以
小石投之其響之激越良久乃已宋乾興熙寧間遣
使降香投金龍玉簡於中曰投龍洞時新雨後石壁

溜淙淙下莫能攀也少憩忽陰風勁甚不可留泥

使降香投金龍玉簡於中曰投龍洞時霖雨後石壁
溜淙淙下莫能攀也少憩忽陰風勁甚不可留促步
而下不踰時及釐飯萬年宮乃還崇安王令君復來
曰茲行冒險窮奧亦云奇矣仍遺水簾之景未探也
此溪雪景殊佳立冬能重來乎明發出城二宿抵鉛
山從者曰日晡矣聞有普陀巖遠此二里許耳遂乘
輿往平地突起巒嶂髣髴飛來峰中有一罅明透日
影流光傍有泉滴瀝島中可安几席乃坐飲數觥倏
渾雲釀雨明處寢暗雨霏霏洒席張蓋而飲因思武
夷之勝半生夢寐顛毛種種始獲一償乃徵仙靈窟
宅洞天福地亦係乎緣分之至與不至非偶然也郝

詵謂山行洗盡五年塵土腸胃予於此行亦云徐燭
道經稱天下洞天三十有六吾閩居其二第一爲霍
童山霍林洞天第十六爲武夷山昇真玄化洞天皆
神仙窟宅霍童僻處長溪遊屐罕至武夷在崇安之
南一葦可航也歲乙未仲弟興公有吳門之役余遂
附舟往遊先期報陳惟秦陳振狂與俱以八月十三
日發白龍江十六日次困溪振狂以病留賦詩而別
二十一日次延津二十四日次建安訪友人陳季迪
會莆山人吳元翰自楚歸客季迪齋中先數日元翰
偕林太史咨伯泛舟至武夷五曲而返遊興未盡至

是予挾之俱往元翰欣然登舟二十八日次建陽九月朔日未及武夷數里從舟中望大王獅子諸峰巋然天表客皆踴躍稱快旣而舟至溪澗遂舍舟登陸行松陰中蒼翠欲滴越里許始達萬年宮中祀十三仙前爲漢祀亭予與諸客拜其下與公談雲窩之勝津津卽欲去以將夕不果遂至幔亭峰麓一水精廬室不甚宏敞而幽寂可居乃吾鄉陳憲伯先生所創延山人項一閒者居之山人謂棋盤石去此不遠命山童爲向導行榛莽中以衣蒙面而往石在幔亭峰左方廣數十丈上侈下銳其平如砥按志棋盤石在

三層峰下此石疑卽漢祀壇武帝遣使禱祀於此者
蓋山人誤稱云是夜宿方丈中次日羽流具酒脯艤
舟以待由一曲而進過虎鼻水光二石兜鍪峰壁立
雲際二曲玉女一峯娟娟秀媚而粧鏡臺倚於其側
入三曲過小藏峰四曲過大藏峰虹橋板亂插石罅
架壑船仙蛻巖俱歷歷可辨鐵板嶂翰墨石試劍石
釣魚臺昇日巖車錢巖勒馬巖丹崖前擁翠壁後隨
左顧右盼應接不暇至三杯石命取酒各引滿三酌
而去過金鷄洞洞下爲臥龍潭潭水澄泓清碧如染
九曲溪最深黦處也天柱峰更衣臺屹立溪澣舟次

五曲舍舟至紫陽書院謁文公遺像讀陳伯孺謝在
杭興公弟壁間詩鄭繼之先生詩題小閣中筆力道
勁可愛出院取路入雲窩石磴盤旋蒙茸蒨蔚過伏
羲洞洞爲荆榛所塞狐兔穴其中幽不可入經數折
而入雲窩舊爲宋陳丹樞修煉之所近吳航陳司馬
公結廬棲隱其中委房曲榭畫栱朱闌種種臻妙而
石門石洞茶竈丹爐宛然具在鐵笛亭俯瞰清溪研
易臺深匿巖隙此又雲窩中最奇境也窩在大隱屏
之下接笋之左城高巖當其前朝昏雲氣頃刻變幻
遂成山中奧區云堂之右折徑達隱屏之麓石磴玲

瓏松蘿掩映駭目賞心一步一隕矣數百武而至屏
下有靜室數椽道流居之其下有門達茶洞洞卽接
笋天游諸峰之合而隙者中廣五六丈削壁週遭若
城垣然又一奇境也○旣至茶洞接笋峰在睂睫間
而三梯相續高可十餘丈時日已高春予謂當乘輿
往客皆衣短後衣賈勇而上梯盡左折鑿石爲徑僅
容半趾以鐵絙縻崖腹握絙附崖而行數武徑絕接
以二木梁梁廣與徑等而徑實梁虛履之尤惴惴過
此稍夷始伏地少息起登龍脊龍脊者兩峰夾澗當
中有石隆起廣不盈尺長十餘丈蜿蜒而上鑿其脊

爲級行者不敢左右視越里許達懷仙館道人劉隱
虛廖東陽吳中虛出肅客館後爲仙奕亭亭外有精
舍數楹隱虛修習之所也興公談南溟靖險不可度
予與惟秦跣而往巖壁懸絕從巖半劖磴道歷數百
武始至手無所攀捫壁而行險視龍脊爲甚洞中祀
汪麗陽劉端陽像而劉蛻瘞其後是夕歸宿小樓猿
鳥無聲曼絕人世初三日別諸黃冠同劉隱虛下龍
脊謁汪麗陽遺蛻汪貴溪人嘉靖間緣藤而上築室
以居蓋修煉而有得者其詩亦多奇警可傳旣抵峰
麓遂取路尋小桃源皆繞溪緣壁而度入谷中亂石

橫截谷口有石相倚爲門不得方軌澗水潺湲其下
過石門忽然開朗桑麻滿野鷄犬相聞儼然一村
也其中廣袤可二十餘畝高峰四周流泉繞舍松杉
檜栢之屬交蔭盤鬱真所謂別有天地非人間者何
必武陵源始堪避世也負山爲陷石堂相傳山多巨
石宋天聖間一夕培於雷故石多縱橫自成經緯卽
所經石門是也予與諸子相期結廬於此以託業怡
生不覺爲之躊躇爲之屢眷矣是夜歸宿雲窩而友
人江仲魚自崇安來會○次日予以事之崇安同遊
諸子已先登天游獨隱虛道人宿雲窩遲予予薄暮

始至晨起微雨不絕與隱虛肩雨而登肅穆叢於各

始至晨起微雨不絕與隱虛冒雨而登繡薄叢於路
側竹栢蔭於層石經五里始至觀觀處九曲之中溪
水迴環三十六峰皆可指數接笋龍脊對峙其前磴
路屈曲梯級懸絕白雲亂飛丹楓如染視身在峰上
更爲殊觀旣出天游元翰以病臥雲窩予與諸子取
道入鼓子峰行數里過桃花澗山人呂棲谷荷鋤田
間呂故善仲魚遂邀至其廬土屋茅簷居然碩人之
致以薄蹠索詩遂各題詩爲贈鼓子峰之前有三石
相並霞舉雲橫森秀入望所謂三教峰也將至院石
壁幽篁袤亘半里精舍皆構峯隙中路窮則以木棧

相接而度有石如鼓履之逢逢有聲故名由西而折
有梯二十餘級登梯入吳公洞洞乃吳公蛻處惟秦
由石壁側足而入予與諸人不能從是夕宿院中道
人二十餘衆焚香誦經予輩亦隨衆叅禮夜分始罷
初七日作詩贈安道人取支徑入玄都觀觀荒蕪院
門不扃丹爐久闕爲之憮然過三教峰貓兒石毛竹
洞丘公洞仍返雲窩爲元翰談鼓子之勝○諸客復
謀爲水簾洞之遊仍尋天遊舊路至半嶺轉山谷而
行數里至山當菴羽流數人居之菴在三仰峰之後
過此皆行山峽中景似小桃源而幽邃過之雜樹交

蔭稀見曦影澗水淙淙有聲予

過此皆行山峽中景似小桃源而幽邃過之氣相不
蔭稀見曦影澗水淙淙有聲予名之曰流香澗澗蜿蜒
數里兩巖削壁高數十丈劃然中開僅同一線澗
流其下而清風颺颺山壑俱響予名之曰清涼峽此
地林障秀阻人跡罕及考之志乘未屬品題爲之低
徊者良久又數里過火焰峰峰悉赭壁若紅雲繡天
自此皆行松陰中過還元菴道者出朱柿餉客地產
仙茅服之能益壽予解杖頭易數百根以寄薛煉師
蓋別時所託也仰視水簾不遠行半里從石竇中出
將至洞谷聲與人聲相應山下有梯亭之上有池卽
水簾所匯也洞壁高數十丈穹窿如屋延袤里許石

武至昇仙臺觀廣仙遺蛻首微左顧齒髮猶在趺坐
瀉其前時久不雨飛沫稍微左折緣石壁側行數百
皆赤色登石磴數百級爲三教堂右折爲道院水簾
龕中蓋嘉靖間坐化者會道士李瓊谷乃南陽人儀
貌甚偉談內養之術亦有可聽初八日由水簾洞出
赤石街無舟衆皆解衣以涉復至萬年宮仲魚辭歸
崇安隱虛辭歸接笋予與惟秦入止止菴拜白真人
像取道登大王峰自麓至峰三里榛蕪蔽翳數轉而
至梯下梯三十二級歲久朽腐惟秦先登予尾其後
由右折數十武拜張仙蛻旣而興公亦追至予以梯

朽不令其登遂同抵山麓過會真觀登樓謁徐仙蛻
齒舌尚存初七日與公別諸客度崇安予與元翰惟
秦亦買舟歸遊凡閱月在武夷山中者十日得詩若
干首鄭恭武夷山予嘗披圖按記不特夢常往焉乃
至精神思慮簡棄一切恍若與遇者二十有三年於
時慎菴叔司鐸於崇二年矣辛未夏始偕仲雅往至延
津猶見阻仲先遲閱月予乃至思慕既以後遊難期
於是無峰不登無梯不躡無水不泳無谷不探窮搜
遠詣攀緣徂棧上極不測之高下至幽窅緻密靡所
不至其峰則攢者凌者突者遙者特立獨出者四面

如削者離而合者聯而斷者齧齶劍戟者嚴重者奇
詭者其峰之色則若紅雲秀天者碧玉列屏者青點
黛者燦聚綺者淺絳者黑者蒼者膩而白者斑而赤
者頰黑雜者丹而簇翠者其洞壑則欽巖屹巒者錯
繆盤紆者峴鬱綿邈者冥蒙珍怪者林藿隱深者其
水則澄渟冲照者素波白激奔蕩壯猛者輕湍濬下
分石飛流者淥潭平淵迴清倒影游魚若乘空者兩
岸高山前後若塞舟轉棹迴又若無際者其屋宇則
鑿石開山因巖結構者地勢夷適朱閣綺疏凌雲晃
日者數椽倚峰末而懸居者傍頰丁而成棲聯屬不

假片瓦者簷隙遙出於林端者闔壑空翠映人

假片瓦者簷隙遙出於林端者閒堂蔭映於泉隅者
步欄曲房俯徧賞究乏圖狀逆坂緣絙垂厓一髮側
徑鈎谿石芒峭發升高降深無處無之至於息喬木
之繁陰藉芳草之幽香覽雲霞之變幻遺塵世之溷
濁雖趣有各別則諸峯之所同也○大王峯魁偉奇
傑雄冠群峰遙望參參桀豎丹壁綺錯若攢圖托霄
上層巖頰峭壁岸立無階惟峰南峻嶒三出隙處可
梯梯凡五其數百五十級世士瞻梯目眩投足股栗
鮮有津逮者歷三梯入石門巖壁陰深林木緻密谿
呀豁開窈窕冲妙登梯至二頂方鑑池淤乃有二十

級小梯攀倒垂竹上絕頂禮斗壇圯久無人居薪蒸
篠蕩蒙雜擁蔽命從人以長刀剗之叢莽頽而萬象
出顧盼遐淵若飄浮上騰凌雲氣矣○幔亭峰高稍
亞大王臨溪半壁飛翠流丹至北斗巖平眺則清蒼
列幄而已○漢祀壇在幔亭之麓片石廣數十丈其
平如砥草樹葱蒨暗泉時於叢薄間弄響南望光明
空濶風日澄心○裏金井澗繞昇日峰脚行徑路瀟
灑虛絲相映菴在夷處竹籬荆戶蘭藻吐芳越小橋
如循永巷里許出天游峰後○兜鍪峰峻嶒直上趨
烟越雲山殫良徂地窮坎勢近有道士結廬其巔冲

雅登焉○虎嘯巖高峰聳拔疊嶂四周度石橋而北
交柯雲蔚霾天晦影嶺路紆折杳邃無際其上懸梯
若斷高甍凌虛俯眺平林烟嵐杳冥嘉遯之士繼響
巖壑焉○一線天名靈巖巨崖若壓橫亘百丈三洞
臚列中爲風洞逢逢然雖六月寒吹襲人躄處仰視
天光真僅一線○遊人自問津亭至五曲兩岍皆翠
壁丹崖隘束忽得長阜平岡蒼藤茂木隱屏矗其後
晚對峙其前昇日上升大藏仙掌蒼屏諸峰左右環
拱是文公書院也肅拜俛仰求所謂仁知堂止宿寮
觀善齋石門塢無一存者舍瑟人遐幽伴迴杳棹歌

遺韻時激發於清溪低徊不能去千載殆有同心耶
○自雲窩入茶洞黛環翠萃削者爲峰窪者爲壑瀉
者爲瀑呀者爲谷穴者爲洞亘者爲壟神工鬼斧搖
精悸魂沁心滌腑周賞徐思不履斯地虛有此生矣
○下雲窩綿谷跨溪皆奇石林立委邃攀竹披奧搜
奇剔詭究不能十之三四餘皆委於藜藿萑草間昔
之雲臺風觀纓帶阜盡消磨於嵐瘴亦廢隳於群
僉○仙掌峰卽天游右趾也壁立數百尺廣倍之青
蒼瑩潔如開錦步障中有滴水痕數處俗呼仙人掌
峰椒懸瀑直下翻銀倒雪素氣雲浮○武夷諸峰可

登者率皆援木尋葛歷險窮岨猿臂相引乃能造極
獨天遊可輿而上五里至胡麻澗仙掌瀑之源也緣
澗入門巖觀幽緻樹林鬱茂登一覽亭隱屏接笋玉
華三峰對面可蹴也巒阜周迴淥淵鏡淨虛明朗照
閒邃篤情斯亭有焉○大隱屏莊栗峭削山形四絕
半巖微凹可步乃編三梯凡八十一級梯盡緣鐵縵
行凸處徑容半躅螺旋蟬轉可三四十武謂之鷄胸
登者巡壑懲懼目悅失常過此接笋隱屏兩峰夾迥
中石磴嶙峋突起迂迴傾曲兩岸深十許仞窺不見
底於突處鑿磴數百級磴纔容趾微涓細水時流磴

上是爲龍脊騎磴抽身漸以就進委折而至玄元道
院松檜貞萋篁管積翠屋宇宏整圍圃周遭眺覽清
遠勢盡川陸群峰砮礮於睂宇九曲迴繚於几席天
遊一覽之名徒虛語耳○陷石堂爲小桃源門戶巨
石攢蹙累積傾澗漭蕩其下勢若雷轟谿側僅若一
門欹歛而入四面高巒截鳶層峰蔽日桑麻廬井宛
然村落昔好事者種桃漫山彌谷春風驟起紛紅綺
綠益助勝遊予時自天遊峽來俛入綠縹步徑纔通
小竹細笋蒙籠拔密雖步無寧履而開興引人皆悅
以爲安○更衣臺石磴盤紆八百餘級小梯登臺爰

以爲安。○更衣臺石磴盤紆八百餘級。小松不盈
有青松蔚巖翠篠映峰其居廣閒其境靜清勢本不
甚高而幽雅修列眺奇簇秀是斯臺之勝也臺與天
柱峰連而微斷泉瀉於兩峰間峰逼如巷泉歷落以
下○下城高石岍泉清山夷林茂憑墉藉阻幽棲枕
流觸目怡情取暢妙遠○鼓子峰一名並蓮遠望之
頽壁開天卿雲矗漢及卽之輝赫晃蕩又如蜃樓海
市輪囷光怪不可方物青松成列叢篁不蒼羽流駕
屋朱碧如絳房水渦人世壯觀聽睹得未曾有○三
教峰三峰離立有洞十五六各異形殊態峰各高二
十許仞樹木甚蓊鬱遠望故童也登三層閣諸峰來

五更山記 卷一 三
朝綺綰繡錯紺碧紫綠莫得遯隱獨大王莊肅天漢
兒畜此峰三仰則倚其後耳至若九曲之平沙漫流
灘瀨廻薄與夫平岡小阜濃陰藁落隱見錯出較登
大王隱屏二峰又各有疎密短長也將夕忽雨月升
而霽顥氣廻合倏忽萬變一峰皆幻爲數形不覺爲
之屢眷○謝洞一名活水一名涵翠山人謝智所闢
也峻嶺千盤山岫層深側道偏狹青樹翠蔓石室三
層戶牖扉扇恍若天成下瞰飛鳥夕陽在背○碧霄
洞在三仰峰之巔是武夷最高處由三隱臺登猶五
里許嶺上俯瞰崇安縣治如掌大武夷一百二十里

外諸山奇形異勢莫識其名皆世共送目將及同登

外諸山奇形異勢莫識其名皆供送目將及洞磴斷
續以棧危仄穹窿廻接雲路有泉作碧琉璃色洞二
層狀若芙蓉閨寂淒神沈寥寒骨○旣登碧霄洞返
宿三隱堂曉鐘發響仲雅促起觀雲急披衣啟門茫
茫大地化爲顛顛積氣疇昔億青萬碧同歸烏有峰
高者髻出雲上或如虛舟泛巨浸中餘若浮鷗點點
自爲上下遊戲也久之東方高春雲脚微動遂若潮
廻漲落崩奔傾盪久而後已與仲雅相視而入不能
出一語也○白雲巖自丘公洞而上始入佳境巖半
有石大可憩滌暑却收左折兩崖合而成衙僅可通

路曉曠勢多懸絕所歷三姑北斗象鼻杜韓天心馬
頭玉柱火焰諸峰巖皆援蘿騰岑尋葛降深而後得
至隔半里便聞水聲珊珊巖微頰高數十仞淺絳色
簾水自峯頂直下始下如散氛吹霧然因風搖曳遠
洒成珠○流香澗石壁深高林嶂秀阻崩嶽傾岫通
隱鈎深中僅羊腸蟠道數十折卽停午夜分亦不見
日月水行峽中隨峽作轉淺碧沙紋皆成異色出澗
爲清涼峽凌高降深危谿絕徑一步一竅皆有條理
○出清涼峽至一處懸泉飛白巖嶂阻深列石如高
門畫扇下如二猊對蹲又二石如小塔左右峙澗匯
爲池鬱陰四合泉側竹梯豎焉似可登歷日薄崦嵫

弗及迹未知的是何處。若夫鐵板嶂之剝削玉女
峰之姝麗凌霄峰之巖窠小藏峰之峻拔攬石峰之
聳結宴仙巖之蒼鬱玉華巖之瑩邃上城高之盤峙
天壺峰之黝潤鼓樓巖之峭深葛香林之淡逸火燄
峰之彪炳寒巖洞之清蔭換骨巖之險奧玉柱峰之
修潔齊雲峰之縹緲毛竹洞之幽詣雖不及大王隱
屏諸勝猶足自立於時令遊人屈一指至若獅子三
層三才三髻諸峰復古紫霞吳公諸洞上下章堂翠
竹窩小九曲止止菴託跡異地均可領袖一方第旣
列于武夷遂應俛首帖耳不敢伸眉強項與諸勝齒

也等而至於外金井關大小觀音大小紫雲諸山

也等而至於外金井澗大小觀音大小米廩諸石卽
錯布於洞天遂至阿所好而槩謂賞心也予何敢雖
然此其大畧也峰之雋者三十六半僅得其庸泉之
名者三十九未酌亦甚夥敢謂奇偉瑰瑋之觀盡沉
酣於肺腑哉然予於茲遊竊得遊山之道矣古來秀
絕幽異之勝多在乎下州僻邑是故非志與合者不
能遊志合矣或鮮濟勝之具有具矣或不得善遊者
導之有導矣而興易闌望易足究且逃離昏惑終不
能窮高極遠而測深厚於無遺也予茲行蓋先之以
仲雅仲雅故善遊匝月間廣咨博訪杖履咸周指述

翼險鼓勇策忘予固有天幸焉藍選石曰老人任此
山中七十餘歲閱遊人多矣遊法之善遊蹤之徧未
見若二三君者二三君何許人仲雅微哂私於予曰
典之遊蓋得之陳君聖敘云○冲佑萬年宮古木參
天皆一二十圍殿閣壯麗長廊爽塏予以七月朔雨
舟至宮入夜大雨如注質明乞晴於十三仙倏開霽
遊歷二旬未嘗遇霖霏沾衣及杖履出山甫至慎叔
署風雨大作逃離數日亦一奇也僧如疾武夷導遊
記客有自匡廬來者言天台廬阜大不可狎鴈宕龍
門怪不可居踰險數百里遊之難質予武夷遊事予

曰子之遊者遊心乎遊目乎爲三十六峰羅籠將以
丘壑較高深乎抑胸有磊塊借山川以陶汰乎客曰
武夷居洞天十六遊者以爲仙都靈異當與蓬萊並
觀予曰子之言窮響以聲者也吾語子遊夫武夷之
峰颺颺族舉棋置林立九曲束之予以爲聚沙之大
者若其夏雲爲之經緯朝霞爲之幌幔時花爲之青
赭予以爲設色之舊者若風晨月夕鶴唳猿啼雪曳
雲牽水車鐵馬予以爲蜃變之奇者至其仙跡權輿
遊記多有以故不論畧以遊之塗徑曲之終始峰巖
之位次洞石之疑似著於篇使遊者覽焉從萬年宮

來一峰孤立霄漢同根卓然不可逼視者大王峰也
其渡則蘭湯舟頭猿鳥皆能接人自是舞棹呈橈者
具有四知七鑿之見從蘭湯南渡一峰翻崖返脊若
爲大王之爪牙者爲獅子峰而大小觀音巖於中無
佛遊人未嘗過而問焉望一方石臨水其水止蓄淵
然魚鳥及鑄鑱可上下點畫察故漁人舟子皆知以
水光石稱兜鍪峰魁結箕踞一曲之間望鐵板障銷
其鋒鏑對翰墨石磨其險糜杜工部云將軍不好武
稚子總能文拈爲此山傳贊○勒馬峯亦名鏡臺蓋
爲玉女所俯臨也借清流瀉注之磨淬露鑑湖澄澈

爲玉女所俯臨也借清流瀉注之磨淬露鑑湖澄澈
之光瑩形就而入者自是太初古雪情面玉女峰視
鏡臺爲几案間物霧鬢風鬟插花臨水若相照焉是
峰麓南折出有微徑可通凌霄三髻虎嘯諸峰已爲
鼪鼯狙猴所據邨盡徑窮處常有蹇然磬欬之音從
虎嘯可二里其風窸然曰風洞一線天在焉肅而入
聲移色奪咫尺天門見劃青霓碧燐長年阿閼洞外
取道過江墩橋可通九曲然遊人多自崖而反循玉
女故道隔水望仙榜巖蟲文鳥篆古色陸離而列玉
女峰爲溪南二曲之首其山連延斷續盤紆糾紛極
意低徊不能咸紀稍入爲仙館巖巖盡爲小藏峰蓋

所藏架壑船者雲航翼然霞棹輕舉若欲儻長風引
去望之如適莽蒼仰止樊然○宴仙巖鳴鶴峰游人
多不記者大小藏秘之也大藏峰岨嵒嶷立自仙館
巖及此五峰相爲駢枝所謂小山岌大山岬也山善
於蓄藏有臥龍潭金鷄洞之屬相傳神物出沒其間
蓋臆說也若其枯槎機杼眩人耳目亦可怪矣登鳴
鶴峰宴仙巖望昇日上升車錢諸峰可數雲樹杳杳
隔溪若接大抵會仙巖至仙遊與大藏等五峰埒終
始於三曲四曲之間○臥龍潭之北有釣臺青藤引
綸紅葉設餌獐龍只離鈎三寸千年垂釣空撈明月

綸紅葉設餌獐龍只離鈎三寸千年垂鈎空拂明月
潭之西有泊菴菴視李仙巖爲天馬愛其無羈睇齊
雲峰之膚寸怒其觸石吐吸神苾饜饜蒼蒨清波啟
扉朝霞刷色蕩蕩無名悄然自得過一渠水平疇數
畝楸柏深鬱云是潘遇所居蓬蒿之下秋風蕭瑟獨
噉泉悠然時或有唯何之聲過碧雲橋爲更衣臺臺
文峰也門墻雞犬卓爾天漢俯視希真巖金谷洞在
一條白練中○天柱峯與文峰並峙冷然恬退藏固
自若無門墻可窺無階級可拾徒讓驂鸞駕鶴之儔
朝暮登臨與造物者遊耳其隱德如此○從天柱北
麓循崖數百武爲平林渡草絲木條雲山俱美禽魚

之天放猿狙之雀躍似以填顛侮人使遊者見之知其不入紫陽講社自平林東北奇峰以十數隱屏最大摧巖成觀分巒並趾爐峰失火斷石生烟瑤草將枯玉華墜露山川之美歸然而有餘矣○從隱屏右旋經雲窩至仙掌峰麓爲五曲之尾泉以人名石以物喻如竈石茶洞司馬泉之屬皆不愜奇觀然予多其居人簡樸而文善得頽巖瘠岡梗槩○凡遊人未入山者先掛接笋峰口吻及登而眩之息而惛之退而眷戀之一片驚心縮入籜殼隱屏之南如晚對二城高之峰游人採焉蓋與隱屏相爲主客爭奇負峭

者若與城高對峙者爲蒼屏峰六曲也峰之下問渡
桃源隔溪波壑諾諾者爲響聲巖披芒剔棘躑躅迴
環遊人往往跡桃源而不得也源之外草樹樊蕪比
至石門設焉側而入鷄犬桑麻依稀村落枯桃之下
苔蘚盤珊稍磅礴泉之涑石之鏗若爲遊人而樂作
焉尋所謂石堂已烟灰霞燼矣衣裳俎豆靡得而記
云○從石門取道登天壺峰一時噴雲瀉碧俯北廊
巖如行瑯玕一色中舟至七曲者見遊人從天而下
○從瑯玕巖至通仙橋折步望鼓樓巖遊者多不往
趨活水洞洞中人稀境奪樹倒藤枯蝸涎篆於簾廊

山夔踔於牀，几人多接踵而居，亦接踵而去。○從活
水洞假攀躋，踔踔數里，至三隱臺，臺有知白之菴，無
守黑之實，自是逃陽卻曲遊者，互有同異矣。過知白
若芑，刃利導拱，巖欺德若欲援人於黑白之外，至三
仰峰，趺而坐，置千峰於膝，凝矚傾睇，北山可數矣。楊
子雲所謂觀東嶽而知衆山之崱嶮也。○從三仰峰
階反步，過三層峰，取舊路，通仙橋而下，雲譎波詭，桃
花澗之爛漫，含翠巖之複碧，奇正相生，澗不知置身
丘壑中。○過通仙橋，循崖里許，陟三教峰，問並蓮峰
道，三峰默然，旁代對者言紫芝無根，石鼓不響，指南

道三峰默然旁代對者言紫芝無根石鼓不響掛南
溪諸峰笑倩相對似有待遊人采者如八曲之廩石
玉蕊峰九曲之雲巖及二曲之攬石峰佳處領要得
南山之槩焉○從並蓮峰西折越澗躡磴百餘級石
壁夾道凝雲擁鑰入其洞長松數百章攫人彼蒼之
上俯烟疇千畝若可呼龍而耕者爲白雲峰白雲而
下右旋數百武一峰灑然若以倣詭幻怪爲不屑里
人名之曰靈峰相與尸而祝之始知三十六峰別有
以奇爲不足而益之以靈者曲之觀止矣○自是隨
流取道反而登於天遊睇星村者天街之參卑也九
曲者星河也洼之激汚之吸鈞天之鼓吹也左二藏

右三層立壁在其北隱屏經其南天之長府也烟村
霞市天民之抱布貿絲也是謂之談天之遊從天遊
過立壁峰其道舛駁猿鳥駭人於塗若爲山靈秘其
奧突者自是以北諸峯各削壁爭勝矣○立壁而北
並嶺開流嶺下取道渡流香澗澗爲群峰所夾廣可
十笏長千之芳蘭間發麋鹿同塗水有斷澗之聲壑
無漏雲之隙行此者髣髴天門設於平地澗盡爲玉
柱峰削成四壁其高臨天狙猴千臂之所不能接也
其上所生木皆瓊枝尺寸千載而下不能凋其種草
觀者亦忘衰謝○是峰麓稍北有泉滙流蓋章堂之

源出焉其水翻湍激碧淩蔓蒙各尋處其間可立壁

源出焉其水翻瑤漱碧蔘蔓蒙絡潺湲其間可佐棲
逸溯流至下章堂有湫焉落崑眼傾耳森樹歎飲不
能簾而亦不能瀑直令盛暑驟足凄然如秋人以其
水過喧不久居而去○刮級至上章堂塢徑幽委俯
連山群峰綺縠絢化主人扁其菴曰莫豈所謂烟瀆
靄聚青青黯黯中耶○莫菴以北如蘆岫蓮花峰笠
盤巖者竹栢蒼青藤蔓搖綴予以其徑近村落往往
爲提鷗挈鷺人所信宿故其幽怪深邃之奇翻成恒
習○從蘆岫以北而東望玉柱峰而下至鷹嘴巖斷
山夾道委塢移人見一壁舒然目爲丹霞嶂一峰爛

然日爲火燄峰自是心目無遠攝于一峰一嶂之間
○稍出有石門從門內折而北一壁如玦水簾也從
壁外視簾水爲壁光所奪迨背壁視水而始知簾焉
夫傾湫之水出步仞之丘則瀑矣能涎玉沫珠終始
洞屋之外勢爲之也予謂記水簾者筆孰能不波至
其翻雲覆雨之態人亦未盡於此與水簾接者爲青
獅巖其下有流穿石高低連延爲潭者九人以其爲九
井予曰潭也不得以井稱○從潭下取道至白華巖
凹凸繭雲截嶒冲斗群峰掩之瑤林霞蔚遊至水簾
者謂山水之奇已盡如龍頭洞之背有九井巖汲其

一井則八井皆動向所謂九井者蓋失之於此惟棹
託好住人別知幽尚自是以往桑麻界道矣○從白
華巖反走霞濱巖望石門而入啤墉開闢類文人所
施設也初予不從石門出谷將爲歸路懷新及其反
也諸峰嫣然別是一色豈出時所記入而非歟抑心
目與境俱化歟山水移情昧者不知○從石門反至
火燄峰麓少折而南奇峰如簇以人名巖曰杜韞以
菴名峰曰天心以峰喻象則爲北斗峰爲馬頭巖爲
馬鞍峰形則著矣恐不愜巉巖削壁之意○由是登
幔亭峰觀三姑石石亦北山之黠鬚鬢蓬鬆招人參

立豈其捧心贖眉襲以奇意效玉女耶使列之曲中
較靈頑恐不以此易彼出三姑右膊爲換骨巖巖有
梯有穴穹鞠森黑從穴中斗折蛇行而上則有圍池
山谿之觀焉予謂挾仙術者能脫人骨不能脫人貌
遊斯巖者可與語此○武夷之山沙坭石壤不籬而
菊無人而蘭無合抱之茶有雙幹之竹竹無常處絕
壁斷山如或見之茶爲恒產桑園竹塢如或補之峰
外言佳者鷓之翔鹿之牲曲外言致者鯢之桓龍之
躍梯者五樓神導氣之士居之厰者以十數收文續
史之士居之洞之隈巖之阿可家者十而三帶長川

傍連嶺可家者十而六大而可狎者幔亭天遊也怪
而可居者大王接笋也若其窮崖斷壁猿狖絕跡其
卒無尾其始無首予亦未能得其倫客試遊自得之

浙江圖書

武夷九曲志十四卷

浙江錢塘王復禮艸堂編輯

江南嘉定陸廷燦扶照叅訂

藝文考二

賦宋李綱武夷山賦并引武夷山水之勝爲七閩最圖志載之詳矣予閩人也遊宦四方每以未至其下爲恨宣和改元承乏螭頭寓直左省晝寢夢遊山間四顧峯巒玉色秀美瓌奇不可模狀旣覺欣然竊意所夢殆非塵世也已而都城積水奏疏論事謫官沙陽渡淮歷浙道江南入閩境遂遊武夷道士導予乘小

舟泛九曲溪抵晞真觀奇峰怪石顧揖不暇迴舟雪
作山色盡白恍如夢中怛然驚笑信乎好慕之極達
乎精神而出處分定非人力之所能致也留山中得
詩幾五十篇又廣其意而爲之賦予於武夷可謂無
負亦足以償平昔之願矣其辭曰太虛寥廓浮清凝
濁融爲川瀆結爲山嶽山嶽之奇萃於坤倪秀氣磅
礴實鍾武夷武夷之山蜿蜒鬱蟠作鎮南服千里奠
安噫風嗽霧噴雲洩雨蔽虧日月變移寒暑崖谷竅
窅峰岫籠從雕鏤刻削孰尸其功一溪九曲演漾寒
淥貫於山中鳳翥虬蹙洞戶杳然棲神宅仙蟬蛻羽

化靈骨猶傳雲封霧鎖玉潤金堅稽於秘籍是爲昇
真玄化之洞天其瓌偉絕特之觀則有幔亭之麓天
柱之峰鐵障延袤鑑池空濛巖嘯雕虎潭藏老龍儼
金仙之容睟粲遊女之肌紅儲芝玉於二廩鑄藥乳
於三鐘聳層峰之疊翠落飛瀑之長虹千巖萬壑競
秀爭雄蕩心駭目不可殫窮其仙聖遊戲之地則有
換骨之巖賭婦之石掌印掬蹤膝存跪跡繪胎禽之
縹緲插仙舟於罅隙留丹竈於層巔置鷄棲於峭壁
組織就而杼軸空篇翰終而几案寂按圖以求秘怪
難測其植物則有翠栢毛竹綠李丹橘翳薈芬芳擢

幹垂實其動物則有舞鶴鳴鷗遊羊戲鹿棲息飛翔
分羣萃族其內則有瓊樓珠殿玉圃芝田割見天地
自開山川靈仙之所周旋也其外則有長松茂草異
卉嘉葩枕流漱石朝烟夕霞幽遯之所考槃也合而
觀之山意深水容湍石色溫潤溪流曲盤地靈而木
秀境寂而雲閒信能騰譽今古垂光簡編廁三十六
洞而別爲一天也惟昔仙君來宴曾孫彩梁虹亘幄
屋雲屯翠旄絳節紫褥芳裊虛座鼎設華筵翼分漿
瓊液玉羞鳳脯麟鏘金石之間作奏古曲日賓雲歌
人間之可哀嘆光景之易曛紛鸞鶴以迴馭但流水

與空岑悵真遊之已遠時笙簫之夜聞此又詭異恍
惚匪得而具論也若夫岱宗太華之穹崇終南太行
之險阻或峻極而降神或登臨而小魯四明天台衡
嶽廬阜度長絜大雖雄偉之不侔而幽邃巧妙固不
可同日而語也爰有狷介之士學陋識迂誤入世網
偶聯簪裾跡朝市而心山林究地志而閱仙書馳精
神於夢寐覲幽渺於畫圖歲崢嶸以適盡因謫宦而
假途步烟霞之岑寂仰神仙之有無覽魏子之遺躅
訪劉公之舊廬嘉泉石之可樂寄吟哦以自娛倒冠
落佩與世濶疎眷茲山而無斃將徇其愚而隱居者

乎明瞿汝稷賦并引昔興公寄想於赤城第形毫素
青蓮懷異於天姥徒勤夢思二賢或剖竹永嘉或棲
蹤姑孰欲振衣兩山但取杭一蓑而烟霞僅通於枕
席泉石未接其嘯歌以是語遊遊未易哉萬曆庚子
暮春予自邵武解組途經武夷夷夷遊九曲躋覽群峯
幸埃壻之既遠嘉魚鳥之自親一咏一觴再信再宿
聊爲短賦以志勝遊其辭曰事律繡其疇因兮願遠
遊以自疏聞控鶴之休德兮拊余駢而遄驅越嶰壑
之谿訝兮凌連岡之崎嶇溯寒流之淡淡兮覺囂紛
之盡祛嘉澄波之活活兮炯鑑瑩而練紆寄湍急而

潔清兮復奚涅而可渝揚舲津口引領頓異聯嶺周
繚而陔嶻兮墮玉城於水滢天柱巖曉而萃起兮若
竦麗譙於天際杳窈丹臺龍窅靈氣水桃華敷兮萬
齡碧藕芬含兮千禩鰲負闕兮璨以羅芝成宮兮芳
且邃鼓蘭櫂以縱尋泛冷溪之森沉千峰拔漪瀾以
翔霄萬綵落雲霞而印潯靡奇弗寫於文漣靡影弗
會於幽襟迎覽競爽隨姿易陰媵無駢態秀各異臨
竹彌進而眺彌新境愈移而賞愈深如是循溪之曲
凡九殫一曲而佳麗不可勝紀矣每曲盡則軋芴若
塗盡轉楫而婉蟬復前啟歷九轉而九啟殆萬變而

萬美無尺壤而不改觀無片石而不壞詭愷之胎凝
而莫能圖文考腐毫而莫能擬蒼麓迴環丹崖中關
瑤笋左擢綺屏右翼蘅蒸晻夔竹檜攢碧禽流好音
磴謝塵蹟是藏紫陽之精廬實奠茲山之正中亦首
茲山之幽寂焉超氛埃而曾舉兮夫子旣勁其雲翮
豈陸皇之有竦兮悲沉濁之方塞返秋成於章夏兮
功。後於禹稷懸素瀑於青靄挺仙掌之茗茗拾複
坂稅重椒臻天遊之仙館追逸駕於虹橋窮八閩於
目睫收九曲於堂坳霏彩下羅隱伏畢昭向之鷄睨
魚瞰而猝不能悉者於是還臚流覽不能遯其秋毫

焉鼓子嶮嶮莫之與齊齊雲孤鶩峭拂幹維珠庭璇
宇馮烟扼覽耳巖腹以虛構若鷓鴣之巢於層栢仙
舫橫空千秋不移仙杼織月如聞理絲昇真玉華歷
屢莫階垂銀鐙於絕壁倚游鷗而仰躋豈都盧所能
逞惟玄俗所長棲壹余志而斯登恍逍遙於太儀撫
翠鬣於龍穴斟峯膏於鑑池采若木之初藹折白榆
之修枝精皎皎以往來何彼蛻之云稽昨真寄於列
函抉金華於潛基鑄丹鼎於首山昉馳軼于天達唐
曜飛沫勝益卓絕兩崖百轉一徑中豁凝黛環舞淙
流紛戛入蘿洞以旁折烟花蔚兮望別紫翠回合而

參差飛泉空垂以飄瞥英英煥披晶晶瑩徹洒晴雪
於岑阿散天花於芳樾夜光簾薄兮先日燦雲母杲
悤兮侵漢列至於九曲旣逾清脰膾膾藹藹桑榆苑
芄禾黍居盡抱甕之丈人行皆牽犢之巢父赫胥匪
遙尊盧接武苟玄都之可託又奚謂非吾土稽神樞
於雲笈擘玄化之嘉名幸浮游於斯域得信宿乎福
庭於谷神而知根何幔亭兮靡微雲裊爛兮紛可接
居巢婉兮鳴何清昔康樂之遷閩嶠兮日念歸而怔
營之問之望越臺兮綴北思而靡寧中纏繳於外物
對清暉而弗察雖雅尚於山川顧當美而搖奪彼夢

鳥之麗天亦奚矜夫騰越儵爲魚而沒淵又何悵於
天闕知天淵之靡貳兮將安錯其欣怛彼丘山之善
於人與神者之不勝矧陟山猶未善雖子騫挽之將
焉正山蒼蒼兮木蚶蟻水湜湜兮環山以流合氣於
漠兮憺何求掌移九曲兮吾奚行而不與之夷猶鄭
恭賦以昇真元化十六洞天爲韻遡菁華於際蟠萃
扶輿之清淑播流峙之神奇炫武夷之巖谷大王插
漢以簪岑玉女臨波而莊肅城高鐵嶂嶠峒叢駢勒
馬兜鍪鏖嶮崿列蠹鐘模鬱壘而壁立鼓子益蓋而繡
簇競隱麟以崕峴紛覆疊而倚伏界九曲之清溪挂

百道之懸瀑澄泓齋澹紆餘洞復倏蒸雷以訇灘旋
微颺而蹙縠遠逝長輪琮瑋瀝漉峰激水以成巘
水厄峰而啗麓滙委折於三三布岩巽而六六爾其
灌木蒼鬱異卉滋繁羅峰繡嶺懷岡軼樊披離乎流
香之澗必第于小桃之源况迺華平馥朱草芾紫脫
茂玉芝蕃魚爛斐韡杳藹森葦禮斗壇邊蔓蕝已忘
乎秦漢齊雲峯畔橐參曷記乎宋元彌望而藐茂盼
嚙觸颺而薊莅岫翻爰有赤豹文熊立鶴白猿鷓鴣
鸕鶿鷓鴣駕鷗雲飛水宿壑宅巖存彫琢蔓藻唼刷
蘋蘋于是清微冲佑紺宮爽塏以嵯峨唐曜立都琳

館軋塊而高下承倒景以開軒傍玉繩而結榭又有
退谷營居懸流作舍抱嶂含岫吐溪飲壩髣彤青碧
各落低亞選勝挾奇向背綿跨溫室則雪霰如春風
簷則炎蒸却夏咸趨埃壒之混濁聿承靈灑以迎迓
信澄慮而怡襟似登仙而羽化是以子騫張湛之輩
鐵笛玉蟾之倫或築昇真之觀或潛毛竹之濱止止
有地默默相因飲沆漑煉氣神期絕世樂遺身漱飛
泉之瀝液咀石衣之輪囷水簾幔亭之椒白雲碧霄
之垠云吐納之彌久能冲舉而列真嗚呼噫嘻綺岫
丹巒粉蕙画棟霞笈雲籤鉛飛汞空人間天上哀曲

遺音絲屋同亭曾孫有衆渾莫覲其宴之重抑不逢
夫鶴之控翳已拔宅棲泊蓬壺何爲遺蛻尚依巖洞
學仙之志固偃蹇而願違藏樁之舟徒睥睨而意恫
若夫隱屏聳峙晚對峻嶒右迴仙掌左繚上昇殊尤
間出賢哲蹶興紫陽振武黃蔡丕承諸生隱求而觀
善群彥躡屩以擔簦雅弘懿而明獻長漸摩而薰蒸
禮園書圃仁侶義朋精舍孔屹仰高式憑洪源九峰
以嗣以續思紹萬卷不騫不崩春秋禴祠蒞藻豆登
典型肅穆僂愾冰競誠鍾川嶽之靈異爲後生之準
繩者矣眺覽低徊俛仰於邑乾魚之祀遠自漢開玉

簡之陳訖由宋給夫何百神之禮游加三公之秩未
及顧茲澗道周迴峇嶷巍岌峩鬱嶸冥窅寥洞滄洵
弗讓于苑之閬而圃之玄又奚羨乎島之三而洲之
十景神區兮數匹邁衆獄兮獨妍羗同脉而異秉迺
多姿而屢遷翳蜿蜒于百二呈綺錯于萬千恂宵遂
以綿邈欽天矯而騰騫馳峭嶮之崎嶺赴漣漪之逝
川乃命子墨而作頌焉頌曰維山峩峩維水淵淵朝
宗于海峻極于天圖燦文錦精耀風烟蹟鎮南紀聲
達八埏簡在上帝有開必先雨暘順軌億萬斯年

騷國朝王復禮山中之樂三章和宋歐陽文忠韻武夷

奇秀雄偉兮三十有六峰轟天拔地兮似蠶叢凌霄
舞雪兮高同太空敦龐渾噩兮終古包蒙桃源橋澗
兮景無窮丹霞紫雲其掩覆兮杳不知石門玉洞之
幾重更有金鷄棲兮鐵象伏獅子昂頭兮虎嘯迎風
七賢五老兮氣象雖離山明水秀兮林長草豐真堪
娛老而忘歲兮視百卉榮謝爲春冬嗟世之人兮曷
不歸來乎山中山中之樂本可見余今隱此兮誰逢
○溪流曲折兮樹影玲瓏柳烟漠漠兮花霧濛濛香
撲鼻兮菡萏聲悅耳兮蒼松冬賞心兮玉蝶秋眩目
兮丹楓羨四時之獻彩兮不止鶯黃鴨綠與猩紅對

舉杯兮明月獨浩歌兮清風嗟世之人兮曷不歸來
乎山中山中之樂咸可得余慙竊享兮誰從○吁嗟
傑構兮佛刹仙宮伏虎投龍兮幻妄穹窿彼世之人
兮豈乏明而失聰好高鶩外兮焉知道德之在躬誰
見曇花韡韡兮瑤草茸茸自古皆有死兮又何必削
髮與還童胡不悅儒巾親翰墨兮希賢聖而追蹤不
驚奇以立異兮日蹈乎中庸無惑于二教兮空老山
中山中之樂真可久余思合志兮誰同又和人間可
哀之曲并引余隱武夷家于幔亭之右茲峰得名本
由虹橋彩幄設宴鄉人仙樂行空天香遶座見之宋

祝穆所引古記也事雖荒唐不足信然人間可哀之
曲纏綿悱惻實可傳之千古因和韻四首以寫余樂
而寄余哀○人生七十兮古來稀春色競放兮蝶爭
飛遁跡傳經兮心幸不違筆歌墨舞兮晨夕相隨○
常思萊子兮世所稀老年親在兮弄鳥飛嗟余永感
兮守禮無違陟彼岵岵兮何處追隨○雁行中斷兮
形影稀怕見鵲鴿兮鳴與飛少陵三弟兮嘆息睽違
余今終鮮兮有夢難隨○牧犢傷懷兮妻妾稀不及
山雉兮共朝飛余亦失侶兮瑟琴久違何勞作操兮
羨彼倡隨

傳宋蘇軾葉嘉傳葉嘉閩人也其先處上谷曾祖茂先
養高不仕好遊名山至武夷悅之遂家焉嘗曰吾植
功種德不爲時採然遺香後世吾子孫必盛于中土
當飲其惠矣茂先葬郝源子孫遂爲郝源民至嘉少
植節操或勸之業武曰吾當爲天下英武之精一槍
一旗豈吾事哉因而遊見陸先生先生奇之爲著其
行錄傳于時方漢帝嗜閱經史時建安人爲謁者侍
上上讀其行錄而善之曰吾獨不得與此人同時哉
曰臣邑人葉嘉風味恬淡清白可愛頗負其名有濟
世之才雖羽知猶未詳也上驚敕建安太守召嘉給

傳遣詣京師郡守始令採訪嘉所在命齋書示之嘉未就遣使臣督促郡守曰葉先生方閉門制作研味經史志圖挺立必不屑進未可促也因親至山中爲之勸駕始行登車遇相者揖之曰先生容質異常矯然有龍鳳之姿後當大貴嘉以皂囊上封事天子見之曰吾久旣卿名但未知其寔爾我其試哉因顧謂侍臣曰視嘉容貌如鐵資質剛勁難以遽用必搥提頓挫之乃可遂以言恐嘉曰礎斧在前鼎鑊在後將以烹子子視之如何嘉勃然吐氣曰臣山藪猥士幸惟陛下採擇至此可以利生雖粉身碎骨亦不辭也

上笑命以名曹處之又加樞密之務因誠小黃門監
之有頃報曰嘉之所爲猶若粗疎然上曰吾知其才
第以獨學未經師耳嘉爲之屑屑就師頃刻就事已
精熟矣上乃敕御史歐陽高金紫光祿大夫鄭當時
甘泉侯陳平三人與之同事歐陽疾嘉初進有寵曰
吾屬且爲之下矣計欲傾之會天子御延英促召四
人歐但熱中而已當時以足擊嘉平亦以口侵凌之
嘉雖見侮爲之起立顏色不變歐陽悔曰陛下以葉
嘉見託吾輩亦不可忽之也因同見帝陽稱嘉美而
陰以輕浮訛之嘉亦訴于上上爲責歐陽憐嘉視其

顏色久之曰葉嘉真清白士也其氣飄然若浮雲矣
遂引而宴之少選間上鼓舌欣然曰始吾見嘉未甚
好也久味其言令人愛之朕之精魄不覺洒然而醒
書曰啓乃心沃朕心嘉之謂也于是封嘉鉅合侯位
尚書曰尚書朕喉舌之任也由是寵愛日加朝廷賓
客遇會宴享未始不推于嘉上日引對至于再三後
因侍宴苑中上飲踰度嘉輒苦諫上不悅曰卿司朕
喉舌而以苦辭逆我余豈堪哉遂唾之命左右仆于
地嘉正色曰陛下必欲甘辭利口然後愛耶臣雖言
苦久則有效陛下亦嘗試之豈不知乎上顧左右曰

始吾言嘉剛勁難用今果見其剛勁

始吾言嘉剛勁難用今果見矣因舍容之然亦以是
疎嘉嘉既不得志退去閩中既而曰吾末如之何也
已矣上以不見嘉月餘勞于萬機神薈思困頗思嘉
復命召至甚喜以手撫嘉曰吾渴見卿久也遂恩遇
如故上方欲南誅兩越東擊朝鮮北逐獫狁西伐大
宛以兵革爲事而大司農奏計國用不足上深患之
以問嘉嘉爲進三策其一曰權天下之利山海之資
一切籍于縣官行之一年財用豐贍上大悅兵興有
功而還上利其財故權法不罷管山海之利自嘉始
也居一年嘉告老上曰鉅合侯其忠可謂盡矣遂得

爵其子又令郡守擇其宗支之良者每歲貢焉嘉子
二人長曰搏有父風故以襲爵次子挺抱黃白之術
比于搏其志尤淡泊也嘗散其資拯鄉閭之困人皆
德之故鄉人以春伐鼓大會山中求之以爲常贊曰
今葉氏散居天下皆不喜城邑惟樂山居氏于閩中
者蓋嘉之苗裔也天下葉氏雖夥然風味德馨爲世
所貴皆不及閩閩之居者又多而郝源之族爲甲嘉
以布衣遇天子爵徹侯位八座可謂榮矣然其正色
苦諫竭力許國不爲身計蓋有以取之夫先王用于
國有節取于民有制至于山林川澤之利一切與民

嘉爲策以權之雖救一時之急非先王之舉也君子
譏之或云管山海之利始于鹽鐵丞孔僅桑弘羊之
謀也嘉之策未行於時至唐趙贊始舉而用之

詩四古國朝王復禮武夷之山三十六峰釋擬靈鷲道
比崆峒惟余仰止鳧繹龜蒙○武夷之水清且美一
曲一迴腸臨流憶紫陽○武夷之景移形換影側旣
成峰橫又成嶺獻巧爭奇伊誰能並○武夷之基屈
曲高低就巖結屋倚樹爲梯如蜩作房如燕巢泥不
畏奇險而得安棲

五古宋李綱武夷古洞天奇峰三十六一溪貫羣山

清淺縈九曲溪邊列巖岫倒影浸寒綠翩如鸞鳳翔
矯若虬龍蹙樓觀聳峒嶷屏幃互重複蛻仙骨遺金
遊女肌削玉鷄棲層巖巔船插斷崖腹學館存几案
仙機餘杼軸嵐光瑩澄潭虹影挂飛瀑翠竹蔭天池
蒼苔封石屋繪禽頂常丹遺跡指如掬峩峩天柱峰
幔亭連翠麓傳聞武夷君嘗此會仙俗飛橋幾千丈
絕頂亘山足障以翠雲屏藉以紫霞褥瑤樽傾沆瀣
玉豆脯麟鹿仙妃奏賓雲金鼓間絲竹酒酣歌夕暉
歎息光景促曾孫誰復在往事空遺躅至今風月夜
笙簫響虛谷地靈饒泉石山潤秀草木坐使七閩人

蔭此仙靈福嗟予真散材性愛山水酷山經與地志
姓字久已熟薄宦方區區仙賞宜碌碌神遊先夢寐
幽覲寄圖籙寧知因謫宦乃得厭所欲沿泝窮幽深
應接勞耳目開襟豁懷抱壯觀慰幽獨却邀白雲歸
伴此巖下宿夜寒夢魂清曉發輕裝速仙遊須再來
何當謝羈束劉子翬建水日夜淺清灘自迢迢漁舸
愕已無忽點淨練迢老身寄其上兀若棲危茗松風
知我狂隨舳助傾搖探幽神益新得快意自消長林
翠洞口微雲粉山腰那知碧虛遠一蓐臥可趨不須
換吾骸吾慵登峩病中追餘觀所得絕富饒陸游

正東山志 卷一 四
少讀封禪書始知武夷君晚乃遊斯山秀傑非昔聞

三十六奇峰秋晴無纖雲空巖鷄晨號峭壁丹夜瞰

巢居寄千仞鴻荒想羲軒風雨蛻玉骨難以俗意論

丹梯不容躡修蔓亦畏捫派流進小艇媿驚白鷗羣

學道雖恨晚養氣敢不勤宦遊非本志寄謝鶴與猿

〔謝章〕鶯花婉婉天晴空落紅雨千里賦遠遊山水無

重數武夷甲天下清絕多奇趣名峰三十六一一拱

天柱隔岸分西東回首時一顧孤峰自特立不肯相

朋附溪流走其下縈紆溢清泚荒烟鎖寒碧晴嵐滴

空翠曲曲深復深行行止且止時聞款乃歌恍入桃

源路山禽相應答嶺雲自吞吐此境非人寰蔚爲神
仙所我欲深窮源白鷗沒星渚朱大卿開秋氣微肅
天水湛相照扁舟愜幽尋層峰入奇眺融結幾何年
指顧集群妙神仙得非幻遺蛻在巖竅行往求其蹤
恐爲識者笑獨鶴去不還山猿偶然叫應有採芝人
凌空發長嘯元薩都刺溪行望武夷峭壁何斬絕赤
霞亂不收大化元氣泄下有萬年松上有太古雪秣
恐月明中鐵笛吹石裂黃清老積雨多浮雲百川合
爲一新晴花落深草徑沒行跡溪風淡和柔天宇浩
澄碧諸峯出雲間淨若露初拭遲遲策駑馬稍稍度

翠壁從人不知疲佳境恣所歷松間古仙人燕坐松

下石羽化今幾年蒼苔滿雙屐乾坤妙無言小大自

有得為我謝群芳春風各努力曹休齋窮冬霜風利

木脫崖石出為山十日留散策恣捫歷想當混沌初

締構真宰泣一一拔地起萬仞削蒼壁壓地恐折軸

撐霄疑立極崩奔獸騰拏退却馬辟易竦若跂鳥驚

盤若潛虬蟄溪奔牛渴飲沙伏羊露脊醜怪夜叉獍

敷腹蓮花折或圓峙高廩或銳監堅壁或平若几案

或覆若簷笠或散舞蹁躑或欹醉傾側或悍忿且鬪

或俯拱而揖纍纍行且負蠢蠢法離立或瑩鮮玉明

或冊流霞赤... 或古... 或... 或...

或丹流霞赤黑或若黝塗青或若翠滴或陷而無底
或呀而欲吸嵌空時響答階磴自成級犬牙巧相讓
虎踞勢互敵幽壑積層陰石室敞百尺壑深自風生
洞豁無雨及高旻飛瀑瀉暗竇潛流入霜石凍稜層
水泉流窻窳山高日出遲谷邃雲封密大王兀雄姿
玉女皎媚質劍石斬未殊柱峯介而特膝石遺飛蹤
骨巖坐枯腊水簾垂不捲石笋斷復接架壑船誰棹
懸崖機孰織萬點巖雨寒一線峽天窄幽函鎖靈蛻
高掌印仙跡山羊挂角眠林猿連臂汲丹藏壑夜光
仙來雲晝幕奇葩不知名瑤草可俯拾天鷄或鳴群

遼鶴時下隻穹林松夭矯連山竹蕭瑟緬懷幔亭宴
歲月浩浩積况復桑海餘人世豈疇昔故應亭觀地
灌莽埋芳棘佳處址空存芳徑人已空溪流獨不改
縈紆仍九折風柔練淨涵石澁瀨微澈秋潭窈深沉
沙月明的皦然釣漁翁閒呼舟遊客急溪口羽人居
樓觀堆金碧龍井煙霞古露壇星斗濕廣殿覆天幡
連函闕雲笈鼎紅媁龍虎室白靜巾烏仙茶石竈烹
村酒汙樽挹聲清夜步虛子響晝爭奕豈不亦高閒
學幻吾所關峩峩大隱屏杳杳伏羲室當年住老仙
微言今揭日道德有餘輝衣被向泉石斯人元不死

清
鏡
天
亦
惜
人
境
真
一
絕
舍
此
更
何
道
山
壑
重
下

清境天亦惜人境真二絕舍此更何適仙臺舊有名
世垢病湔滌憑誰第三間容我分半席空懷詎能果
泯默重嘆息作賦聊冥搜往挑如椽筆明劉基飲馬
九曲溪遙望武夷峯長林抱廻合丹崖造空濛浮暉
淡寒翠水木皆曼容薄遊限塵務促景厄奇蹤緬懷
紫陽子千載誰與同瓊佩邈烟霧石函闕遺封羈猿
怨幽澗飛蘿罥芳叢瑤瑟空流泉桂枝徒秋風悵望
佳期阻纏綿憂思重殷勤尺素書願寄雲間鴻○崇
山奠朱維實惟群山囿葱蘢薄光景隱顯變氣候百
泉縈虹蜺萬谷蒸饋留深根入無底峻表切星宿嶒

峻削劍戟窈窕錯錦繡騎雲擘高掌竇石室陰獸金
鷄鳴未晨玉女來自逗琪樹縞玄霄瑤花落清晝美
人遊不還霜月怨猿狖淒涼架壑槎蕪没白玉樞蓬
萊溷滄海弱水浩浸溜良辰不可淹沉思令人瘦安
得凌風翰飄颻逐飛鷺尋源挹孤清攀林摘三秀道
遙觀物化俯仰空宇宙真詮倘可求我將解吾綬藍
仁仙厓蓄靈異怪石盤空曲一水隔花村千峰入茅
屋金芝暖逾秀瑤草寒更綠雲中武夷仙一一顏如
玉白馬去不一立猿叫相逐昔陪丹丘侶酣歌紫霞
谷鷄鳴洞天曉落月在林木空瞻仙子亭舊夢那可

續荒林激悲風日入對樵牧佇立望歸雲解衣田舍
宿蔡汝楠夙慕武夷遊已入晴川境稅我塵中車振
衣三秀嶺樹溟疊浮嵐溪虛寫澄影石竇通海流立
猿嘯峰頂空洞駭迴飈遠粵眩殊景倏爾昇雲煙兼
復徹軒屏晨翠流耳目宵陰濯襟領靈跡冠閩甌真
機會箕頰榮素實殊途俾予發慙省○凝望竟何已
披雲上高岑日夕淡清輝冲飈襲我襟丹梯共迢遞
靜壑連蕭森赤霄薄懸岨立石生浮陰差池挹群峩
啁晰聆翠禽苔泉映朝楫松月宜夜琴拏葉憐歲蕤
駐谷眷幽沉及此山中服一改佩與簪因之叩哀玉

清觴自盈斟吳國倫林端日已欹心賞云未足言從
武夷君泛此雲溪曲流藻牽微瀾鳴榔應虛谷坐愜
巒氣澄行驚練光速爰猱掛巖柯虹霓飲沙麓夾水
羅群峰參差三十六絕壁鮮棲禽云有仙人屋仙去
無還期微茫瞻遺躅○緣澗躋飛梁凭虛步崇殿雲
林鬱以紆天柱從中奠烟濃玉女鬟苔繡鐵佛面歷
歷排群峰朱華競葱蒨豈假巨靈擘非經女媧煉巖
泉漱石脂洞草積瑤霰界朗神與清塗紆景忽變手
調赤雉羹將爲列仙宴鄭東白落日步溪源遠山帶
殘壁崖屋鐙火青林間探奇願何當抱幽思雨坐欲

終夕。石壁俯幽宮，玄雲日來往。微雨夜時過，塵襟
覺初爽。萬籟寂無聞，遙聽澗泉嚮。董應舉俯視雲鳥
低仰見，日月側石磬。下青冥，千山飛翠色。江騰鱗非
山亦非石，秀發不可測。六六玉芙蓉，亭亭弄秋色。○
誰染丹青筆，亂向溪邊洒。菡萏倚雲開，欲駕虹橋采。
〔五排〕閔壽卿携尊浮一葉，入境象空懸。灘轉山移岸，
洑迴鳥近船。荒祠蕪雅頌，蘚壁繡瑤鐫。曲曲明拖練，
峯峯翠蠹蓮。猿啼崇巘裏，犬吠斷雲邊。汀草迷蝴蝶，
巖花雜杜鵑。泉烹茶洞乳，魚膾笋洲鮮。天柱撐遙漢，
星村控遠田。疎鐘沉野日，短笛暝林煙。泛覽難窮勝，

歸橈月在川

〔五律〕唐僧貫休懷武夷山僧
高疊仙山裏無緣見有

緣紅心蕉繞屋白額虎同禪古木苔封菌深崖乳雜

泉終期還此去世事祇如然懷武夷紅石子常思紅

石子獨自在山椒窗外猩猩語爐中姹姹嬌乳香諸

洞滴地秀衆峯朝曾見奇人說煙霞恨太遙○弋者

終何慕高吟坐綠鰲燒侵薑芋窄僧與水雲袍竹鞘

畚刀缺松枝獵箭牢何時一相見清話擘蟠桃宋楊

億靈嶽標真牒孤峰入紫氛藤蘿暗仙穴猿鳥駭人

群古栢千年在懸流萬壑分漢壇秋蘚駁曾祀武夷

君林希逸，傍晚拏舟入身，知在畫圖石平，疑削玉湍。
急見跳珠仙跡，迴環是峰名，轉側殊竹間人指點，俱
識有先儒。孟晉昔聞仙子宅，今幸過琳宮，溪曲三三
水山環六六峰，翠雲飛送雨，白鶴舞凌風，好景遊歸
悅簫聲縹緲中。明藍仁泊舟青嶂下，回首翠微間，殘
雪孤村樹歸雲，何處山石門，無犬吠松徑，有僧還書
劍空漂泊，山林未得閒。錢行道鸞驚天中起芙蓉，掌
上開真人，驟鶴降神女，獻花來簾挂，晴空雨濤轟臘
月雷不須過弱水，躡屩訪蓬萊。胡宗明萍梗偕仙侶
乾坤此壯遊，奇峰丹耀日，曲水碧澄秋，洞古雲長濕。

林深靄不收，棹歌聲在耳。靜聽意悠悠，林爍勝槩舊。
登臨仙源復，此尋未能謝。塵網聊且散，幽襟九曲春。
潭綠千巖古，木深何由偕。茂宰山水入，鳴琴林煙幾。
度覓仙蹤幽，人不可逢壇。空餘漢祀松，古類秦封九。
曲澗洄入千崖紫，翠重何時結茅屋。擬住最高峰，沈
明臣九曲六移舟。青山且臥遊，嶂霞高可拾。水月近
誰收，幽意吾真得。神仙不易求，徒憐函有蛻毛竹。使
人愁，閔壽卿芳鄰接瓊瑄。高傍幔亭西，人向中林隱。
舟從曲澗迷，塵空潛野馬。谷曉報天鷄，分付桃花瓣。
無令出此溪，羽士楚和叔九曲溪山勝。三春花木新。

閒操詩畫舫共載管絃人。茹實陳朱橘芳鮮。膾紫鱗
宴遊不覺遠。斜日挂嶙峋。劉侃春陰翻碧嶂。花氣繞
芳洲。却望虹橋上。蒼蒼雲木稠。天蟠九曲水。山矗五
城樓。何事秦皇使。遙從海外求。袁宗周不盡前宵意
今宵復進舟。仙凡去來別。溪月古今流。倚棹生寒靄
長歌起宿鷗。莫論夷與隄。拚到九溪頭。章袞落日千
巖靜。孤峰半壁浮。鳥鳴雙嶂合。龍蟄一潭幽。桂館經
年夢。蓬萊此日遊。王維如可作。泚筆共仙舟。國朝方
以智。白瀨穿三峽。青萍插四圍。大王丹卷幔。玉女翠
披衣。壁隙藏橋板。巖痕拂釣磯。夕陽紅葉落。坐看晚

煙飛鄭重不少抽簪意猶遲躡屐緣關山雖縹緲巖

壑正纏綿自信心如水誰能骨似仙虹橋如未斷縮

地許相聯陸廷燦東西九曲裏南北兩山間動向靜

中出奇同耦作班穿雲來灑灑激石去潺潺欲問求

仙訣丹成合大環吳亦璘一水還幽壑紆迴借逕深

曲橋通石塢僧榻傍巖陰黛起山全染雲歸樹半沉

望臺高磊石空曠好憑臨彭椿萬樹籠幽壑千峰擁

回屏樓分霄漢碧臺接曉山青路向雲根得濤從竹

外聽振衣臨絕壁直可俯滄溟余國璋修竹沿崖種

參差綠一林鶴携雲作介客借水爲心詩酒山中課

松筠雨後琴老僧開酒禁醉後任狂吟

〔五絕〕唐徐凝武夷無上路毛徑不通風欲共麻姑住
仙城半在空〔明〕劉侃峽折峰全削風迴瀑盡飛山光
并水色載得一船歸〔丘其智〕溪上群峰列松間一徑
微林深行不盡雲瀨坐忘歸〔張祥〕六六形爲偶三三
數見奇分明天地象不必問庖犧〔徐表然〕寄興武夷
遊春深翠欲浮忘機花塢外山鳥數聲幽〔國朝〕王復
禮四時〔山中何所有端月看桃花勝地春先到千林
一片霞〕○山中何所有無價是松風消盡人間暑塵
勞那得逢○山中何所有素女設丹青錦幃千峰滿

休誇一幔亭○山中何所有十月已梅開白雪漫天
去香風特地來

〔六絕〕宋羽士白玉蟾千古蓬頭跣足一生服氣餐霞
笑指武夷山下白雲深處吾家明勞堪石落閒花誰
掃紫芝仙客已老琳宮細雨淡煙丹竈斜陽暮草徐
表然曲水溪頭宜釣白雲深處可家試問勳名富貴
何如泉石煙霞傅汝舟屋倚九天丹壁門垂千丈珠
簾臥取山中富貴野懷猶愧傷廉羽士楚和叔五丁
鑿開石室六甲呵護山扉齋罷鳥隨香散夢回鶴帶
雲歸○石竇雲鋪鳥道山梁寒跨龍湫三館藏書枕

藉五嶽披圖臥遊○海上鳳麟洲渚雲中鷄犬人家
元圃叢生辟芷香泉流出胡麻○頰察地輿頰異仰
叅天宇原同新月如鈎懸象祥烟作篆書空國朝李
鐘鼎樵伴山歌鳥和荔裳石罍藤鈎拾得枯枝一束
歸來危徑三休王復禮樓外溪流九曲階前樹色千
重釣雪難追漁父鋤雲甘作花農○柳綠桃紅遠屋
山清水秀臨門小李画成金碧大姑繡出乾坤○溪
自千流滙聚舟從萬石穿行宛是人間瑤島何須海
外蓬瀛○洞僻何如白鹿谷深恍似青牛三餘閉戶
宜讀九曲乘桴可遊○報夏山頭新綠留春水面殘

武勇山記 卷一 四
三三
紅堪嗤佞佛蘇軾不學求仙葛洪○門小却慚通德
山荒有愧棲賢尋師訪友商隱守道安貧樂天○白
石已堅夙約丹崖不敢寒盟有心尚論千古無力相
隨耦耕○雙徑悉垂鳳尾三餐常供龍鬚野老欲敦
夙好山居不逐時趨

七古宋趙抃武夷之山千萬峯溪水詰曲流其中噴
雲湧雪可舟楫一棹撫覽仙人蹤白鶴昂昂寫峭壁
雕虎長嘯來清風懸崖蛻骨造化外絕壑架船神鬼
功寒巖鼎竈失鷄犬盤石松檜騰蛟龍行行自喜浣
塵俗蕭散玉宇趨樊籠當年此日是高會左仙右仙

曲未終紫皇飄然上天去曾孫虹橋路已窮我生丹
心涵太冲欲脫韁鎖追鴻濛上邀軒轅宴玄圃手摘
日月光遊從楊時函關崎嶇走秦鹿天下共逐爭羣
雄抉雲翻空折鰲足黔黎竄伏如寒蛩武夷山深水
清泚避世合有高人蹤龍泓東注海波湧玉女翠擁
秋雲鬆赤霄真骨寫虛壁通泉凡筆慙非工藏舟浮
梁跨絕壑隱見似與天河通當時鷄犬不復見空巖
依舊烟霞籠我來秋杪月旣望尚有幽菊埋榛叢天
容洗淨雨初霽雲幙四捲清無風掀篷進棹窮異境
注目想見流殘紅回船杖屨躡幽徑松竹窈窕環琳

宮翠琬溫辭耀華袞金榜大字纏蛟龍自憐病骨挂
塵網幔亭高會何由逢解衣歸臥釣磯畔仰看明月
穿疎篷李綱憶昨退朝門下省槐影扶疎清晝永瑣
窻一枕夢仙山覺來毛骨猶清冷謫官道出武夷山
風景翛然似夢間碧溪九曲山萬疊况值密雲粧烟
鬟寬恩今日容歸去笑指洞天尋舊路霜晴日暖白
雲深遙望幔亭天一柱羽衣導我遊仙溪翠碧蒼崖
晚更奇浩歌快飲縱迴棹星月耿耿風淒淒曉來換
骨巖中看玉潤金堅餘片片三姝駢立映彤霞二水
交流縈素練征鞍欲去更從容仙境靈蹤豈易逢他

日追思不可到夢魂還過七閩中○去年遊仙滿溪
雪今年遊仙一船月武夷也擅天下奇雪月相輝更
幽絕前生定在此山中緣熟重遊六六峰慙愧真仙
借光景恨無道骨與仙風朱熹此山名自西京傳丹
臺紫府天中天似聞雲鶴時降集應笑磨螳空回旋
我來適此秋景宴青楓葉赤搖寒烟九還七返不易
得千巖萬壑渠能專同遊幸有二三子天界此適非
徒然梁郎季子山澤臞傅伯爰益瀛洲仙相逢相得
要強附却恨馬腹勞長鞭黃華未和白雪句画舸且
共清泠川回船罷酒三嘆息百歲誰復來通泉盈虛

有數豈終極爲君出此窮愁篇用前韻別機仲君家
道素幾葉傳只今用舍懸諸天屹然砥柱戰河曲肯
似落葉隨風旋奮髯忽作蝟毛磔浩氣勃若霄中烟
隱憂尚喜遺直在壯烈未許前人專武夷連日聽奇
語令我兩腋風冷然初如茫茫出太極稍似冉冉隨
群仙安能局促夜起舞下與祖逖爭雄鞭終憐賢屈
惜往日亦念聖孔悲徂川願君盡此一杯酒預澆舌
本如懸泉沃心澤物吾有望勒移忍繼鍾山篇洪邁
武夷之山如畫圖中有玉洞藏仙都一溪穿空舞澎
湃九曲度盡方盤紆細看直疑路中斷已轉始覺川

平鋪諸峰削成鳥亦怖危磴豈復人能踰機巖學館
第傳授鼓樓石牀知有無坐令丹梯接化鶴又喚立
笋成三姑遊人來觀但借問道士指說猶驚呼神君
曾孫在何許想見幔亭空藥爐千崖萬壑心賞倦正
喜松風清坐偶歸舟瞥然箭脫手醉目眩我雙明珠
〔方士繇〕丹崖石氣凝高秋碧溪上引天河流金堂石
室不可到玉館莓苔生苦愁仙人昔乘紫雲去白馬
瑤鞭在何處茫茫塵世那得知幔亭空說當年事君
不見茂陵松竹已蕭疎乾魚猶記同亭祀〔元〕解之昂
石出水聲急木落山容寬野馬乍脫羈方知天地非

人間既無子陵志甘老垂漁竿又無子房遇挾策干
天顏胡爲紅塵中汨沒不復還武夫晚護入山縣壯
士曉輿登峻關一身繫官囚半刻怡神難臨風忽長
嘯回首空悲嘆扁舟適然過渡口武夷閩越爲名山
仙靈應喜遠客至寒泉弄玉峰垂鬟猿啼鶴唳山月
白壇高石潤天風寒人間百年如一瞬山中長夜何
漫漫瓊津漱罷萬慮絕飄飄思入秋雲間浮世之樂
不足恃虛名漸逼頭生斑勸君歸去來自有延年丹
長生未可期聊復居塵寰呼童明朝仍載酒要窮九
曲飛流湍仙人對飲道翁勸大家寫入圖中看圖中

看倦歸去不須事業問平生萬里蠻烟障前路明宣
宗賜少傅大學士楊榮武夷巍峩青挿天丹山碧水
相連延扶輿旁礪之所產往昔奮起多名賢只今維
續楊花分漢清白吏有遠孫明經榮登第詞垣皇祖
承天御天下竭職論思靡餘暇懷忠秉誠履堅貞臨
事果達智識明禁中頗牧才卓犖風雲驥足千里輕
顧余菲德嗣天位旰食宵衣急圖治普天之下率土
濱安危休戚繫一人大厦之興藉梁柱爲邦之資輔
弼臣卿事太祖雖仁孝歷年固多身未老方茲倚重
傳與保士有大抱負堯舜其君民勗哉弼造補缺輔

吾人齊昔芳賢輝千春〔陳堯典〕武夷山水天下奇三
十六峯連逶迤溪流九曲瀉雲腋山光倒浸清漣漪
我來直欲窮幽賞溪口扁舟初蕩槳扣舷中流發棹
歌滄浪洗耳聞餘響舟行一曲泝仙蹤遙看天外幔
亭峰昔日神仙歌舞地千秋明月照晴空二曲娟娟
停玉女隔花臨水媚無語仙風道骨丹已成不向陽
臺夢雲雨三曲雲深景象幽懸崖絕壁架仙舟我欲
借之渡銀漢去拾支機問斗牛繚繞沿流過四曲天
柱前川削寒玉何處臨風吹落梅鐵笛一聲溪水綠
五曲隱屏列上方雲烟燦爛昇天章中有幽人構巖

五曲隱屏列上方雲烟燦爛昇天章中有幽人棹巖
宇棹歌欵乃春風香停舟六曲看仙掌荒唐真僞勞
心想莫是仙人擎露回凌雲笑拍蒼崖上七曲滌澗
深莫深巖頭松竹晝常陰飄飄不盡窮源興扁舟還
問桃花潯八曲山川入冥眇祗有幽花伴啼鳥至此
令人萬慮消飛仙欲挾遊雲表九曲烟霞眼界開源
頭滾滾自天來碧水丹山圖畫裏何須浮海覓蓬萊
十年夢想今親見千巖萬壑俱遊徧祠下摠衣拜紫
陽輝光始識真儒面高山仰止凌蒼烟獨立危樓思
悄然闌干徙倚日將暮翻笑王維畫朝川陳邦瞻吳
郎告我武夷去乞我爲作武夷歌武夷睂目我未識

其能吐吻出嵯峨七閩處處仙靈宅連峯疊嶂生咫尺况復茲山最奇絕乃是元精灑氣所盤勃仰睇蒼蒼不可極恍若青天黏石壁石壁瓊崖四顧崔嵬盤根如削陡合乍開漾然九派銀河水縈廻捲作玉龍來朝暮幻景何倏忽千奇萬怪誰爲哉我疑天仙一念愛泉谷環視靈區此卜築不有神工與鬼斧橫空胡緣置方屋仙人却歸蓬萊巔烟霞鎖屋長千年唳白鶴嘯清猿何人對此不茫然雲臺真逸亦仙客還向靈山寄遐跡溪前欵乃聽漁謳石上穿雲轟鐵笛此後無人能獨往我欲從之勞夢想丹梯翠壁久塵

埃側身南望令心哀自是世途牽腐鼠豈因仙路去
無媒勸君茲遊勿草草人生只合名山老山中之人
有曹丘因君爲問相思不胡緝武夷之山高嵯峨翠
嶺上與天相摩丹崖萬丈列錦幃清溪九曲如銀河
碧雲繚繞玄都府仙蛻猶存亘今古石壁雲開化鶴
還幔亭松老虬龍舞刑清政簡勸農桑尋真誤入仙
家房琪花瑤草間修竹清風滿座飄天香登臨一覽
忘塵俗萬境俱融在心目山在清溪風在松何必洞
天三十六丘雲霄武夷溪水清於玉九曲縈紆抱山
足中有高人時濯纓携風釣月坐雲褥朝移鐵板嶂

前舟暮向金鷄潭上浴幔亭仙去幻虹橋天柱峯寒
壓地軸茶竈烟消石髓融鼓樓月送霓裳曲巖際閒
窺一字天洞口時逢七星鹿山隨雲轉千萬重影弄
寒溪三十六漁歌欸乃度星村鶴羽徘徊感風燭乾
坤自悟意自閒烟波滿棹書滿束興來一掃詩百篇
夢遶千峰豁雙目止菴舊結九溪鄰衡門長掩三秋
菊相過痛飲盡逡巡共上漁磯臥亭毒莫教紅雨暗
秦源好爲蒼生謝空谷明時早副想調梅他日同歸
理釣竹康彥登武夷之山何崔巍武夷之水相潑澗
世人披圖得其槩安知神仙窟宅之奇如此哉我今

泛棹沂九曲匝月登臨歡不足呼吸應知帝座通
豁直訝神工劖大王絕巘丹梯橫玉女連雲彩幄生
桃源花逐漁郎去蓮石峰裁仙掌平洞天名居第十
六福宅靈臯鎮南服霍童太姥難與伯仲稱俯視石
鼓鯉湖諸區真一掬遊人若個是仙才鼓枻中流思
轉哀瓊輪白馬空霄漢玉鼎丹爐鎖綠苔浮生局促
同蝸角長夜漫漫誰獨覺紅日西馳挽不回百歲誰
人肯行樂酌君酒爲我歌武夷十載幾經過仰天朗
咏遊山曲世路升沉竟若何國朝錢汝時武夷之山
三十六武夷之水溪九曲千態萬狀總絕奇注目烟

霞浣塵俗漢祀秦封不記年魏王當日宴群仙賓雲
奏徹虹橋斷綵幔香消冷翠烟一曲大王峰特立萬
仞雄風插空碧翻笑仙人換骨巖傲骨如余換不得
玉女娉婷二曲傍碧雲爲珮霞爲裳鏡臺擎出水輪
月翠擁煙鬟靚曉粧三曲仙船架巖畔乘槎好借通
雲漢深憐苦海浩無邊遺此慈船渡彼岸仙釣臺前
四曲分臥龍深護碧潭雲金鷄叫徹千峯曉祗恐人
間夢未聞五曲更衣登天柱晚對隱屏相對峙紫陽
書屋自古今景行高山惟仰止六曲天遊聳處尊群
峰羅列似兒孫道人笑指桃源裏鷄犬桑麻自有村

七曲神臯仙所窟始知自與塵寰隔一聲鐵笛月明
中人坐冰壺真濯魄八曲靈峰轉折盤無邊空翠撲
衣寒函中仙蛻今猶在世上原無不死丹窮源九曲
探佳景水簾洞入清涼境繽紛香雨自天來映日成
虹掛雲影松聲遠韻白雲閒置身真在畫圖間賸有
芒鞋酬素願愧無佳句答名山千峰萬壑俱遊徧性
僻烟霞深足羨摠衣再拜武夷君何日重開幔亭宴
〔王復禮和文公韻〕世人紛紛求神仙我生服習性羲
軒久知武夷饒景趣翰墨爲巖石作門龍潭水深波
自靜虎嘯風微草不翻興至排雲登天柱思來避俗

尋桃源雜樹參差圍步障群峰羅列陳晬盤或時遊
目觀睨眄否則洗耳聽潺湲時行坎止非忘世欲繼
於陵學灌園王貽白武夷舟次見梅有懷草堂伯兄
當年河渚共追歡長嘯携筇興自寬夜月橫橋雙槳
出春風茅屋幾家看今年泛棹武夷中照水梅花爛
漫紅靚此忽懷連理樹客心愁絕轉飄蓬天涯渺渺
水湯湯蓬底幽思對夕陽兩岸青山相望處鶴鴿聲
裏一沾裳林佶武夷種花歌送陸明府扶照之任武
夷山多青霞武夷道士多種茶山靈自愧無顏色新
約仙人來種花仙人來自吳淞角手抱一琴携一鶴

道士相逢問姓名但言昔日文名動伊洛三十六峰
立如卓一夜春風花灼灼有時鶴唳出花枝援琴自
鼓仙家樂仙家樂紫霞幕仙人種就花滿山只取山
泉花底酌

〔七律〕宋李綱行行路近武夷山秀氣蜿蜒百里間蒼
石插天雲縹緲碧溪通壑水彎環神仙恍惚誰能識
洞府深沉自不關我向湖中如得路便應脫屣謝塵
寰○百里雲山碧玉林雕鏤融結見天心幔亭會散
笙簫遠天柱峰高煙霧深画鶴獨留青嶂表林花長
發紫巖陰夢魂清切先曾到故使飄零特特臨陳襄

萬疊層巒接遠空，瑞雲晴靄氣溶溶。高同太華五千
仞，秀出巫山十二重。蕙帳曉寒孤鶴怨，桃源春盡落
花濃。鳳鸞一嘯最深處，仙客樓臺何處逢。楊時濃淡
烟鬟半雨晴，溪光初借晚霞明。鰲頭湧出三峰秀，天
漢融成一鑑清。粉社有誰藏舊牒，賓雲無處問遺聲。
幔亭寂寞仙何在，勾漏丹砂早晚成。劉子翬回薄溪
流漾翠岑，東風一舸縱幽尋。幔亭落日笙簫斷，毛竹
連雲洞府深。似有碧鷄翔木杪，誰將丹鶴寫巖陰。神
仙可學非身外，多少遊人浪苦心。林鏐武夷山樹曉
陰陰，無數長岑接短岑。怪石月沉蒼虎立，老松風起

陰陰無數長岑接短岑怪石月沉蒼虎立老松風起
黑龍吟小舟洞口龍泉急斜日溪邊葉落深我欲幅
巾携杖去數椽茅屋傍疎林葉夢鼎重來襍被叩雲
扉清夢先從九曲飛三十日前堅有約半千里外較
遲歸已呼漁艇安茶具更着羊裘伴羽衣洞裏溪山
煩指點若爲仙竈若爲磯詹師文九曲煙霞景若何
移舟曲曲泛晴波丹峰絕頂籠花木碧洞當門挂薜
蘿仙逕鶴翻松露下古潭龍蟄水雲多紫陽去後閒
風月獨向平林倚棹歌元杜本天下名山此最奇溪
潭澄徹路透迤塵埃滾滾終難到樓閣重重未易窺
况是高人能閱世儘多勝處可題詩十年來往追尋

徧似與山靈有夙期范心遠路入清溪第二灣東風

猶自逗餘寒白雲粘地掃不去黃葉戀枝吹未乾沙

上濕痕誰涉水天邊長嘯獨憑闌道人酒意無濃薄

飲盡携琴月下彈王申伯五載塵埃雪鬢侵停車又

復此登臨溪聲洗淨是非耳山色挽回名利心松翠

不凋雲外老柳黃初變雨中深隱屏仙子開皇極欵

乃清歌好重尋楊堯善盡說東南第一峰武夷端與

畫圖同幔亭烟幕凌霄紫玉女霜花照水紅漁父歌

殘溪澗冷仙人蛻久洞巖空車塵馬足何時已安得

誅茅積翠中劉公孫石洞秋風一笑歸水滢山合兩

相持人言曲曲秋偏好我愛峰峰雨更奇鐵笛不吹
空有月幔亭同宴又何時天荒地老無窮意未許青
松白鶴知徐廣一葉輕舟九曲潯隔山鐘鼎杳沉沉
溪流東去銀河瀉仙氣西來紫霧深鐵笛一聲玄鶴
醒澄潭千尺白龍吟清時不羨登封事漢時秦壇鎖
夕陰明林弼十年三過武夷山翠壁丹崖嘆莫攀茶
竈烟消天地外棹歌聲斷水雲間虹橋未許秦王識
鶴馭空隨漢使還惟有溪源通泗水一泓千古對孱
顏柯潛叠叠青山面面分烟霞爲宇石爲門雲巖蛻
骨由秦漢苔壁題詩盡宋元人世屢更新歲月仙家

猶是舊乾坤黃冠羽客垂垂老知是錢鏗幾葉孫王

守仁肩輿飛度萬峰雲回首滄波月下聞海上真爲

蒼水使山中又遇武夷君溪流九曲初諳路精舍千

年始及門稍待還家慰垂白細探更擬在春分鄭善

夫日落溪迴天柱陰峰前雲木正蕭森古堂衾枕秋

燈靜永夜風雷山雨深漠北不聞麟鳳信海濱空寄

蕨薇心結廬欲擬南陽臥抱膝長歌梁父吟江山宿

雨初收水繞灘輕舟棹入九溪灣層層曉樹浮蒼靄

曲曲晴峰擁翠鬟人立斷崖知有路雲堆深谷似無

山一聲長嘯壺天杳疑是遊仙跨鶴還林萬潮千里

乘槎入武夷十年幽夢護安期獨携避世盧敖杖來
詠遊仙郭璞詩玉女峰頭秋月吐金鷄洞口暝雲移
不須萬丈飛霞頂控鶴人歸復幾時徐中行振衣秋
色起嗟峩萬壑千巖一棹過峰落鏡中開洞府槎浮
樹杪出天河境遺五嶽登封晚海接三山秘檢多他
日挂冠經此地扣舷處處好高歌徐渭巖壑千重路
轉偏春陰漠漠帶炊烟倦投野店聊呼酒笑問山名
數舉鞭籠鳥對人喧曙色桃花臨水弄新年多情忽
憶天台約歸去應尋剡曲船詹仰庇千巖萬壑共巍
峩松桂陰深曉雨過瑤草無人逃去蹟仙槎有路泛

正東山志 卷一四 三五
明河行窮碧水飛塵遠轉盡卅山宿靄多十載生還
重到此臨風一醉漫狂歌藍仁青鸞白鶴墮蒼茫古
殿荒臺轉夕陽山雜雲霞開錦繡洞鳴風木合宮商
滄溟又見桑田換石室徒聞玉檢藏野艇喜逢山簡
醉月明漁唱起滄浪沈明臣畫槳來過九曲溪青蓮
照水萬峰齊雲中鷄犬遙通路天上樓臺亦可梯晴
日桃源疑夢到春風玄圃恍神迷茲遊信是仙凡隔
明發紅塵又馬蹄○銀河挂殿星乍稀月光墮水白
練飛沙溪棹歌烟靄靄石壁釣絲風微微青鳳晨啼
萬壑曙蒼猿夜嘯孤雲依詩成起踏林影靜露氣已

濕芙蓉衣謝肇淛一片丹山翠萬重寒流曲曲倒芙蓉
曾孫宴罷空留幔玉女粧成幻作峰雲裏水簾天
畔雪月中鐵笛院前鐘紫芝瑤草憑誰采笑駕青鸞
問赤松羽士楚和叔不着荷衣不着巾浪遊長嘯謝
風塵隨時花鳥入新句到處雲山總舊鄰潦倒三朝
逢聖主歸來九曲訪仙真溪邊落日移孤棹還向漁
郎一問津周宣十年遊跡偶重尋遠色蒼然破曙陰
瑤草細添溪影淨紫霞高擁洞門深玉笙不寫人間
譜玄鶴能傳雲外心欲倚舊吟還自笑懸知來者亦
如今張堯政躋入藤蘿一徑斜紫崖丹壁老烟霞長

松閒滴寒林露古澗時開野藻花名利由來隨逐浪
雲山到處可停車何當卜築千峰裏洞口桃花第幾
家黃道周一再經過好下車鷄盟深剗到枯魚慚將
殘夢酬新局悔不肩雲註舊書世外星辰輕作客山
前猿鶴老愁予不知晉魏飄零後多少高人此卜居

國朝葉宏郁白雲深處淨無塵布襪青鞋一問津十
里清流通宛轉千尋列岫盡嶙峋宮中玉簡猶傳宋
洞口桃花亦避秦莫道幔亭簫鼓歇天風遺籟入松
筠陸廷燦望中名勝乍躋攀俗吏塵襟覺頓刪水曲
三三歸萬壑峰奇六六傲千山松雲曉護金鷄洞花

雨晴開玉女顏指點仙蹤隨處是恣探還待放衙閒
○溪山秋色更宜人佳境重遊面目真鏡裏玉顏常
不老巖頭桂棹尚如新洞天歷歷昇仙地宦海茫茫
作吏身爲問虹橋如可架願携琴鶴出風塵○星渚
斜通九曲溪半篙新漲漾漣漪雲蒸鬢鬢仙都迴山
掩涇濛瀑布奇鬪茗敢誇來陸羽畫圖賸欲訪王維
謂草堂先生雨中侵曉輕桴過絕勝扁舟冒雪移王九徵
山嶂秦餘六六懸烟雲奇變闕溪前桃花棹至剛三
月石壁苔深隔五年晴可恣探成獨往雨堪靜對亦
欣然朝來濟勝憑雙屐直濺盤陀樹杪泉林邵楷閒

來古洞叩禪扉嶺路紆迴歷翠微梅竹參差橫曲徑
水雲縹緲映斜暉山空祇覺禽聲曉寺僻奚嫌馬足
稀却喜高僧談北渡解頤傾聽自忘歸陸紹良懷武
夷呈家大人名山縹緲滯攀援展卷神遊想洞天

購得

武夷
圖卷

星占女墟分禹貢宴開峰頂說秦年丹爐火暖

仙蹤古茶竈烟消理學傳遙企庭闈懷定省寸心時
繞白雲邊徐允性萬年宮坐雪和東坡韻繞樹飛鳴
有暮鴉方知滕六轉天車獅峰馬枕皆堆玉攬石凌
霄盡放花點點珍珠來屋漏紛紛柳絮滿山家萬年
宮畔庭筠在四韻吟成手八叉

宮畔庭筠在四韻吟成手八义

七絕唐李商隱只得流霞泛一杯空中簫鼓當時回
武夷洞裏生毛竹老盡曾孫更不來宋李綱清氣盤
迴作武夷峰巒窈窕白雲飛再遊未盡平生興六幅
生綃畫得歸翁彥約濯濯清溪九曲流一天風露萬
山秋嘯歌不似人間世月檻雲窻特地幽陸游未到
名山夢已新千峰拔地玉嶙峋黃亭一夜風吹雨似
與遊人洗俗塵○一葉凌風入硤來山童指點幾崔
嵬急流勇退平生意正要船從半道回辛棄疾見說
仙人此避秦愛隨流水一溪雲花開花落無尋處仿
彿吹簫月下聞劉子翬幾年歸夢水雲間猿鶴重尋

已厚顏慙愧君恩猶竊祿官銜新帶武夷山王阮九

折湍流九折山玉簪羅帶互迴環若為脫得紅塵網

來結疎茅一兩間羽士白玉蟾流水光中飛落葉白

雲影裏噪幽禽人間幾度曾孫老只有青山無古今

○山聳千層青翡翠溪流萬頃碧琉璃遊人來此醉

歸去幾個親曾到武夷方岳鶴怨空山久勒文買舟

又訪武夷君一聲鐵笛不知處但覺滿身生白雲元

黃鎮成秋日停車宿武夷石壇雲館近天梯幾時來

此山中住結箇松巢伴鶴棲陳元英斑石濕餘蒼蘚

雨白雲收盡碧山風柱頭歸鶴無人識門對寒流霜

葉紅明蘇伯厚笑入松門鶴警迎山靈好客更多情
西風一路桂花雨纔上仙舟便放晴沈周碧水丹山
映杖藜夕陽猶在小橋西微吟不道驚溪鳥飛入幔
亭深處啼孫一元武夷山高秋意涼雲陰半落松桂
蒼青壁無人沿月上蹋船放歌溪水長羅倫紫霞初
曙絲雲飛碧水丹山曲曲奇一棹烟波看不盡扁舟
何用五湖歸區玉石屏忽轉又逢灘當面青山取次
看黃鳥隔林啼不斷滿溪雲氣濕衣寒吳彥博溪上
清風溪外塵洞花幽草自生春玉簫吹徹鳳飛去人
在山中看白雲吳中立溪流寒玉山圍翠飯熟青精

石乳茶怪得曾孫貪任世不離烟火是仙家
戚繼光
一劍橫空星斗寒甫隨平寇復征蠻他年覓取封侯
印願向君王換此山國朝潘耒玉帶金魚事等閒洞
天咫尺在人間數椽隨處堪投老何必君王賜此山
韓奕九曲溪邊一葉浮白雲紅樹足清幽自憐不及
玄真子綠箬青蓑伴野鷗湯右曾送陸扶照任武夷
東西澄澈兩溪分仙穴時時起白雲此去真如駕鸞
鶴會應親見武夷君○文公精舍隱屏邊小劫應論
八百年還擬相招到雲窟誰言謫道是神仙范時繹
披襟人是晉東西新綰銅章御墨題不羨君官羨

君地放衙十里武夷谿吳陳琰多年夢逐好溪山抖
擻風塵那得閒讓爾名邦真管領籃輿終歲百回攀
○茗薜從來數武夷香清味永沁詩脾品泉細按君
謨譜好是風生兩腋時○幔亭峰上試開樽仙樂依
稀繞洞門若見武夷君問訊於今更歷幾曾孫○九
曲溪流曲曲清穿巖度壑小舟輕櫂謳處處迎官長
可是吳儂欸乃聲陸廷燦曾從夢裏訪仙真管領名
山有夙因但得朝朝餐秀色任他釜餽自生塵李如
龍託身猶喜白雲深何事行行澤畔吟鄰曲雞鳴驚
昧且溯洄澗難遣楚湘心陳山武夷屹屹萃閩靈萬石

星羅一水清仙跡空留成往事只今惟有棹歌聲

歌宋朱熹九曲棹歌武夷山上有仙靈山下寒流曲曲

清欲識個中奇絕處棹歌閒聽兩三聲○一曲溪邊
上釣船幔亭峰影蘸晴川虹橋一斷無消息萬壑千
巖鎖翠烟○二曲亭亭玉女峰插花臨水爲誰容道
人不作陽臺夢興入前山翠幾重○三曲君看架壑
船不知停棹幾何年桑田海水今如許泡沫風燈敢
自憐○四曲東西兩石巖巖花垂露碧穆穆金鷄叫
罷無人見月滿空山水滿潭○五曲山高雲氣深長
時烟雨暗平林林間有客無人識欸乃聲中萬古心

○六曲蒼屏遶碧灣茅茨終日掩柴關客來倚棹巖
花落猿鳥不驚春意閒○七曲移舟上碧灘隱屏仙
掌更回看却憐昨夜峰頭雨添得飛泉幾道寒○八
曲風烟勢欲開鼓樓巖下水瀠洞莫言此地無佳景
自是遊人不上來○九曲將窮眼豁然桑麻雨露見
平川漁郎更覓桃源路除是人間別有天

〔方岳棹歌和韻〕燒藥爐存草亦靈煮茶竈冷水猶清
老仙一去無消息只有飛泉落珮聲○桃花認得捕
魚船醉着歸來月滿川山鬼已磨蒼玉碧要留名字
與風煙○家在清溪第幾峰誰牽薜荔採芙蓉漁歌

未斷忽歸去翠壁一重雲一重○羣仙曾此醉觥船
插向蒼崖不記年蕙帳夜寒聞鶴語人民城郭自堪
憐○宿雨留雲被半巖晴光飄散雪穆穆沾衣不識
骨毛冷下有老龍無底潭○竹遶寒棲蘚徑深莖莖
手種玉成林翠屏向晚無人對猶識先生一寸心○
又撐小艇過前灣竹外菴居晝掩關桃李無言開未
了春風元自不曾閒○雲氣藏山雪捲灘地靈不與
俗人看一篙畧借秋厓便九曲欲窮山雨寒○莫說
水窮山勢開匆匆急棹酒船回溪山欲盡興無盡撐
入白雲深處來○乘興而來亦偶然誰將陰壑作晴

川笋輿更問星村路去看溪南一線天

明劉信棹歌和韻群仙遺跡護山靈鶴駕多年返太
清宴罷賓雲無覓處幔亭依舊枕溪聲○一曲尋真
載酒船棹歌聲裏度晴川瓊樓玉宇杳何處石室丹
爐空翠烟○二曲溪邊一秀峰雲鬟彷彿謫仙容多
情已斷行雲夢誰道蓬山隔幾重○三曲仙巖有架
船櫛風沐雨幾經年古今共看長如此物是人非真
可憐○四曲金鷄是古巖半空花雨落毵毵煉丹人
去爐猶在夜半神光射碧潭○五曲溪山得趣深數
椽書屋寄雲林先生道在羲皇上誰識悠然太古心

○六曲溪隨山勢灣桃源有路叩玄關回頭便與塵
寰隔流水白雲心自閒○七曲清溪轉石灘峰巒倒
影鏡中看漁歌忽起滄浪外欸乃一聲烟水寒○八
曲晴巒邈迤開樓臺掩映翠盤迴何當借我東山屐
酒侶詩朋日日來○九曲歌殘興浩然中流蕩槳下
長川昇真不必騎黃鶴三十六峰皆洞天

〔黃仲昭棹歌和韻〕我來九曲訪仙靈積雨初收天氣
清舊日虹橋無覓處依然山色與溪聲○一曲呼來
隔岸船棹歌齊唱過前川山靈似識遊人意歛盡峰
巒遠近烟○二曲溪頭聳碧峰分明玉女鏡中容到

來已訝非人境峰外奇峰更幾重○三曲丁寧緩刺
船茲遊預擬幾經年壑舟不必窮真偽巖上煙雲自
足憐○四曲廻看天際巖巖頭空翠落璦璦個中何
物尤清絕雲影天光共一潭○五曲峰巒轉覺深千
年精舍在雲林古今遊客知多少誰識先生一片心
○六曲幽林擁碧灣擬分隙地闢柴關細窮往哲傳
心要溪月巖雲相伴閒○七曲停橈亂石灘層崖疊
巘恣吟看更憐雲際千尋瀑爽氣逼人毛髮寒○八
曲悠然眼界開溪山如此可能迴茲行須盡平生興
未卜何時得再來○九曲桑麻翠泐然數家鷄犬隔

晴川奇蹤到此都看盡還比人間別一天

武夷山志

鄭善夫棹歌和韻幔亭彩幄會仙靈紫霧濛濛薄太
清奏罷人間可哀曲鳳笙龍管杳無聲○沙棠爲楫
桂爲船紫嶂丹崖錦映川我是開元李居士鐵龍吹
散萬峰烟○不道巫陽十二峰玉環珠佩淨雲容美
人婉婉秋波立迥隔天關百二重○藏裏黃棺壑上
船春風秋雨自年年覺來天地終歸盡煉得丹成亦
可憐○蛻骨藏真傳此巖土花石黛已氈毯那能懸
綆探金樽下擣龍宮萬仞潭○大隱屏前烟水深九
霄雲覆紫芝林彤墀不作含香夢丹洞忻傳出世心

○水過蒼屏灣對灣山形密似百牢關巨鰲不戴東
溟去要與乾坤作大閑○博羅東下三百灘噴雪奔
雷仰面看虬龍不出瘦蛇出天風下來吹歲寒○石
鼓雲樓天漢開飛泉幾道白龍洞探元笑入桃源路
黃葉千巖風雨來○九溪歷盡興翛然亂瀑喧厖赴
錦川尋源已到明河曲飛舄還過一字天

蔡哲棹歌跨鶴群仙昔載形至今猿鳥嘯青冥草堂
亦有逃名客謾唱漁歌仔細聽○一曲溪頭春意濃
紫烟深鎖幔亭峰仙源好似桃源路無數飛花泛水
紅○二曲高峰瀉激湍娉婷玉女髻螺寒祗應姑射

能相似未許巫山得並看○三曲仙機隱碧岑琅玕
芝草正蕭森山頭夜半聞天樂只有漁郎是賞音○
四曲風煙日滄淒縈紆巖谷互高低丹光照樹明于
月驚起金鷄半夜啼○五曲溪山秀且奇就中佳趣
有誰知紫陽可是能清賞夜擁寒爐註楚辭○六曲
雲屏不可攀綠雲千頃鳥聲閒層崖亦有仙人掌何
必騎驢入華山○七曲溪前太姥巖落花飛雨晝穆
穆天風夜捲浮雲去贏得明蟾浸碧潭○八曲平洲
卽要津太和宮裏碧桃春匆匆多少遊山者到得源
頭有幾人○九曲空明眼界寬仙家鷄犬半林端千

崖萬壑春如許誰解窮源艤棹看

國朝僧明欽棹歌和韻山自名兮水自靈山光水色

四時清是非不到烟霞裏朝夕惟聞欸乃聲○一曲

紆迴始上船閒花野草滿晴川不知往返人多少誰

識平林一帶烟○二曲雲中聳翠峰古今不改本來

容山中景况常相似人世滄桑知幾重○三曲沿流

泛小船依稀風景似當年堪嗟朽骨藏巖穴抹月披

風空自憐○四曲遙觀四面巖松筠蘿薜日穆穆金

鷄一唱千峰曉喚醒潛龍起碧潭○五曲清奇氣象

深停篙且自步山林花香鳥語皆成韻到此寧無堅

正房山記 卷一 四
隱心○六曲移舟過別灣漁歌樵唱出松關縱然識
得桃源路肯把名心作等閒○七曲隨流過遠灘回
頭重把幔亭看仙人有意常舒掌不染風塵耐歲寒
○八曲雲林霽色開水光瀲灩影滌洞群仙去後無
消息空使遊人身往來○九曲溪山本自然清流脉
脉接平川奇峰怪石皆堪畫一處林巒一洞天

〔王復禮棹歌和韻〕名山不在產仙靈浪說蓬萊與太
清樂奏賓雲惟片刻何如常聽棹歌聲○一曲溪頭
共泛船良遊從此徧長川幔亭往事知何處千載空
餘一抹煙○二曲雙鬟擁一峯幽閒貞靜見儀容朝

雲暮雨休相擬不是巫山十二重○三曲何來巖畔
船船中朽骨不知年王騫彭祖終歸盡枉自求仙亦
可憐○四曲題詩有石巖松枝拂石自穆穆詩成題
就欣臨水倒影龍蛇在碧潭○五曲峰高水益深和
歌時復振雲林獨憐經學多訛舛誰爲先生繼宿心
○六曲舟過一半灣浮名浮利不相關桃源有路思
深隱讀易看花儘自閒○七曲潺湲水下灘急流勇
退幾回看不如此日歸山好遠却炎威耐歲寒○八
曲溪山漸次開葭蒼露白水沿洞當前佳景誰能賦
自笑茲遊空去來○九曲幽奇本自然靜如山壽動

如川歌殘莫謂無人和獨客閒吟樂性天

詩餘宋李綱江城子武夷山裏一溪橫晚風清斷霞明

行至晞真館下月華生仙跡靈蹤知幾許雲縹緲石
崢嶸羽人同載小舟輕玉壺傾薦芳馨酣飲高歌

時作步虛聲一夢遊仙非偶爾回棹遠翠烟凝劉清

夫念奴嬌亂山深處見寒梅一朵皎然如雪的皦妍

姿羞半吐斜映小窻幽絕玉染香腮酥凝冷艷容態

天然別故人雖遠對花誰肯輕折疑是姑射神仙

幔亭宴罷迤邐停瑤節愛此溪山供嘯咏飽玩洞天

風月萬石叢中百花頭上誰與爭高潔粗桃俗李不

須連夜催發元羅慶水調歌頭雨晴山潑翠溪淨水
拖藍閒來共陪杖屨邂逅已成三齒齒清泉白石步
步碧桃翠竹在處輒幽探行到釣臺下怪樹蔭空潭
踏芳洲尋別館履巉巖壺天日月不老雲氣滿東
南沽得一尊濁酒喚取山花溪鳥聽我醉中談異日
再過此端爲解征驂明何守謙臨江仙山下清溪溪
上渡舟迴九曲皆奇諸峰羅列翠屏圍烟霞今闋苑
花木昔瑤池念念神仙無覓處洞天留在靈祠從
教猿鶴笑吾癡還山非不樂未忍負明時。夢寐武
夷仙島上一來欲浣羈愁山靈何事厭人遊白雲生

洞口微雨暗溪頭 顧我平生非俗客 豸冠此日清

流好將仙籍姓名收 他年勲業了 準擬卜菟裘 鄭黻

金縷衣 秋半虹橋路是曾 孫幾塵夙幸此 生奇遇天

上人間同宴集 仙樂風飄處處遍 紛郁非烟非霧光

近玉皇顏咫尺 歡呼鰲抃霞觴舉 高會散碧雲暮

至今瑞鶴猶能舞 幾千年同亭祠下 賽神簫鼓再拜

乞靈三奠酒 小駐霓旌容與半 隱約如傳好語為送

維魚來入夢 向龍潭時酒紛紛 雨齊和曲踏歌去聽

賓雲舊譜國朝 吳應聘鶯啼序 攬勝興懷泛扁舟武

夷溪曲萬年宮 古木蕭森掩映水 光澄綠空山裏風

籟泉聲幔亭嵐氣浮幽谷溯流波蕩漾且休把遊情
促翰墨巖前題詩石畔買地營香國亭亭玉女銷
魂也覽鏡臺春雲簇又何羨華池初浴洞口三杯醪
笑指那百丈巖懸仙家機軸劍石分流釣磯橫砥
潭水清如玉仙井喊泉空歸去值龍臥方熟隱屏山
雲平林煙雨堪描寫米家一幅飛瀑溜崖聲斷續憑
仙掌閒中記取數古今遊人笑他風塵碌碌鼓樓
遺響陷石劫灰今已成幻局何似白雲深處石鼓敲
風天壺醉月無拘無束但尋星渚訪桑麻渡草橋徧
看松菊此便是桃源堪信宿無煩更覓仙靈洞口迷

津徘徊山麓多麗碧霞天秋山處處鳴蟬憶幔亭當年簫鼓于今蔓草荒烟幽澗底泉流碎玉高崖畔瀑灑哀絃禮斗壇空昇真洞杳只聽得鶴唳猿咽晦翁祠梁木其壞憑弔一淒然到不如緇堂羽院過客尚流連長嘆息船藏深壑幾經陵谷變遷仰大王雄風未墜看玉女秀色堪憐鐵笛停吹金鷄罷唱虹橋飛斷白雲邊空遺却藥爐丹鼎曾見皇姥子騫移短棹歌一曲也漫擬懷仙

武夷九曲志十五卷

浙江錢塘王復禮艸堂編輯

江南嘉定陸廷燦扶照叅訂

古蹟考

虹橋板

國朝王梓大王峰昇真洞外有木板縱橫插於巖際相傳武夷君設宴幔亭時架虹橋以引鄉人及下橋遂斷其板飛插各峰石罅迄今大小藏峰鼓子峯諸處皆有之風雨飄搖歲久不腐人亦莫能取間有自墜者色黝而澤類沉香文理堅栗不辯何木土人珍之云能除胃

氣痛辟火災祛邪祟焉

詩明吳道新度閣連鰲駕海山津梁特爲度鄉關扶

桑木自曦輪斫叢桂枝經月斧刪朱楠丹楹由太古

綃宮貝闕在人間分明鸞鳳還來往斷靄殘虹不可

攀國朝李鍾鼎集詩天作高山克岐克嶷洵美且武

云胡不夷惟石巖巖倬彼雲漢豈伊異人誕先登於

岸爛其盈門肆筵設席如川之方至爲賓爲客曾孫

之慶小大稽首不吳不敖在帝左右鼓瑟吹笙樂且

有儀旣醉而出靡徹不遲風雨如晦胡逝我梁顛之

倒之於彼高岡其比如櫛視爾夢夢於萬斯年不震

不動其爲飄風或降于阿率彼幽草云如之何采薇
采薇邂逅相遇爰笑爰語厥聲載路我其收之如取
如携必恭敬止如璋如圭惠於朋友旣堅旣好罄無
不宜以作爾寶譬彼壞木金玉其相如切如磋休有
烈光實維何期相在爾室用戒不虞有如皎日我之
懷矣其在於今辭之輯矣以矢其音吳應聘丹鼎騰
空木亦仙斷橋飛上共雲懸不堪虹氣藏幽壑夜夜
峰頭吐紫煙韓奕仙洞遺蹤不記秋懸崖千尺浸溪
流飛橋幻術渾多事斷板參差空自留

架壑船

國朝王梓船長約二丈許中濶首尾漸狹類梭形傳爲圓木刳成且具棹檝然遙望之弗能詳也李磊英云舊志載武夷仙船凡七在昇真洞者四兜鍪峰者一小藏峰者二然不止此兜鍪或云二艇此外更有六艇一在金鷄洞三在鷄窠巖一在真武洞一在小藏峰北壁穴中東壁所見架壑船舊有四明萬曆末年墜其一內貯磁器隨皆糜碎好事者爭藏其板嗅之微香國朝康熙辛亥秋又墜其一今所存者小藏凡三又按程應玄所見金鷄洞內貯香一船及今洞口所懸蓋亦二艇又傳白雲洞有一艇是其數通計爲十六矣不知尚有未盡

否

詩宋李綱仙艇何年插翠微雲篷煙棹尚依依凌虛
欲鼓天邊柁喚取雙龍負背飛明徐燧壑裏藏舟經
幾春溪頭何用嘆述津世人自畏風波險豈是神仙
不渡人簡霄慣向蓬瀛濟弱流仙成何日寄巖頭天
河此去幾千里我欲乘風肯借不國朝陸廷燦不向
溪流屈曲過偏從絕壁傍嗟峩能超人世風波險自
歷仙家歲月多

蛻骨

國朝王梓武夷仙蛻予見者四大王峰之張垓徐熙春

杜轄巖之程良初水簾洞之王廣而已明萬曆時直指
楊四知見張裸程近褻因而裝塑今無所見徐與王亦
塑而口耳手際稍見其骨齒皆宛然惟程良初裸體無
飾俯首跌坐俗稱草鞋仙者是也

詩明周道一遺蛻千年事已換高巖斜傍峰之半諸
山夾水水皆飛絕磴梯雲雲不斷金蟾白鶴鳥聲餘
石匣猶存玉簡書夢中偶記曾遊徧便向巖頭訪故
居顧大典懸崖絕磴迥難攀控鶴仙人去不還小洞
春深瑤草綠獨留遺蛻在人間

遺骸

國朝王復禮武夷諸志皆云大王峯之昇真洞有五榻
皆盛蛻骨又有四船相覆以盛仙函半枕于洞函共二
十有餘空者數函張仙巖一函白骨不全換骨巖九函
仙釣臺真武洞三函白雲巖右洞數函大藏峰石罅中
十六函小藏峰有黃心木函藏十三仙蛻骨金鷄洞亦
有十三函每函或頭顱一二片脛骨一二莖手足一二
節裹以錦帕一函中有鶴骨頭與足各一仙館巖又有
明樊直指所埋魏王子騫頭顱然予不勝嘆息者諸峰
雖有遺骨何所據而爲仙小藏金鷄皆有十三函又何
所據而指小藏爲十三仙之骨子騫旣更衣上升安得

復有頭顱傳世况顱骨雖瘞全體何存數處遺骸零星
歟夫何其不幸至斯耶又何貴乎為仙耶反不若藁葬
埋於地之無想也

詩宋李仲光晝夜本循環天地均此理人生出入機
晝夜差可擬仙家學蟬蛻脫然遺腐齒白骨尚珍藏
似未亡生死元沙中子武夷別是一區寰咫尺蓬萊
手可攀一葉輕舟九曲水數聲啼鳥萬重山雲崖天
近嵐長濕石洞春深蘚自斑莫道仙凡相去遠幾多
蛻骨在巖間

武夷九曲志十六卷

浙江錢塘王復禮艸堂編輯

江南嘉定陸廷燦扶照叅訂

物產考

茶

明徐爌按茶錄諸書閩中所產茶以建安北苑為第一

壑源諸處次之武夷之名未有聞也然范文正公鬪茶

歌云溪邊奇茗冠天下武夷仙人從古栽蘇文忠公亦

云武夷溪邊粟粒芽前丁後蔡相寵嘉則武夷之茶在

北宋亦有知之者第未盛耳元大德間創御茶園於四

曲而茶戶采造有先春探春次春三品又有旗槍石乳
諸品色香不減北苑國朝嘉靖中郡守錢爨奏免解茶
得蘇民困但宋元製造團餅稍失真味今則靈芽仙萼
香色尤清爲閩中第一至於北苑壑源又泯然無稱豈
山川靈秀之氣造物生殖之美或有時變易而然乎國
朝王梓武夷山周廻一百二十里皆可種茶其品有二
在山者爲巖茶上品在地者爲洲茶次之香味清濁不
同且泡時巖茶湯白洲茶湯紅以此爲別采時以清明
後穀雨前爲最名曰頭春葉頗粗大稍後爲二春再後
爲三春葉反細其味則薄又有八月采者名秋露白最

香其巖茶之名有選芽漳芽蘭香清香諸種又有名松蘿者彷彿新安製法然種處宜風日而畏多風日采時宜晴而忌多雨以多風日則茶不嫩多雨則香味減也巖茶著名之處如復古洞白雲洞竹窠金井章堂梧峯東華巖青獅巖諸處種植烘焙得宜香味兩絕至於蓮子心白毫紫毫雀舌皆洲茶初出嫩芽爲之雖以細爲佳而味實淺薄其香氣亦以諸花熏成巧立名色不過高聲價以求厚利不及巖茶遠矣更有標奇銜異題爲大王幔亭玉女者諸峰高險鳥道難通何自而樹藝耶又有稱爲宋樹尤屬不經茶本叢生高不二三尺久不

武夷山志 卷一 二
六七年老則另種安得有數百年之茶至今猶存耶然
武夷本爲石山峰巒戴土者寥寥故所產無幾每當夏
初隣近之茶運至山中以及村墟冒名賈售廣給四方
或品知其味者不甚貴重皆以假亂真誤之也

詩唐徐夔謝尚書惠蠟面茶武陵春暖月初圓采摘

新芽獻地仙飛鵲印成香蠟片啼猿溪走木蘭船金
槽和碾沈香末冰椀輕涵翠縷烟分贈恩深知最異
晚鐺宜煮北山泉**宋**范仲淹和章岷從事鬪茶歌年
年春自東南來建溪先暖冰微開溪邊奇茗冠天下
武夷仙人從古栽新雷昨夜發何處家家嘻笑穿雲

去露芽錯落一番榮綴玉含珠散嘉樹終朝采掇未
盈檐惟求精粹不敢貪研膏焙乳有雅製方中圭今
圓中蟾北苑將期獻天子林下雄豪先鬪美鼎磨雲
外首山銅瓶携江上中泠水黃金碾畔綠塵飛紫玉
甌心雪濤起鬪茶味兮輕醍醐鬪茶香兮薄蘭芷其
間品第胡能欺十目視而十手指勝若登仙不可攀
輪同降將無窮耻吁嗟天產石上英論功不愧階前
冀衆人之濁我可清千日之醉我可醒屈原試與招
魂魄劉伶却得聞雷霆盧同敢不歌陸羽須作經森
然萬象中焉知無茶星商山丈人休茹芝首陽先生

休采薇長安酒價減千萬城都藥市無光輝不如仙
山一啜好冷然便欲乘風飛君莫羨花間女郎只鬪
草嬴得珠璣滿斗歸蘇軾君不見武夷溪邊粟粒芽
前丁後蔡相寵加爭新買寵各出意今年鬪品克官
茶吾君所乏豈此物致養口體何陋耶洛陽相君忠
孝家可憐亦進姚黃花國朝沈涵謝王適菴惠武夷
茶雀舌龍團總絕群驛書相餉意偏殷香舍玉女峰
頭露潤帶珠簾洞口雲不用破愁三萬酒慙無枉腹
五千文呼童携取源泉水細展旗鎗滿座芬彭定求
苾屨何緣到武夷揀芽相餉等瓊枝却宜鴻漸烹泉

日絕勝龍團作餅時石鼎香浮涵素液水壺色映淨
炎曦使君風味清如許續取歐梅唱和詩陸廷燦桑
苧家傳舊有經彈琴喜傍武夷君輕濤松下烹溪月
含露梅邊煮嶺雲醒睡功資宵判牒清神雅助晝論
文春雷催茁仙巖笋雀舌龍團取次分陳雨毫尖似
雪細於絲活水須烹晶色時只許素心人共啜莫教
肉鄙酒徒知

泉

明吳棫泉出南山者皆潔冽味短隨啜隨盡獨虎嘯巖
語兒泉濃若停膏瀉杯中鑑毛髮味甘而博啜之有軟

順意次則天柱三敲泉而茶園喊泉又可以伯仲矣餘無可述聖水泉定是末脚北山泉味迥別蓋兩人形似而脉不同也予携茶具共訪得三十九處其最下者亦無硬冽氣質小桃源一泉高地尺許汲不可竭謂之高泉純遠而逸致韻雙發愈啜愈入愈想愈深不可以味名也次則接笋之仙掌露而仙掌碧高泉黛碧雖處亞猶不居語兒之下譬之茶高泉芥也仙掌虎丘也語兒則松蘿帶脂粉氣矣又次則碧霄洞丹泉玄都觀寒巖泉較之仙掌猶碧之與黛耳九星泉帶陰隲色雪花泉多沙石氣人傳冲佑二龍井火食泉也

〔詩〕國朝王復禮靈芽端的賴名泉香色俱清臭味全
仙掌露承同漢苑水晶簾掛歷堯年金磚不待呼來
有石井何須敲出傳尤羨語兒甘且潔雪花雲影那
齊肩

竹

國朝王復禮雙幹竹又名同根竹七曲城高巖所產出
土尺許上分兩岐此他處所無者惜不遺種鶴膝竹又
名淨瓶竹節高而莖細與四川邛州者大同小異蓋彼
節大而扁此節大而圓也人面竹每枝有二三節甚密
其紋縱橫或近根或居中不等如人面然方竹徧山有

武東山志 卷一 五
之秋冬生笋其味甘淡爲居民采食多不成竹惟深僻
處尋覓作杖文而且輕其餘毛竹黃竹紫竹斑竹水竹
苦竹諸類幹可用而笋可餐取不費錢利益甚溥但南
方是山皆產未足爲奇耳

〔詩〕宋劉學基方竹煙梢修蠹画簷低春曉叢疎綠玉
枝節立孤高虛靜處身持敬義直方時清風戛玉聲
搖佩夜月篩金影散墀寄與幽人勤愛惜莫教劉削
俗髡知〔元〕謝宗可雙幹竹競秀亭亭一種奇駢頭曾
脫錦裯兒西山二子情依舊湘浦雙娥影自隨高節
元非連理樹虛心共是傲霜枝莫教移作仙人杖恐

化雌雄下葛陂明丘雲霄鶴膝竹杖鶴膝逢仙授龍
筇得舊傳葛陂憐往事藍澗紀何年登眺交盟重烟
霞引興偏從來神物異不敢渡延川國朝王復禮人
面竹欲識湘君面目真桃花相映笑陽春從來寫照
垂名者不數夫人卽道人鶴膝竹亭亭高節類邛州
鶴膝清癯傍石幽不獨吟風聲似唳還能映月舞同
儔

花

國朝王復禮蘭春蘭一莖一花最香且久山中甚多移
植盆中來年又發夏蘭卽建蘭也一莖八九花青莖者

尤香名玉鮓蘭閩中地煖不必收藏冬蘭花與香同建
蘭其莖細而紫生山谷間尋植可補冬花之缺有似蘭
非蘭無香而色異者蕉花名紅蘭石斛花可懸簷際五
月叢開又有花醬色一莖多莖葉亦如蘭但長而闊人
所棄也仙掌無枝無葉攀一片埋土中卽活任其積累
而上東西縱橫色綠有刺余寓中所植一本高丈餘約
百片癸巳四月放花十六朵甲午三十六朵金黃色瓣
十四五不等中有淡黃細莖叢之花蒂如綠荔周圍有
刺卽果也熟時色黃味甘可食山中人從未見其花開
時競來探之余嫌其名易爲攀天掌番毬自洋來一株

開三四朶花叢如毬大如粉團畏日喜陰初開色白久之色紅將殘色藍可歷月餘最爲耐久亦四月開洋桃亦海外來每朶紅白相間或有純紅純白者出于天巧與十姊妹花同鳳毛一名西洋鳳蔓生葉細如藻花色大紅六七月開葉甚可愛惜花小耳頰桐俗名百日紅自初夏至深秋花蕊嫩梗皆大紅色閩粵所有江浙所無也美人蕉一朶千瓣高四五寸大紅色夏秋時開月餘不壞至于櫻桃花萱花松花百合花木槿花久住山中不獨飽目抑且飽腹矣

詩國朝王復禮洋桃能紅復能白已足盡天天不意

三山種還兼二色嬌南威顏白雪西子頰紅潮欲伴
花源客何辭海國遙擎天掌似掌無枝葉朱明忽放
花瓣黃金比擬實綠荔爭誇密刺防輕採濃心爲疊
遮崇高逾一丈重沓任橫斜草蘭蘭氣氤氳第一香
疾風凍雪見真剛不煩培植能如此雅淡清高獨擅
大場頰桐南方炎月有頰桐應節爭開百日紅倒影池
中君莫訝珊瑚原出水晶宮萱花自信無憂不用忘
獨栽書帶滿池塘山厨忽供黃花饌動我離愁憶北
堂木槿花白苧裁成却稱身槿花和露摘來新草衣
木食山中任便是羲皇以上人番毬一簇霜葩似繡

開三四朶花叢如毬大如粉團畏日喜陰初開色白久之色紅將殘色藍可歷月餘最爲耐久亦四月開洋桃亦海外來每朶紅白相間或有純紅純白者出于天巧與十姊妹花同鳳毛一名西洋鳳蔓生葉細如藻花色大紅六七月開葉甚可愛惜花小耳頰桐俗名百日紅自初夏至深秋花蕊嫩梗皆大紅色閩粵所有江浙所無也美人蕉一朶千瓣高四五寸大紅色夏秋時開月餘不壞至于櫻桃花萱花松花百合花木槿花久住山中不獨飽目抑且飽腹矣

〔詩〕國朝王復禮洋桃能紅復能白已足盡天天不意

如蜀葵俗名馬蹄菜以其形似也然味不佳古人克豆
實者斯時蔬種諒少或南北土地肥瘠不同較之今蔬
何足稱長也然蓴菜亦名葵有液甚滑乃北方所無耳
甕菜蔓延節節生根花藕合色形如小杯俗名空心菜
性畏冷藏其種子甕中故名余嘗謂梗如芹葉如蓴其
美盡之矣芥藍吾鄉未見嫩時頗可食葍野菜也冬月
布地叢生二月開黃花結細角內有子味甚辛辣洪舜
俞云葍有拂士之風林洪云朱文公飲後輒以葍莖供
蔬品龍鬚溪邊野藤之苗也以形得名味淡四五月采
取藿豆葉也苦珠山草也味俱微苦雖皆可食不如園

蔬多矣

詩宋朱熹**蒔菜**靈草生何許風泉古澗旁
褰裳勤采擷枝筋噀芳香冷入玄根秘春歸翠穎長
遙知拈起處全體露真常國朝王復禮**采藿**理義悅我心
芻豢悅我口二者素相兼天庇良獨厚自欲隱名山著書
藏不朽孑然來崇陽百凡無一有卜築丹碧間窮經
辯蝌蚪至聖是吾師群賢堪尚友疏水法宣尼固窮
驗操守希顏亦簞瓢類思常露肘學圃宗樊須負薪
繼曾叟今茲復携筐采藿與仲偶敢謂味如茶堅苦
可耐久何患食無魚長歌以擊缶

禽

國朝王復禮白鷗狀類雉大倍之白毛黑緣爪喙皆丹

韓元吉精舍記云鳥則白鷗鷓鴣聞人聲或磔磔集巖

上散漫飛走而無驚懼之態小鳥僅長寸許梅林中數

十成群飛集自如最可愛玩鷓鴣形似竹鷄臆前有白

圓眼背毛有紫赤浪文其聲有似行不得哥哥義鷄山

居窻禽也不與其所生之雛配合余甚異焉表而出之

詩明徐渭白鷗閩南烟雨迷青嶂孤雌挾子飛天上

却憶羈雄不得歸兩槩深籠鏡波漾片雪長梢向尾

分有時夢見武夷君山長水遠無書寄不及南飛鴻

雁羣主人爲爾苦惆悵開籠欲放非難放矰繳鷹鷂
何處無萬里憑誰報無恙國朝王復禮小鳥山中何
所有嬌鳥寸餘長戲水穿花去渾如蛺蝶忙禽言行
不得哥哥喚醒途人功幾何風波平地險豺狼當道
多鷄聲月店須同伴人跡霜橋勿獨過行不得哥哥
熱腸苦口莫嫌他義鷄行崇安明府琴伯余宗人入
山見訪叩柴門用贄乏雁携得翰音代雄赤雌黑適
與陰陽分山齋畜養已三載雌能育卵雄司晨小孫
偶欲弄雛戲老夫借此亦觀仁一窠盡出二十翼半
供客饌半猶存雄飛雌伏若此爾獨堅拒亂啄全

天倫從來畜類無禮義今爾胡能秉素貞何以報之
宥不殺死埋生養盡余忱君不見浣花老人義鶻行
留題千載不沉淪此鷄應得同垂世濡毫一唱三嘆
傳奇聞

燕獸

國朝王復禮山君武夷未嘗無也會夜入觀中取牝猪
以去詰朝尋覓得于山後所食不多或有時攫居民之
犬然從不傷人亦一異也松鼠長不過半尺皮有紅紋
數條不似吾浙之毛色淡黃尾大如身也若宋韓元吉
精舍記云山故多王孫文公序云猿鳥之吟嘯詩云王

孫遠相喚楊大年詩云猿鳥駭人羣元曹休齋詩云林
猿迥磬汲陳元英詩云疎簷透月山猿嘯明蘇伯厚詩
云惟有哀猿嘯翠微吳國倫詩云猿猱掛巖柯今則無
是物矣

詩國朝李光墀泛月遇虎月色照漁艇人禽判分毫
水猶親忠信何怖一麕猫貂翎鼠逐食上木杪飲澗
下清泠黠者尚如此何用師挈瓶

館

不見浣花老人義
同垂世濡毫一唱三嘆

于書發講昔尚收此何風
筆蹤

木辭賤忠計何刺一
魏辭深爾鼠
受食土木
賦增難

籍國賤李光輿
日異
日會
照
煎
璣
人
命
公
臺

景
神
矣

江

不多或有時櫻

云卦育京
欒觀
翠
嫩
吳
國
偷
書
云
發
翁
掛
蠶
麻
令
限
非

嶽
彭
普
幾
刺
元
英
籍
云
蕪
營
致
日
山
欒
觀
賤
藕
節
鼠
書

經
袁
賤
與
尉
大
平
籍
云
楚
鳥
總
人
羣
云
曹
朴
齋
籍
云
林



浙江圖書館

浙江圖書館

TIFFEN Color Control Patches

© The Tiffen Company, 2007


Blue Cyan Green Yellow Red Magenta White 3/Color Black

Centimetres


Inches

1 2 3 4 5 6 7 8 9 10 11 12 13 14 15 16 17 18 19

武夷山志下



浙江圖書



浙江圖書館



Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black